

新吾呂先生實政錄七卷

〔明〕呂坤撰

明末影鈔本

新吾呂先生實政錄序

大學傳釋治平曰如保赤子
心誠求之至論潔矩大道曰
忠信以得之蓋王道本於誠
意保蒼赤安

社稷非可以聲音笑貌為也士
君子遭時遭主孰不亟自表
建以為國為民居然自命顧
忠信未豫心寔不誠一膜之
外已成胡越烏能以實心行
實政嗅咻生民而登之上理
乎惟我

呂先生天中大賢得伊洛真傳所著有呻吟語發明六經孔孟之學天德王道淵源於中居恒慨然以天下為己任一念民胞物與真可盟幽獨而格鬼神者比其在銓部也操人倫之鑑式序在位至貴要矣乃慨嘆曰吾人濟時行道必先親民遂力求外補一意安民之政自保釐山以東及滇撫山以西朝夕焦勞惟恐一民一物不得其所故諸

所措注靡匪加意蒼赤者懼民啼饑號寒也教之墾荒田興水利樹桑棗養五孳其所以殷殷懇懇導眾利而布之下者必欲家給人足而心始慰懼羣民無告也為之歲給粟布時加存問即瞽目殘肢俾各專一藝以資其身乞丐之流亦冬有生房房有布被期窮民舉無失所懼荒歉為民災也紙贖無礙盡數糴穀貯預備倉而又募民出粟益

以官廩俾在在皆立社倉遇有水旱不能為災懼盜賊戕吾民也而申飭保甲之法懼淫邪蕩吾民也而講明鄉約之法懼冤枉害吾民也而設為平反之法懼奢靡損吾民也而崇尚節儉之法又懼有司之弗慤或至殃吾民也指陳在公之事正色而告之于

是乎著為明職民務鄉甲約風憲約獄政諸書頒布諸司共期惠養黎元以臻上理蓋

先生愛民真如保赤一猷念一政事設誠而力行之故臚分畛列憂憂乎其言之也不佞炳令東魯晉中受知先生最深且久實爐冶而陶鑄之大懼弗克奮樹負特達之遇

茲奉

命按楚職屬風憲益不易稱日惟兢兢凜凜循先生書布之政令用廣其澤所以報也而徐自考曾不能萬分一然務實而恥為文此其大旨則奉

若著蔡已秦越人之禁方已
人之疾矣必請而傳之以所
求博也是書烏可以弗傳爰
校而刻之總名之曰實政錄
宇宙之廣必多篤學好修留
心當世者緣先生之迹而神
明之太平可致也豈曰小補
之哉謹序

萬曆戊戌歲季春吉旦巡按
湖廣監察御史燕趙門生趙
文炳頓首撰

明職引

朝廷設官分職衙門各命以名百司庶府各顧名而思
職思職而盡分人人皆滿其分量而天下無事矣今
天下無一事不設衙門無一衙門不設官而政事日
隨民生日困則吾輩溺於其職之故也嗚呼何可道
哉乃發明職掌申飭大小職官終日思其所行經歲
驗其成效稱職乎不稱職乎子夜點檢自慊自愧必
有獨得者奚俟喋喋乎余言

萬曆壬辰秋都察院右僉都御史寧陵呂坤書

吏承出身

雜職小官多出於吏員承差夫吏承上納大小行頭供役司府州縣房中案牘止尾承行之名堂上應答類多奔走之事通明律例者不多練達政事者甚少文書靠積年書手招擬托慣柴主文借公衙以支門戶緣私賄以養身家三者甫完而此心久壞一官初授而惟利是圖豈無賢人君子秉正持廉要之千百中十一耳嗚呼官多卑吏亦自卑

朝廷一切事體未有言官不言吏者如文移則言仰某衙門官吏如恭謁則言官吏作揖如示仰則言官吏

人等吏何嘗卑哉倘念上納之費所值幾何終身優免無一非百姓膏脂所在榮光何者非

朝廷體面今日得做一官是我報效之日俸祿雖薄比吏自然略厚陞遷雖小好官定是途長況上司耳目察爾獨精但有一長無不培植本院薦人惟論才賢不拘資格努力自愛無負教言

倉官之職

朝廷錢糧黎庶膏血攢零合整積在倉中凶荒可以活萬姓之生征討可以濟三軍之急為倉官者收時要極乾極淨量時要極早極平倉中之地務使乾燥上

防雨濕下防水浸瞭窓常要透風又要編竹小孔以

防雀入牆壁常要堅塞又要鋪板檣灰以防鼠盜感

暑連陰之月稟討官鑰將穀翻上倒下務使薰蒸濕

熱之氣得以宣洩每歲如此三番米穀自不紅腐至

出放之時升合不欠出納之數冊籍要明如此做官

人人都作頌聲事事都顯能幹上司自然喜悅前程

自然遠大而今做倉官的地濕房漏全然不理雀食

鼠盜與我無干只愁妻子貧窮只恨錢財不足收時

刁難納戶數日不收及至常例滿足濕收濕耗又有

一等作奸之人計筭在倉斗頭加耗共餘若干却通

納戶折銀錢兩圖便宜至於出放之時短升少合零

取碎侵無所不至不思

朝廷設倉豈為倉官哉不忍一年貧苦致壞一世前程

仔細思量真是可惜本院留心採訪必不虧你好官

敬聽吾言大家勉勵

巡檢之職

巡檢之設原為盤詰奸細查問逃亡緝捕盜賊闖防

詐偽弓兵要選精壯鎗刀要常演習山川險隘到處

巡邏村落居民全無騷擾使軍民商販得以自在通

行盜賊奸徒不敢公然來往如此三年方為稱職北

方巡檢委實貧寒有在荒山野嶺之中或居人稀路僻之處妻子不得寬綽錢財無處從來但既做寒官須安窮分果能有功無過自得上考優陞而今作巡檢的弓兵不問壯衰器械不求堅利武藝全不操演凶盜全不緝拏却又索弓兵常例甚者一半折乾擾害居民刁難過客驢馱挑者不止十分抽一作費為商者平白指稱為盜是增一巡檢添一夥強賊一毫無益於地方萬分有害於黎庶以後遵守法度能盡職業者分外獎勵上等等者一體薦揚仍舊殃民不改者訪知定行拏問使家鄉難還妻子流落有甚好處試自思之

驛遞之職

倉廩者驛遞謂之熱鬧衙門以為美缺蓋驛遞衙門路當衝要常見上官年貌才能容易顯露錢糧出入常得自由不知你每也有苦處站銀急支不來過客急送不起怨夫馬之不齊者不管死活供具之不豐者嘗加責罵上司之公差不免凌索監中之囚犯每費關防但官窮窮不過人夫官累累不過驛馬做驛丞大使的重索馬頭常例一不遂心便派苦差逼取徒夫面銀一不如意便加凌虐以官錢放債領銀

則加倍扣還致貧夫常受饑寒指過客為名開銷則半屬冒破而站銀多入囊篋徒夫有錢者賣放有力者保放紀法蕩然馬驛無錢者多差有勢者不差公道減矣或私衙日索小菜下程或家人私送秋風人事或受居民詞訟或與娼婦姦淫種種弊端事事可恨不知近來上司耳目專是尋你小官百姓口實也只奈何小官一經訪察或被告發戒飭的也是你趕逐的也是你拏問的也是你不如小心謹守多做幾年再轉兩任長短算來名利兩得而今世道清明何嘗虧枉好官哉

稅課司之職

夫百工之事百貨之通以有易無本為民便故古者譏而不征今稅課設官一則收餘利以充國家之用一則征商賈以抑逐末之人雖非正大公平猶不苛刻纖細近日巡攔及集頭老人抽稅將小民窮漢賣鷄鴨攜荳幕疋布上街擔筐入市無不抽稅油行既稅店又稅油屠既稅生又稅死有司官指此為科飲之媒巡稅官指此為攘奪之具針頭削鐵所餘幾何樹剝重皮豈能堪命如此刻剝貧民何異盜賊搶奪且稅課原無定數稅錢豈盡報官割眾家之

肉安自己之身天災人禍豈肯寬饒本院原有禁約
但有違犯定行拏問追賊毋悔嗚呼有司若肯清廉
其所以鈴制闕防不患於無法不然稅課巡邏且得
借我以肥其身所得幾何而惡名皆我受矣可不慎
哉可不慎哉

司獄官之職

監中人犯多非良民縱是徒罪充軍那非違條犯法
况頸上長枷更是重刑但係強賊尤為死鬼朝思暮
想只求控網脫籠得便乘機便要劫囚反獄司獄官
若肯用心闕防無縫鎖鎖在鯨頭白日不消帶肘寄
櫪樞樞住手脚夜間更須輪防縱在荒坡野地豈能
揀翅騰空况監牆門戶重重乃重犯脫逃往往獄官
吏禁疎慢之罪百口何辭至於囚犯發解出門州縣
官吏昧目昏心全不堅牢鎖鎖又不揀選兵夫嚴加
申諭夫囚犯懷百計脫死之心解夫無一念防奸之
意力倦心慵情熱志懈忽然逃走盡坐受賊踈虞失
守解夫固難辭罪然賣放罪囚與囚同罪解夫豈不
習聞安肯以三五錢銀替人死罪彼久囚窮困又安
得許多財物買求性命哉當發解之時鬆羈絆之計
獄官吏禁不能逃其責矣至於牢頭獄霸行暴毆人

當衣奪食放錢賣飯或囚犯入門而本囚未得入口
或因糧到獄而本囚不得霑思穢汙不肯掃除病疾
不報調理忍寒受熱叫號不徹於公堂抱屈含冤心
事難白於官府女監縱吏卒姦淫輕犯將重樞凌虐
如此作官必有天禍明理者知監倉乃陰德之地獄
官乃方便之人犯法存哀矜之心時加體悉重犯嚴
闕防之法不肯凌虐斯為稱職而子孫享其餘慶矣

庫官之職

庫官吏之弊有三重收以苦納戶輕放以苦支人暗
盜以虧公帑豈知大戶解官亦有苦處徵收之時貪
官視為財主又料其多收巧立名色雜取重派傾銷
之時當堂拆封先扣火耗入諸私囊腳價添搭鋪墊
打點一切不管及至發解之時却又輕輕扶控天平
每百兩常輕三二兩大戶解官遙望嘆息何敢近前
一看及到交納之處千巧百偽務在多壓當事者伴
為不知或偽出公言不知秤免官吏熟知其心已暗
笑之故收受時打點重則收輕打點輕則收重出放
時打點重則折少打點輕則折多甚者打點不到見
三五次不收候數十日不放當事者坐轎出入盲然
無見伺候者道傍呼號褻爾不聞如此下情似當念

及且收放重輕關係甚大我平收則在下者不得借口而萬姓省一分半分之財我重收則在下者幸其有名而萬姓多加二加三之費我得幾何而大家所得者皆我之財彼罪幾何而眾人剝削者皆我之罪且我既借左右以行私左右亦借我以請托非分之思只從其所欲難開之例無能拒其所求法盡廢令難行職此之故至於庫官庫吏侵盜官銀倘若無所抑昵何敢遽蒙邪念皆緣在下者借公帑以奉承在上者借公名以支取粘帶含糊乘機作弊倘官若廉正則闕檢自嚴左右自畏安敢行私向見一府收銀堂下多樹木椿繫以橫繩解戶投到公文即時堂下伺候各將銀囊搭掛在椿頭繩上挨名點近天平掣籤喚吏監兌聽令解戶自台天平自敲針管監吏報足便令收封如兩有爭親下審視一面即填庫收一面即押印信秤兌既畢當時領文至於出放錢糧亦令解人自兌彼庫官吏雖怨而無辭羣小欲希恩而不得衙門之內凜凜風生故曰廉生威正大者必光明光明則吐氣揚眉令行禁止何利不興而何害不除余因論庫官而有感於二十年來所見以告凡有出納之責者

官恩例貢出身

昔者汲黯以父任霍光以兄任即今官恩生也張釋之以入貨卜式以入粟即今例貢生也此四公者人品何如近世諛以蔭得官者為養養之子以粟拜爵者為銅臭之子不論作人何如但以出身相訾何見之俗也抑此兩人者不自愛耳藉門戶之光幸冠裳之易華衣鮮食佚遊宴樂田宅亭榭是貪珍異器物是好安富尊榮坐銷日月文學政事漫不留心及授之政帶富貴氣習者倔強不諳世務而恣意見以亂官常念程路無多者闒茸不奮精神而縱貪婪以誑吏議則誰之咎哉余向亦徂眾人之見謂賢才不在此曹及入宦以來於官恩中得三四人例貢中得一兩人甚自振拔且曰負七尺之軀享一命之榮無分毫之益為衣冠之玷以實世俗之笑吾甚恥之余雅重其人因以示勸諸君其勉諸

貢士出身

國家重典惟養士為最隆一入庠序便自清高鄉隣敬重不敢欺凌官府優崇不肯辱賤差徭柴州縣包當詞訟各衙門存體歲考搭棚餅果花紅紙筆何者非民脂膏科年酒席絲樂夫馬盤纏一切皆榮名利及

至原膳年深貢之

國學旗牌路隘半於科甲故自入學以至入官蠲除作
養費軍民不啻數百金矣閭閻市井小人一飯不忘
報自思何德何功受此大惠久惠故官無大小自家
命定前程職無尊卑自當隨緣稱報平日養育是
朝廷耕鑿時今日選用是

朝廷飲食時不信

國家養賢用人只為養我七尺之軀為士優我以廩
餼作官食我以俸祿始終只為我身哉一生有資於
黎庶百歲無功於

朝廷蠅營狗苟只為身家有道者必不然

科甲出身

世俗談榮貴無不艷羨科甲中人而科甲中人亦以
此自艷羨余亦未嘗不於此沾沾焉何者廣土眾民
君子欲之謂澤可遠施中天下而立定四海之民君
子樂之謂道可大行聖賢之艷羨貴達蓋如此科甲
中人非澤可遠施而道可大行者乎小而郡邑肯造
福於萬民何事不可行大而臺省肯建白於天下何
事不可遂極之而八座九列肯留心於

社稷蒼生何功不可樹嗟夫扶世運者吾黨壞世道者亦

吾黨也夫賢者樹名節礪行檢彬彬有人至於藉地
步之榮逞恣睢之欲有與援者三窟之鬼恃廣與者
百足之蟲為守令則泰然肆於民上而安養教化全
不舉行乃俗眼上官誰不推引以結他日之思為監
司則安然渾似閒身而生民吏治略不闕情惟奔走
俗塵僅了簿書以塞目前之責為撫按則依然惟知
尊崇而官常民隱漫不精察但交結津要收恩避事
以保富貴之身智巧習成當嫌怨雖係天下國家之
安危忍於推諉虛彌套熟患得失雖論至愚不肖之
流品謬謂賢良立

朝既已無聞居鄉又復多罪或強買田宅或凌逼債息
或囑托官府或把持市行或縱子弟僕隸橫於鄉隣
或恃知舊衙門快心讐敵或阻抗錢糧或濫希優免
或多役人夫或討占便宜州縣畏其惡社莫敢誰何
監司恥其負塗無能拂逆昔人云士君子在朝美政
居鄉善俗又云出為名宦入為鄉賢彼衣冠名器豈
為惡之資耶負國殃民之罪科甲人獨百於諸曹矣
乃樹坊揭扁以招人指罵榮乎辱乎余言傷於激切
而若是未嘗無人然未聞吏承歲粟出身而敢於為
惡者吾輩受

國恩不為不厚，負世望不為不隆。可若是否乎？余自耻不類，恐為朋儕辱，故諄諄自責。望如此，所願同志以人品自激昂，以世味為塵垢，各求表樹，無愧科名。幸甚。

教官之職

官之重無如教官，重官之壞亦無如教官壞矣。

國初以學校為首善之地，教職為風化之官。每選上舍，俾為郡邑師考，其立身端謹，學政精嚴，作養人材，堪為世用，則行取為編修、檢討、御史、給事中，後為大臣，皆有建樹。當時以起家教官為第一榮進。匪

朝廷濫擢此官，則教官實稱此職也。今之士習可知也。已聯其長少，正其心術，端其趣向，約其放縱，抑其賒蹇，索其惰慢，教以立身行己之法，迪以濟世安民之要。使居鄉則為端人，正士出仕則為良吏、忠臣。一言而鄉黨相傳，一行而家邦取法，不愧俊秀之才，堪為社稷之重。但一學得此數人，翹然出色，其餘皆小心謹畏，不辱其身。教官如此，可謂稱職矣。而撫按不以

國初之典薦

廟堂不照

國初之例行，必有任其咎者。今也無論教以修己治人

之術，望其成德達材之效，即以舉業講課者幾人。昔曹月川先生端曾為霍州學正，規言矩行，崇德尚賢，士皆濯心礪志，恥其生平。期年之間，意氣交孚，而聲容半似。後調蒲州學正，兩學諸生上疏爭之，嗟嗟月川何修得此。彼其深沉有養，澹泊無營，故親炙者悅服，觀感者愧訟，非科條所約而語言所詔也。今也科條且廢，而語言不聞，師生相與君子恥道之矣。居是官者能知學校非愛老憐貧之地，教官是正己率物之身，諸生是世道民生之賴。

朝廷付我以滿庠青衿之士，望我以養賢待用之益。教授授以何術，學正正得何人，教諭諭以何事，訓導導者何說。府州之轉雖冷，曾否作人之功。升斗之祿雖微，有無素餐之恥。夫乘田委吏，須稱牛羊會計之職。擊柝抱關，當盡譏察啓閉之事。教職雖微，豈擁虛名而備冗員耶。本院言誠過直，殊傷雅道。然賢者反諸身，必以無此自憚不肖者，觸其非亦當以有此自愧也。

弟子之職 一讀書錄由

壬辰八月余移駐代州謁

先師廟試講既畢，乃前諸生而問之，曰：諸生知聖賢以經

史乘訓

朝廷以學校養士之意乎夫乾坤內只有這一種道理古今人只有這一副心腸千古聖人心腸中是這箇道理吾人心腸中也是這箇道理只是聖人志氣清明義理昭著又身心體驗措注精詳故其精神心術微識見施為之妙藏在方策傳留後代是我心所同然而彼先得是我心所同具而被先言一種道理之外聖人別說分毫不得一副心腸之外聖人別有分毫不得譬之衣食聖人是做造的吾人是喫穿的做造的留式樣喫穿的享見成所以

朝廷教人讀書正欲以我這副心腸就經史中明那一種道理何者自古及今凡身心性命之精言天下國家之治道天地鬼神之造化草木鳥獸之情狀及倉卒難應之務艱危難濟之變輻輳難剖之事隱微難見之理玄遠難測之數經史中有一之不載者乎古今是這箇天地人物古今是這等參贊輔相故以經史之道治今之天下言言符契事事吻合不必費古人之心自能獲古人之效經書之有資於身心猶衣食之有資於口體世上少他便不成世界人生少他便不成好人

朝廷特設學校辟以師儒令其口誦心惟身體力行指望諸士遵聖賢之言成聖賢之身以立聖賢事功使斯世成唐虞三代宇宙生民見唐虞王代太平故待士之體貌獨優舉士之禮節獨重用士之榮寵獨隆所以期望之者誠厚也諸生終日誦讀一字字都向心頭想一想一句句都往身上貼一貼試看古人所言與我身心合不合其合者便要體驗擴充其不合者便要沉潛思索便知聖賢千言萬語說的是我心头佳話立的是我身上妙方不必另竭心思舉而措之無往不效而今把一部經史當作聖賢遺留下富

貴的本子把一段學校當作

朝廷修蓋下利達的教場砑砑終日誦讀惓惓只為身家譬如僧道替人念誦消災免禍的經懺一般念的絕不與我相干只是賺的些經錢食米衣鞋來養活此身把聖賢垂世立教之意辜負盡了有道之士仔細思量笑死媿死人生七尺之軀皆有安天下萬物的性分皆有使天下萬物各得其所的本事聖賢又留下使天下萬物各得其所的學術日日做天下萬物各得其所的事業自有天下萬物各得其所的功効只是吾人少了這使天下萬物各得其所的心腸

有了這副心腸參贊位育不是難事彌綸輔相不是虛言只是而今世教不明所志既非古人之志所學亦非古人之學古者十五而入大學格致誠正修齊治平這八件合下是一齊做底其實格致誠正功夫磨練成這箇身子全到天下國家處作用隱居求志求底何志就是行義時所達之道也窮不失義不失底何義就是達時所不離之道也孔子曰如或知爾則何以哉以是甚麼工夫漆雕開曰吾斯之未能信斯是甚麼道理文中子曰苟有用我者執此以往此是甚麼學問諸生於以字斯字此字曾否留心孔子曰期月可也三年有成孟子曰大國五年小國七年聖賢有這般學術直下承當便敢定這般期限就是下等事功如管仲之期於霸齊范雎之期於帝秦蘇張之期於縱橫志趣雖不正大手段都是見成的的確確掣得定底故其作用出來皆有成就諸生在此只知記作文章誦讀策論且莫說本領上體貼就是章句之學也只是剽竊料度他日忘了這口頭學問渾是一箇空軀殼餓肚腸至於經世之務更不留心只問以本州縣編審差役如何均平地體如何清楚盜賊如何消弭風俗如何轉移倉廩如何充實荒歉

如何救濟留心者已自不多至於世道之汗隆國家之理亂漕河之通塞馬政之修廢軍伍之盈虛戰守之機宜邊計之得失言之津津有味策之鑿鑿可行恰似不見有人這般經濟學術治平手段不於諸生望將誰望乎諸生今日著襴衫明年戴官帽適所云云一一付爾舉行責爾效驗到手事兒皆平生夢寐不及着肩担子皆自小心思不到要做詳審精密之事成光明偉俊之功豈不難哉所望諸生以天下國家為念志伊尹之所志以憂勤惕勵為心思周公之所思為學便是實學休為言語文字之工作人須作

端人無矜聰明才辨之質他日策名仕途另有一番手段俾

社稷賴以奠安蒼生賴以得所

朝廷收養士之效科目有得士之光流芳於竹帛增重於冠裳士大夫皆為之吐氣揚眉曰吾輩讀書人經綸手段固如此哉諸生勉之

弟子之職二 作人道理

舉世衣冠往往通用惟有生員衣冠

皇祖特為留意襴衫之制中用玉色比德於玉也外有青邊玄素自閑也四面攢闌欲其規言矩行範圍於道

儀之中而不敢過也束以青絲欲其制節謹度收斂於禮法之內而不敢縱也絲總下垂縵者條也心中事事有條理也國領官服以官望士貴之也惟有頭

巾制度未定一日

皇祖做行見士戴一巾問此何巾曰四方平定巾

皇祖曰四方平定必須民安乃將巾前面按一掌作民字

樣遂為儒巾曰

朝廷養士本為安民以作元服首重之也而今儒巾倒過來看隱然是一民字其兩飄帶則頭角未至崢嶸羽翼未至展布欲其柔順下垂不敢凌傲之意云嗟夫

聖祖之待士如何隆重而望士如何殷切也吾少時鄉居

見閩閩父老開闢小民同席聚飲恣其笑談見一秀才

才至則歛容息口惟秀才之容止是觀惟秀才之言

語是聽即有狂態邪言亦相與竊笑而不敢短長秀

才搖擺行於市兩巷人無不注目視之曰此某齋長

也人情之重士如此豈畏其威力哉以為彼讀書知

禮之人我輩村粗鄙俗為其所笑耳若閩閩其行聞

聞其心言不根道義信口開闢身不守禮法任意舉

動三五相聚則恠諧嘲訕開口舌之一二浪遊則

淫邪狎昵作苟且之事少年恃其才學藐視師長霸

者逞其才悍挾制有司或小不忍而動大怒輕過呈

詞或一人事而約眾人同行囑托說正話者則笑為

道學吹求其短必灌以狂泉不詭隨者則惡為古板

厭棄其人不資夫麗澤孟子曰其子弟從之則孝弟

忠信董子曰禮義廉恥是謂四維此謂八行即無論

士有百行此八行者關係名檢不細士日以八行自

點檢如此語言得無不忠信乎如此舉動得無喪廉

恥乎夫未之高出曰秀才中一人曰士士肯好修同

學見其人而受慕居鄉薰其德而善良官於內則為

朝著儀刑官於外則為縉紳師表此之謂秀出此之

謂士人也不枉父母生長此身也不枉天地涵育此

身也不枉詩書教誨此身也不枉

朝廷作養此身他日屬續之時將平生歷履打算一回

也不舍羞於地下也留讚嘆於人間百年易過此身

不復再生一息尚存此志豈容少解本院平生立志

不專向道不篤循省過端千瘡百孔自治不暇何能

訓迪諸士第謬持風紀於諸士有師帥之責不得不

以正言相教戒今日士風三事尤當首戒特拈出與

諸士談之余作小秀才時見同學長者竦然恭敬不

敢在傍高言大笑不敢在班亂序先行迎騎於長者

道簡勒馬同席於長者告坐隅邊分付唯唯聽從使令踉蹌奔走比見近日縉紳談天下士率以新進少年侮慢長者為憂夫禮非以尊人盡吾道耳不循禮非以慢人自棄其道耳尊長尚存謙虛卑幼豈宜倨傲况尊長之年輪到我身卑幼如斯果能堪否故夫子責原壤以幼而不遜弟為首過孟子謂堯舜之道只在後長徐行諸生未必皆然有則改之其次公論

出於學校古人稱學校云有髮頭陀寺無官御史臺言清苦正直也近日學校豈無公論之人但有一種浮薄之習以愛憎為毀譽以口舌代戈矛意所不快造作謗言寫帖匿名或無水而起風波或因小而張重大或聚談人家是非或編起同庠綽號此等士風最壞心術不知諸士有此習否有則改之至於結黨一節尤于法紀夫朋友之義過失相規未聞同惡相濟士平日自愛重人未有先侮士者即士為人侮一士之口足以訟一人即其人該滅族之罪一士之力足以上告

天子下告方伯明正典刑况天下處處衙門自有重士體面乃借斯文之名倡義氣之說或一士見凌於鄉黨則通學攘臂爭告於有司或一士見辱於有司則通

學抱冤奔訴於院道不知經史果有此道律令果有此法

卧碑

勅諭果有此許否乎夫斯世之人未有孤立而無類者一民被刑則百姓聚擾於公庭一卒當誅則三軍聚擾於帥府下至於工商吏卒里老無不各有同衣無不各重同讐勢必至於私黨橫行紀法盡廢此大亂之道也日者靜樂生員劉鳳起劉鳳儀與周繼登關啟通學生員李鍾翠等相率赴省向兩院司道開然膚懇本院不罪劉鳳起等而黜李鍾翠夫關啟自有正

律一丞尉能處之而張皇如此聲勢可乎不可乎且士之賢者未嘗不非笑其同類而朋黨既成去者以不去者為薄行甚者以誓相要以罵相激以利相鼓舞奈之何不強相從乎夫士也諸類中之賢人乃不以道義相先而結黨以為諸類倡余甚悲之本院身非緇黃家亦士族而惓惓如此者以士君子之行望諸生不欲以姑息兒女之情相煦煦也倘禮法當如此則經史法律必戴之矣諸生其繹思哉

州縣佐貳之職

州同州判縣丞主簿分守令之政共州縣之民者也

官雖有正副而權不輕位雖有尊卑而事不異本院
做秀才時嘗懷濟人利物之心無當事臨民之位徒
有念頭無處展布今汝佐貳各官有管糧者當思如
何恤民如何足

國奸頑富勢如何催徵負累荒逃如何處置簿籍之清
查欲明欠少欠多不要混亂打比較之規則要定
正名正戶不許代納陰侵里書之弊不妨察見淵魚
皂快之奸切莫縱令吃蝦須是常例革而後法令行
要知分別明而後鞭朴少清軍者須清本戶莫賣放
本戶却着隔里同姓含冤巡捕者須護真賊莫漏網
真賊却將無辜良民受拷奉堂官批詞不分貧富俱
問有力稍力以奉承受富勢囑托不問曲直只是要
打要錢以出氣耳賴聽皂快支使一吞其餌則貓鼠
同眠性慵任左右通同一入其籠則雞犬受害至於
私接呈狀濫罰緘紅擅作威福重用拷掠署印則隨
事科財營差則所至媒利此皆不肖常態而有志向
上者之所恥也况佐貳之中容易出色有一好官自
然薦拔自得優陞若欲速見小如前所為輕則戒飭
重則挈問後悔何追近見一二佐貳既能潔己又肯
惠民本院深所愛重各官勉乎哉

太原論屬

壬辰六月余召太原所屬州縣掌印正官而諭之曰
宇宙之內一民一物痛癢皆與吾身相干故其相養
相安料理皆是吾人本分書云山川鬼神亦莫不寧
及鳥獸魚鼈咸若鳥獸魚鼈非吾同類也而且使之
咸若然猶曰彼有血氣心知欲生惡死所同鬼神奚
賴吾人山川有何知識而亦使之亦莫不寧者何蓋
聖人以天地為心為生民立命心惡既竭仁愛無窮
必使乾坤清泰海內安康無一事不極其安貼無一
物不得其分願而後其心始遂伊尹有莘之耕夫也
當隱居時便樂堯舜之道其言曰予弗俾厥后為堯
舜其心愧恥若撻於市一夫不獲曰時予之辜夫君
不堯舜自有當其恥者一夫不獲自有任其事者而
伊尹引為己責深自愧罪只是真真切切見那君民
痛癢觸着便自相干而致君澤民我又有此學術是
以孔席不暖墨突不黔汲汲皇皇慙慙慙慙只是這
箇不忍人底念頭放歇不下吾輩七尺之軀不短於
古人耳目口鼻四肢百骸不少於古人六經四書子
史百家至今大備吾輩誦習又多於古人只然看得
天下民物與我分毫無干豈是這腔子中天不曾賦

與不忍人底一點良心如何百姓痛癢全不關心元活通不介意大段今之為吏品格不同第一等人有這一點惻隱真心由不得自家如親孃之於兒女憂微念寒怕災愁病日思夜慮吊膽提心溫存體愛百計千方凡可以使兒女心遂身安者無所不至雖強制之不能雖淡薄之不減所以說先王有不忍人之心斯有不忍人之政心切而政生慮周而政詳聖人雖欲歇手不得此謂率其自然第二等人看得天地萬物一體是我性分使天下萬物各得其所是我職分不存此心便有愧於形骸不盡此心便不滿其分量慊慊維世道亟亟愛民生以謂為之自我當如是耳此謂盡其當然但纔有強勉向道之心便有精神不貫之處第三等人看得潔已愛民修政立事則名譽自章不則毀言日至士君子立身行己名節為先奈何不自愛是為名而為善者也第四等人守能潔已而短於才心知愛民而懦於政可謂善矣然毫無益於郡邑安能為有無哉第五等人志欲有為而動不宜民心知向上而識不諳事品格無識治理難成第六等人知富貴之可愛懼擯斥之或加有欲心而守不敢肆有怠心而事不敢廢無愛民之實亦不肯

虛無向上之志亦不為邪碌碌庸人而已第七等人實政不修粉飾以詐善持身不慎彌縫以掩惡要結能為野譽之人鑽利能降祥瑞之寃地方軍民之事毫髮不為身家妻子之罔愆愆在念此巧官也近日大家成風牢不可破矣第八等人嗜利耽耽如集羶附腥競進攘攘如馳騁逐鹿多得錢而好官我為笑罵由他笑罵耳此明王之所不赦明神之所以必殛者也嗚呼正學衰世道絕利達之錮習既成惻隱之真心遂死失所民物付托何人

一人篤恭而無為百姓日用而不知吾黨泄泄沓沓以苟富貴世道傾頽萬物愁嘆將遂任其所終乎倘一深思可為慟哭天生此身豈為酒肉之囊錦繡之架哉天生此民豈為士夫之魚肉官府之庫藏哉倘一深思可為太媿本院無能振拔罪之魁也諸君千萬努力

知州知縣之職

士君子無濟人利物之心則希清華慕通顯總之無益於蒼生不若聽其求富貴苟乎生疾惡抱不平之氣悲民懷欲救之心朝興一利而朝即澤被閭閻夕除一害而夕即仁流市井隨事推恩聽我自便因心

出治惟我施行則莫妙於知州知縣矣夫

朝廷設官自公卿以至驛遞中外職銜不啻百矣而惟守令人稱之曰父母父母云者生我養我者也稱我以父母望其生我養我者也故地土不均我為均之差糧不明我為明之樹木不植我為植之荒蕪不墾我為墾之逃亡不復我為復之山林川澤果否有利我為與之訟獄不平我為平之兇豪肆逞良善含冤我為除之狡詐百端愚朴受害我為剪之嫖風賭博枉幫痴幼我為刑之寡婦孤兒族屬侮奪我為鎮之盜賊劫竊民不安生我為弭之老幼殘疾鰥寡孤獨我為收之教化不行風俗不美我為正之遠里無師貧兒失學我為教之倉廩不實民命所關我為積之獄中囚犯果否得所我為恤之斛三秤尺市鎮為奸我為一之貧民交易稅課濫征我為省之衙門積蠹狼虎吾民我為逐之吏書需索刁勒吾民我為禁之徵收無法起解困民我為處之遊手閒民蕩產廢業我為懲之異端邪教亂俗惑民我為驅之庸醫亂行民命枉死我為訓之士風學政頽廢極我為興之市豪集霸專利虐民我為治之控空造虛起禍誣人我為杜之聚眾黨惡主謀唆訟為我殄之火甲負累

鄉夫騷擾我為安之某事久廢當舉我為舉之某事及時當修我為修之民情所好如己之欲我為聚之民情所惡如己之讐我為去之使四境之內無一事不得其宜無一民不得其所深山窮谷之中無隱弗達婦人孺子之情無微不照是謂知此州是謂知此縣俾一郡邑愛戴吾身如坐慈母之懷如含慈母之乳一時不可離一日不可少是謂真父母各官試自點檢果能如是否乎就詩賦者以豪放自高好宴安者以懶散自適嗜騎泰者以奢侈自縱工媚悅者判民膏以事人計身家者括民財以肥己民生疾苦昏昏絕不聞知風俗美惡夢夢邪復理會一般坐轎打人前呼後擁招搖大市稠人之中面目亦安否乎意念無愧否乎大街小巷千百人環視愛我乎敬我乎恨我乎笑我乎厭惡而鄙夷我乎此不必揆之人情一反已而可知已如此作官果稱職否乎夫醫者之治人也診其脉息望其形氣投以湯丸曰一服去甚再服却疾三服減半四服全愈病家驗之日異而月不同計期而卒有效曰此良醫也若攜藥裹而來守治數月病無損於分毫仍攜藥裹而去何辭以復主人守令到任之時便察此郡邑受病標本施治後先

何因可蘇何害當除何俗當正何民可懲何廢可舉
洞其弊原酌其治法日積月累責效觀成自初任以
至去任光景改觀幾何民愁蘇醒幾何政事修舉幾
何或享利於目前或垂恩於永久庶幾士民數其事
而稱之曰吾父母到任以來某事某事有功吾民吾
臨去而自點檢之曰吾於地方興得某利除得某害
疲瘁之苦頓蘇膏澤之施亦足如此治民即是良醫
治病何快如之倘到任時地方是這般景象離任時
地方依舊是這般景象如此等官虛享數年俸薪無
益百姓毫釐試一省察稱職廢職兩院之獎薦有愧
無媿戒劾有屈無屈自有一點不死之真心在又何
暇計較考語優劣歸咎他人誣陷哉賢者必不謂吾
言過激云

同知通判推官之職

府總州縣之政事務繁多又設佐貳以分之同知通
判之職掌不同大率清軍捕盜水利鹽法管糧管馬
而推官則專理刑名者也刑名余詳之風憲約捕盜
余詳之獄政而清軍水利管糧似不必專曹設職故
余獨不言三官職掌惟是查盤一事府佐所同而利
不勝言余每病之何者稱物者必持衡照物者必持

鑑今應查應盤錢糧必須我有底冊以為衡鑑方能
印證彼弊知其有無今也開除收在止憑所查州縣
造來收解起存亦據收掌人員開送侵欺者徑不登
造冒破者巧為彌縫查盤官何從而知之夫求隙於
塗塞之餘洗垢於湯沐之後即有一二發摘祇是犯
人踈拙乃於庫銀輕重毫釐倉穀多寡斤合草束底
蓋汜爛便問侵欺徒贖人夫點開不到馬匹鞍伏不
齊解發批收違限多問有力不合是查盤者兩院科
贖之官也且其跟從吏書自有應得常例即嚴刑亦
不懲誠果何術能盡闢防其不肖者爾教自尊以敬

慢為賢否苛刻為事以搜索為精明所在官員甚者
以酒席花弊相牢籠以報門遠接相媚悅而採訪開
報官吏土豪半由積年皂快多出窩訪通家近雖名
為革訪其實賢否從來豈能心通耳報乎賢者知過
求之無益也一以安靜為事銀收庫簿倉進廢經或
掣封抽斗或指一槩干或任憑所在官員捏報幾名
罪贖又非查盤本意以後查盤官吏先於兩院領上
次查盤底冊雖難盡憑尚有半據其餘情節微細事
體含糊不必槩入供招不必槩擬有力總之一罪眾
攤牽累多人或貧棍坐賊多延年限何益之有至於

錢糧拖欠州縣間點欠戶三二十名親審不完緣故其待支錢糧不應動支而輒申請動支如本色解劑之類官吏從重參究責令扣俸抵補庶苟且之吏不得貪緣以破法而倉庫錢糧不至借名而乾沒矣

知府之職

一尺之地不屬某州某里則屬某縣某里未有曰屬某府地土者一丁之民不屬某州民籍則屬某縣軍籍未有曰屬某府人民者然則府不虛設而無用乎曰無用而為有用之資者府是已何者府非州非縣而州縣之政無一不與相干府官非知州知縣而知州知縣之事無一不與相同是知府一身州縣之領袖而知州知縣之總督也今之為知府者廉愛嚴明公誠勤慎便自謂好官而諫知府者見其能是亦以好官稱之矣不知此八字者知州知縣之職而非知府之職也知府無此八字固為不肖僅有此八字是增一好知州知縣耳設府治建府官之意豈謂是哉為知府者或奉院司之科條董督察屬或酌郡邑之利病細與典除所屬州縣掌印正官及佐領合屬一切大小官員有用刑不當者持已不廉者政不宜民者怠不修政者昏不察奸者塗飾耳目者虛文搪塞

者前件廢格者阿徇權勢者差糧不均者催科無法者收解累民者竊劫公行者奸暴為害者風俗無良者教化不行者倉庫不慎者獄囚失所者老幼殘疾失養者聽訟淹濫者橋梁道路不修者荒蕪不治流移不招者衙役縱橫不禁者屬官如是知府皆得以師帥之師帥不從知府得以讓責之讓責不改知府得以提問其首領吏書提問不警知府得以指事申呈於兩院該道辟之一人一肢病不得謂之完身辟之一裘一幅斜不得謂之完衣所屬州縣有一不肖之吏有一失所之民有一不妥之事不能安輯而處

置之尚得謂之完府乎務俾所屬之吏廉愛嚴明公誠勤慎如我一身所屬之政廢興陞舉弊革奸除如我一堂所屬之民無一不得其所所屬之物無一不得其理循良者署以上考無蔽賢勞碩墨者署以下考無附炎熱使屬吏知有府之可畏不敢不守官知有府之可服不患不共命如是而千里之封疆凜凜風生萬井之黎民凜凜雨潤知府之職不當如是乎賢太守其細思之果能如是耶是謂真知府果未能如是耶即盡得以前八字尚不得謂之稱職况此八字者未必身有之耶夫帥之不能知之當審乃一切

從厚徇情而察屬署考十九稱賢又極其極點無乃
行私罔上紀法不蕩然盡廢乎賢太守其熟思之

鹽運司之職

鹽運之職上不病

國下不病民中不病商而後為良法近者運司所行於
商未嘗不惠於

國未嘗不惠而於民似不暇及矣斛池之鹽常不足額
故商人雜以硝砂以售諸民民每棄而不食三省斥
鹵之地生鹽不生穀有差又有糧而煎食反為犯禁
倘一變通三利俱存夫河東之引有定額斛池之銀

有定數權鹽之本意不過足數而止耳斛池既不足
額而陝之西安山西之太汾等處各有生鹽處所設
以斛池為正課每年可產十分止發七分常餘三分
積厥以備凶年兩省產鹽地方為陪課應派三分頂
派四分常餘一分寄庫以補缺額是每歲溢額四分
十年溢額四年矣派引之法無鹽州縣盡派商鹽不
許產鹽地方越境私販產鹽州縣先儘土鹽如果不
足民食量派商鹽蓋天時有旱潦而地方有燥濕如
果土鹽缺乏民用不足許鹽商不到地方各產土鹽
州縣自相通融通融不足許州縣官申請在厥餘鹽

夫斛池三分之餘者何鹽多則招商當少恐賤而難
售鹽缺則給商當多令歲賣不窮土鹽一分之餘者
何鹽多則輸課於官以裕緩急鹽缺則即與優免以
養民力或曰四餘派足乎曰不求其足儘每歲七
分三分之所餘即使十年餘二餘一亦足以備二年
一年之課盈虛消息自有活法不必膠柱耳往聞富
平歲額該引銀千兩十五年前縣尹申請鹽臺額令
產鹽地戶歲納千金聽本縣之民食本縣之鹽而鹽
臺不聽以為行鹽地方已自不多何可使土民侵商
路哉是所重在商而不在課矣不知果出鹽有所則
三省之地皆斛池也果納銀有人則三省之民皆鹽
商也吾惟求課額之常盈耳不猶愈於嚴刑久禁逼
令商人上納而壓欠不支乎不猶愈於地土包納糧
差所產却為禁物而棄之無用乎不猶愈於斛額不
足澆晒揀和逼派於民令之愁苦乎不猶愈於公為
禁約私聚鹽徒法網愈密奸弊愈多乎本院所言總
之足

國而商民互與調停兩不相病若見得斛池不見民鹽
見得商人不見百姓見得當塞不見當通強不欲上
納之商禁自食其產之民皆守法之過而失立法之

意也夫惟大破拘繫然後永獲利益本院以舟外之人謀萬師之事誠不知其詳大都病民而棄利運長寧無不安於心者乎

守巡道之職

守巡兩道非為陪巡設亦非止為理詞設也一省之內凡戶婚田土賦役農桑悉總之布政司凡劫竊開殺貪酷奸暴悉總之按察司兩司堂上官勢難出巡力難兼理故每省四面計近遠分守巡令之督察料理所分者總司之事所專者一路之責凡一路之官吏不職士民不法冤枉不伸奸蠹不除廢墜不舉地糧不均差役偏累衣食不足寇盜不息邪教不衰土地不闢流移不復樹蓄不蕃武備不修城池不飭積貯不豐訟獄不息教化不行風俗不美游民不業羸寡孤獨癡癢殘疾之人不得其所凡接於目者皆得舉行聽於耳者皆得便宜應呈請者呈請兩院施行應牌劄者牌劄各州縣條議督責守令詳密如主婆守令奉法恐懼如嚴師務使一路風清弊絕所部事理民安入其疆無愁嘆之聲見其民無憔悴之色然後用一殮中火坐司下咽亦自安然收一床枕席被褥着身亦自妥貼本院做秀才時曾見親臨本道追

陪直指經歷吾邑民間疾苦不問一聲邑政短長不談一語朝暮道旁迎送每日院內作揖直指閉門則兩道取贖互送折呈行票互設酒席問縣官索要戲子怨該房水陸不豐出門之日鼓吹旌旗前呼後擁者每長一二里夫馬催隨供張迎送者不減數百人餓疲於奔命騷擾於閭閻者不止數百家蓋三過吾邑一事未行而百費豪奢百般難事留州縣茶坐則沾沾煦煦皆虛夸色笑之言批州縣文書則婉婉曲曲無切問直駁之語下司無不感激以為盛德蓋嘉靖末年時事近日諸君子約已愛民肅僚勤政必不

然矣夫兩道之位不為不尊權不為不重所以董督守令愛養蒸黎修舉政事者也六品以下蠢政虐民者皆得挈問寧至甘言溫色作此謙厚態乎昔在春秋三大夫皆同僚也孔子中大夫耳與下大夫言猶侃侃有剛直之氣豈謂臨屬乃中怯外柔若是其何以正體統而肅紀綱乎何以策不振而懲不法乎何以令能行而禁能止乎何以興治道而起頽風乎然則一路不治千里未安其故可知已至於取贖雖非入已而查贖亦須體人往日無礙名色已屬欠通而預支候還尤為可笑州縣動輒那借官銀庫吏每以

侵欺坐罪粘一牌票查盤甚損去後名節此兩院司
道通弊近日各處稱冤已經申飭前官拖欠後官補
賠矣吾黨慎無復然

提學道之職

兩司之清重莫如督學使君世道之汗隆亦惟係於
督學使君矣今有督學於此文學甚優操身甚潔關
防甚密持法甚公校士甚精閱卷甚敏賢矣乎曰賢
矣而職未盡也天下之治亂係人才人才之邪正關
學校譬之器物學校其造作處

廟堂其發用處譬之菽粟布帛學校其耕織處海宇其衣

食處也

廟堂海宇之所羅列

社稷蒼生之所付托其施設措置都是一夥秀才彼紗帽
圓領之所謂官皆舊日儒巾襴衫之所謂士特脫此
以換彼耳不知在學士習但看居官仕風官之無良
學之無政為之也是學政美惡士習善敗三公九卿
不任其咎百司庶府不任其咎督學使君又將誰歸
咎哉夫入學幫補甚榮進也賓興甚鉅典也此富貴
利達之最途也

朝廷懸此以艷天下士天下士不啻竭蹶趨之走且僵

矣豈以學校之人待督學以足數貢舉缺額待督學
以取盈耶即使朝督暮責人人盡一等士士可三元
止作養了許多文章之士富貴之人何益

國家理亂之數哉虞周既遠世教久亡桓榮稽古一說
已屬醉生夢死之言宋時勸學諸歌頌皆疾狂喪心
之語其在當時明理窮經尚以天爵要人爵直至於
今擬題括段竟以捷階取要階視學校為利祿之場
以詩書為富貴之籍理義身心之學未見聚談天下
國家之憂無人介意如是而授之以天下

國家之寄令其數理義身心之教以成移風易俗之治

臻民安物阜之功其將能乎夫天下英俊豪雄盡收
之學校更於何處求興道致治之人而今學校反足
以壞英俊豪雄更於何人望濟世安民之效是世道
終不反古昔民生終不見太平不知

國家養賢取士何用也乃論取士者有曰當蕪鄉舉里
選之法夫鄉舉里選之法至今未嘗不在曰何在保
結是已夫保者發連坐結者要以終身立法至嚴也
書一名畫一押用印而附之卷千係至重也其責保
人曰如虛甘罪責所保之人曰身家並無違礙夫不
遵理道曰違犯於過惡曰礙身有違礙棄之可也其

家亦須並無違礙里老隣佑保結據之可也又取師生縣州府司保結

祖宗時數以濫保殺人矣故所保結者皆身家無礙者也

士而至於無身家違礙之事保結惟取身家無違礙之人不謂鄉舉里選可乎有違礙雖班馬曹劉不得進取則聰明才辨之士既亟亟於富貴利達雖欲不勉為善強寡過得乎已入仕途丁憂養病起復補官仍取保結則終身雖欲不勉為善強寡過得乎士而至於勉為善強寡過則保結法嚴之效也所望督學使君以修己治人之術為科條以進德修業之實教

諸士聯其長幼立以章程時其糾察嚴其勸懲端身範以先諸士責提調以警怠荒督教官以修實政所不遵守規條即行叅劾擊問既係提刑按察之官當有明罰勅法之體舉善必極其優崇伸德行於文學之上瘴惡當正其法紀約諸生於禮教之中異日薦之鄉書者皆端人正士列之

朝著者皆實學真才庶人心世道有轉移之機而國祚民生享無疆之福矣嗟嗟天下治忽全賴通學多士士習邪正只靠督學一官今學之無政久矣士莫知所持循矣任世道者自有一般舉動自建一番事功

本院職在率屬敢言其畧至於振刷之果確風勵之精勤則何敢與焉

按察司之職

廉訪之職風憲約獄政備言之矣古者御史大夫掌西臺行秋令蓋薰蒸氤氳之氣至秋始清發生長養之機至秋始肅察奸刑罪蓋瘴惡之司也後以中臺不便於察外吏乃設按察司為外臺彈壓百僚震懾群吏藩司以下皆得覺舉實與御史大夫表裏均權厥後和同禍職乃事權歸兩院而體統屬三司矣所可嘆者司曰按察司官曰按察使按察謂何但以刑名為職掌人亦以刑名吏目之棄其尤重而獨任兼街可謂之提刑司提刑使乎今內外詳皆轉都察院人未嘗以都察院為刑曹奈何按察司獨謂刑名乎舊日山西臬司以明刑弼教分扁兩坊而堂上對聯又以五刑三尺作偶余俱更之云至於刑名一事尤多可言夫廷尉天下之平提刑者一省之平也造成充徒一失其平皆得理枉伸冤今也強盜人命非兩院批駁竟不與聞矣夫死刑必由按察司轉京詳者豈為直指代勞哉謂必按察司以為可殺而後以聞果情法無當於心則呈駁不嫌於再至於一省真正

強盜人命郡縣俱當申報問明之日俱當照詳看得可疑一體批問案候按臺定奪以憑同異平反如是庶不失提刑之職百官不法時加體訪可訓迪者訓迪可督責者督責可獎戒者獎戒其應參掣論劾指事開陳兩院使一省官吏視憲使如雷震莫不潔已愛民勤政集事宋人謂之天垣執法人代問羅如是庶不失按察之職若一崇長厚百無聽聞賢否取正於府官依樣署考重輕定擬於院道代之轉詳則法司之權非人我侵而我自失之矣此何官也而可自失其權哉惟執事者留意

布政司之職

行中書省與中書省分表裏秩皆二品至崇重也為外僚領袖為

朝政崇焉表率吏治通達民情至樞要也其司名曰承宣布政蓋政者

天子之惠澤使臣承其流而宣布於一省俾一省之政教號令雷厲風行一民一物無不得其所一政一事無不得其宜者也兩院之所監臨監臨此政按察之所廉訪廉訪此政守巡之所分理分理此政府州縣之所推行推行此政元人艷之名曰外政府姑無論職

掌之全惟是學校之政總屬其提調故貢舉起送無不由馬境內人材總屬其體察故選官保結無不由馬錢糧完欠總屬其稽考故徵收起解無不由馬官吏淑慝總屬其品題故舉刺考察無不由馬土田賦役總屬其均釐故差糧冊籍無不由馬軍匠戶口總屬其清理故內府國籍無不由馬至於典常經制水利農桑養老恤孤儲蓄蠲賑凡關係軍民利病地方安危風教盛衰政治得失無不由之而今也止知其為錢糧衙門耳經年以催解為職終日以收放為事或宗室官吏起送保結或復

命覲賀造送冊揭雖皆衙門事體所關而以此畢承宣布

政之職恐小之乎其為藩司矣執事者果顧斯名也協分守四道督郡邑百司盡地力以開利源戒侈靡以節耗費課桑麻以詰惰農通商販以裕財用引水利以備旱潦驅遊民使著生業禁異端以息煽誘均地糧以蘇偏累定徵收以杜侵牟嚴起解以足國用罪已攬以重錢糧善催科以革積弊停濫役以息民肩懲衙憲以除民害清苛稅以恤民貧定斗秤以息奸偽訪把持以通市情興禮教以端士習定社學以正蒙養重鄉約以善風俗崇節孝以興行誼嚴保

甲以弭竊劫簡詞訟以省勞費修祀典以事鬼神嚴鄉飲以示觀感廣收鰥寡孤獨廢癘殘疾而設法存活以哀執民各道不幸循者規正之有司不奉行者督責之虛文罔上生弊擾下者參治之全省之民庶幾其得所乎不然承宣布政四字毫無關涉而建官之本意迷失愈遠矣

武職一

臣子受

國之恩惟武職為最厚而負

國之罪亦惟武職為最深思爾祖宗或以勤王之忠或

以渡江之義或以汗馬之勞中間亦有買級報捷借勢冒功遂與世襲軍官永享

朝廷爵祿俗語常說紗帽底下餓不死人是一員官強似一名軍且如太原營馬軍尚可支持步軍每月關銀四錢中間半止關三錢五分每日不及一分二釐還不殺一頓飯錢况他也要百般使用也有父母妻子指望三四銀養活身家軍士貧麼不貧爾等知麼不知如今將那軍士月糧減扣又將他身子占役又將他打罵折磨全不問他饑寒困苦爾非土木心上過得去過不去天有眼目饒得過你饒不過你想

那征南戰北之時豈單身獨馬之力少不得千軍萬馬一齊向前斬殺做官的得幾顆首級便是官上加官在陣上亡身便是贈了又贈那軍士呵捨命向前臨敵喪命也無其數那箇知他姓名那箇哀他忠勇那箇恤他子孫那箇尋他骨骸是一將成功者眾軍之力爾祖所享者軍士之恩唐詩云死是征人死功是將軍功有事之時軍家忘身克敵與你們爭陞賞平居之日却又科歛軍士與你養身家但有一點良心這事忍做不忍做再遇出征發馬時這軍用他不用他本院到任以來舊日打取水魚採買天花狐兔指稱餽送酒席送迎鋪墊及占役修蓋採柴燒炭打造捺織納月錢占身役及收留山人相公琴棋星相指稱科歛擅差旗牌家人索取常例折乾凌軍凡月糧馬草輕扣毫釐應參提者參提應拏問者拏問已經嚴禁年餘軍士少蘇困苦誠恐不能徧諭以致違犯取究合行詳勸幸一思之

武職二

古人云兵凶器也戰危事也將死官也武職定胎草此身便不屬自家世襲爵祿名雖與

國同休其實與國同戚者也而今做軍職的生下來便

靠着有箇官做靠着有幾石糧喫靠着有幾箇軍使便是一字不識一藝不通一活不做也便凍餓不死所以生來既不讀戰策兵書又不肯馳馬試劍又不習練陣安營又不學衝鋒對敵只為應襲比試撫按閱操無奈弄箭拈弓其間有志向上欲建功立業光祖榮宗者豈得無人而惰慢放肆苟且卑汗者十常七八也你自思想天下東征西戰

朝廷選將領兵上司定你廝殺你去麼不去奉命出征有所規避不赴及臨陣在逃者俱以軍法從事斬首棘門你悔也不悔既是不得不去我且問你膽氣如何智謀如何與你一千人馬怎麼調度叫你與賊對陣怎麼廝殺賊據山岡你在平原如何攻圍賊在平原你臨川澤如何敵關賊伏山谷忽然邀截如何衝鋒策應之兵如何疾如風雨追逐之兵如何勇如虎狼誘敵之兵如何伏如狐鼠避敵之兵如何蒼若鷹鷂鎗如何刺刀如何輪棍如何擊砲如何發箭如何射城如何守壁如何攻號令如何習熟坐作如何齊一初戰如何命衆戰罷如何收兵陰匿如何設伏要害如何隄防饑渴如何預備器械如何整修消息如何探聽倉卒如何應酬氣急如何振作心離如何收

拾退縮如何鼓舞困苦如何優恤驕悍如何彈壓如此之類不可枚舉古者昔賢皆有良法平日全不講求臨事只得胡亂夫將領者三軍之司命也假如領千人赴敵則千人之死生全係你一人你平日既不習學一身之死由你自取亦何足惜可惜千人之命盡喪於你一人之手豈不痛哉本院到此既印武經要覽又到百戰奇法古今將畧方畧摘要教你日講月講又立武會教你習箭打鎗又令謀士教你六壬汝等驟習不來只得虛應故事所幸天下太平爾等偷安一世萬一用你思我之言悔恨無及大大夫有

此七尺之軀只靠祖父前程全沒一毫長進心中寧不皇媿而今掛印總兵每每出身行伍可是指揮千百戶不立一毫功名只是希圖掌印投候衙門全沒一毫奮發豈非闕軍無志之流哉有志之士萬里封侯九邊建業安能守尺寸家門嚙升斗祖祿碌碌一生庸庸人後耶我言雖過切直各官以為是否近日新行甚嚴凡應襲子弟馬上步下各中三箭以上武經七書各問兵法教條須是熟閑通曉方准起送不然發回再習一年三發三習全不長進者永不許襲替該道府朦朧起送者一體查叅汝其勉之

督撫之職

吏治無良未有不自大吏始者我潔已而後責人之廉我愛民而後責人之薄我秉公而後責人之私我勤政而後責人之慢以有諸己者非人止多衆口耳勢必不行以藏身不怨也而遂怨人同為民賊耳法必不貸夫百司庶僚以治軍民督撫者治軍民者也三關兵馬統於總兵分於參將遊擊守備操防十七衛所軍士統於都司分於衛所指揮千百戶監臨節制者兵備而本院則提督之者也伍不充足士不精強器不堅利藝不熟間馬不健練令不嚴明將無勇略陣無節制戰無方略邊圉不固城池不飭墩堡不修烽堠不明險隘不防戡種不密哨探不實儲積不富屯田不墾剝削不懲騷擾不禁疾苦不知機密不慎先事不周應變不敏有如此者三關將吏責有攸歸而提調無方督責不嚴致邊備日弛而兵威不振本院安所歸咎耶三晉民物分治於州縣總治於府監臨於守巡道統屬於布政司彈壓於按察司而本院則拊綏之者也樹畜不教荒蕪不闢流移不復衣食不足敬獨不收寇盜不息奸暴不戢衙憲不除諸弊不革積衰不振教化不行邪民不禁游民不業

流民不察量衡不式學政不嚴地土不均賦役不平雜累不蠲山澤不殖訟獄不清倉庫不慎借奢不約積貯不充錢糧不急道塗不治商旅不集鄉甲不聯貪酷不斥昏庸不戒勢豪不做饒遺不省驛遞不節虛彌不去幽隱不燭有如此者三晉司府責有攸歸而倡率無道驅策難前致吏治不修而民生不遂本院安所歸咎耶顧本院所自信者除本省鄉士夫吉凶禮節不敢盡廢亦不能過豐外其餘不彼此交際假手以潤身家不餽送要津結心以固榮寵不以奉承喜屬吏不以虛套責有司紙贖商稅酒課獲功及

一切不義等物分毫不入私篋以遺子孫之殃酒席下程供張騶從及一切公會等事分毫不費民財以為州縣之累本院與衙役日用所需止有題

准公費及驛傳小策諸所舉動不能欺百司庶僚不能欺吏書門皂顧如此硜硜亦止了自家身上事耳苟於地方不足為輕不足為重則是官也馬能為有馬能為無前所云云所賴監司守令共力同心次第舉行為軍民造無窮之福為地方垂永久之利凡本院驛副條示苟於民情無當不妨明白申呈苟於事體可行豈宜遲延廢格本院無德既不能閉閣以格群心

又不宜代庖以侵眾職，仰屋竊嘆，祇應自劾以明曠職之罪耳。諸君子其奮揚精采，殫厥心思，詳觀注哲，良規痛革，俗吏積弊，匪我愚迷，規我外謬，共圖治理，是所懣懣，注望者也。

明職既刻以視友人，友人曰：君言過直矣。余曰：三友先直，余借首諸僚，安得為涵蓄語？且余云云，皆為不肖者發也。賢者惡惡有同心，不罪余，直不肖而罪余，是自謂不肖也。倘聞言而悟，斯改焉，即罪余，奚病？矧余所謂職，匪曰能稱，所謂不職，匪曰能免，善則與諸僚共為之，不善與諸僚共改之，是余亦未嘗不自直也。嗚呼！士君子良心炯炯，靈明固知不罪余直矣。

欽差提督鴈門等關兼巡撫山西地方都察院右僉都御史呂 為款摘民生要務，責成有司，以求實效。事猥得道本先王訓詳。

昭代言言修政事，事為民而

大誥三編，尤為警切。嗟爾二三長吏，郡邑蒼生，環視以待命者也。昏昏終日者，即稱潔守，慈衷吾絕望矣。賢有司，般父母赤子之念，負聰明才辨之資，厲果確奮迅之心，期事理民安之效，畢智慮殫精力，何故弗臻，然而因感生思，研思成是習，是至熱令敏者，從事亦須三年治功未覩，而官已報遷矣。夫饑而種粟，不若索胡餅於食坊，寒而樹桑，不若市緇袍於衣肆。本院所條胡餅緇袍也，昔曾試之山東，萬姓喁然，漢志其略已罄之風憲約中矣。茲復擇其大者，細為分疏，長吏肯抑豪曠之態，振惰慢之氣，檢粗疎之性，撤虛彌之障，換塵俗之見，於本院所謂民政者，暫一過目，稍一留心，或者於百姓有毫髮補乎不然，反先王之道背。

昭代之訓，玩愒日月，以逐逐於富貴之腥羶，而弁髦敝蹤，半民務所欣艷者，豈不驟得而人品卑卑甚矣。以之詫鄉隣，驕妻妾可也，何足齒於士君子之林。本院後勅法而先訓，迪良吏其毋忽。

民務卷之二目錄

養民之道

小民生計

收放倉穀

收養孤老

振舉醫學

清編火夫

積貯倉庾

種穀條約附

存恤孤獨

賑濟饑荒

節約驛遞

民務卷之二

小民生計

養道民生先務有司首政也故孔子答子貢之間政曰足食答冉有之在術曰富之王道有次第舍養而求治治胡以成求教教胡以行無恆產有恆心士且不敗人人望况小民乎成周養道不可及矣今畧倣古人養民之政之易行者試於今日失養之民或者其可行乎或曰今民難率徒勞動相曰古民易率則無夫里之布遊惰之饑矣所患勸相無人耳吾何患於百姓

一古稱深耕易耨齊魯梁宋惰農之民待命於天而

負天之時和如以待雨而責成於地而餘地之力

淺耕豐年忍饑凶年饑死未必皆歲之罪也往見

張大參臨碧談其沁水農政令人起舞大端多糞

少苗熟耕多鋤壅本有法去冗無差而已其粟穗

長可尺半四五穗便可盈升昔人傳方有一畝木

棉可摘七八百斤一畝葛林可收十數石者總之

無佃甫田一句蓋周家百畝僅當今之四十二畝

半耳糞多力勤八口饒養田少則易為糞自鋤則

易為力雇人則易為直剔揭則易為功收穫則易

為畢看守則易為目往來則易為足膏田一畝勝

薄田十倍精田一畝勝荒田十倍而農食多以
為廣種無薄收不知由有重糧也有司若肯督農
甚易為力農時各省不同以梁宋言之先將各地
方分造為籤如春耕以二月盡為遲秋耕以八月
盡為遲先於正七月盡印貼條示曰某月初幾省
耕掌印官自掣幾籤即於掣籤地方掌印官與廉
幹佐貳分投省耕一次除見有田禾在地外有已
穫而未耕者即拘責治甚者罰穀夏種以九月為
遲秋種以四月為遲先於三八月初印貼條示曰
某月初幾日省種仍照前掣省罰治如前六七月
照前法督耘一次罰治如前至夏初熟秋將成時
照前法省稼一次假如上田一様土色易為茂或
而趨甲錢乙接隴田禾高低不同責罰禾低者下
田一様土色難為長旺而孫丙李丁接隴田禾高
低不同賞禾高者大約賞以穀罰亦以穀即將情
農者所罰充勤農者之賞其責治也須尋地主不
許以傭佃之人搪塞

一 每禾各有相宜之地各有相宜之時如木棉不宜
淤澆麥不宜沙菜豆不宜晚菘麥不宜早及桃李
桑棗各有喜忌之類王氏農書其說甚精唐虞敬

授人時夏禹則壤土宜蓋後世教道之書甚多而
養民之法甚少有牧民之責者類收古今農書擇
其明白簡易者選為簡便書冊家喻戶曉本院有
志而未竟業同志者究心幸勿曰小人之事小人
自知之

一 朽腐能化神奇故糞壤能發萬物今都市街途猶
知重糞至於僻遠之鄉委於無處不知糞可人為
如山西道旁常設坑廁道間水潦之時將鮮乾草
糞雜泥壓於水中牛馬足下墊以糠粃灰柴任其
便尿腐朽至於舊炕老牆亦壯地力而山西尤以
卧羊為要法此豈恃心畜作糞哉商君咸立棄灰
重糞之義也每年二月倒糞之時鄉約正差人遮
本約積糞手本某人積糞約有幾十車某人積糞
約有幾車某人無積分為三等有司暗點幾人於
二月初旬差委廉幹查驗孰處積多者有賞凡查
耕種鉏稼紡績等事易為欺蔽反以擾民但有受
屬受賄賂了事者有司重懲一二責治罰穀古
人云民事不可緩也巡行郊野勸課農桑國君且
然何損於州縣官之尊重哉曾孫嘗言田畯教鑄
古人未為辱也

一田中有木古人所禁除膏腴之田不可種木惟於
界畔栽植小科外至於薄地鹹地不生五穀然土
各有宜利在人興沙薄者一尺之下常濕斥鹵者
一尺之下不鹹可掘尺五拽栽榆柳山東之民掘
鹹地一方徑尺深尺換以好土種以爪瓠往往收
成明年再換沮瀉以栽蒲葦算柳水地栽芟荷養
鷺鷥此無地而有利者也薄地可栽果木可種苜
蓿雖不甚茂猶勝於田况果木行中尚可種栽此
薄地而有常利者也
附存山東勸栽種語於後

百姓們聽說栽樹便不歡喜一則說樹栽兒沒
處買沒錢買二則說栽在道旁野地沒人看守
都被盜賊拔去牛羊啃了三則說田禾尚澆不
過來那有水澆他四則說栽在官路上長成都
屬了官物地主兒不得砍伐五則說榆根淺柳
根長歇了田禾六則說沙鹹薄地種不起來你
這六說說的都是却不想天旱之年五穀旱得
死天潦之年五穀潦得死惟有樹木根深不怕
旱潦那柳芽柳葉榆錢榆皮桑花槐角救了你
多少性命蓋房屋做家火燒鍋竈賣錢使垂蔭

涼得了他多少便宜說與你兩箇法兒你那六
說都不妨礙好地種五穀不可栽樹田中小道
路也不可栽樹那兩家地界和那沙薄地裏大
路邊頭三二尺下有好根脚那鹵鹹之地三二
尺下不是鹹土你將此地掘溝深二尺寬三尺
將那柳極粗如雞卵的砍三尺長小頭削尖五
尺連小科先將極乾桑棗杏槐老木如大饅頭
粗三尺半長下用鐵尖上用鐵束做箇引極搜
一地眼却將這柳極揀下九分入地外留一分
後將濕土填實封箇小封堆待一兩箇月間芽

長出來任他幾股到二年後就地砍伐第三年
發出粗大茂盛要做梁棟只留一股二股不消
十年都成材料其次正月後二月前或五六月
大雨時行將柳枝楊枝截一尺長也掘一溝密
密壓在溝裏入土八分外留二分伏天壓桑亦
照此法十壓九活這等栽呵賊盜難拔生畜難
咬天旱封堆不乾天雨溝中聚水又不費澆根
入三尺又不怕鹹又不歇田十年之後沙地鹹
地如麻林一般至薄之地也有一兩銀的利息
有何虧你懶情百姓千言萬語再不肯依那柳

栽砍圓椽解方椽也。少不了你說怕人偷去一般。也有栽成至於古路官道荒山老堤有能願栽成活者立碑縣門自萬曆十五年以後栽種樹木永遠百姓為業任意砍伐不許有司攔當。其原係無糧地土栽成樹木者永不起科。至於柿梨桑棗之利更多尤宜多栽如種榆錢秧桑椹更覺簡便。

一 豐年青梁猶厭凶年土石曾喫百姓。但得安樂全忘患難。且如榆柳等可食之業。灰葦等可食之業。當有之時正宜多積。富家不專賴此。貧戶勸令收

藏。宋周沔為郎常罰乾菜所積數萬餘。復遇凶年。夾雜放賑。民不流亡。有司以此教民似不迂也。

一 梁宋間百畝之田不親力作。必有傭佃傭佃者主家之手足也。夜警資為救護。典修賴其筋力。雖忙賴其使令。若不存恤。何以安生。近見佃戶缺食。便向主家稱貸。輕則加三重。則加五穀。花始收。當場扣取。勤動一年。依然凍餒。有仁心者肯如是乎。今後佃戶缺食。主家放給。亦照官倉加二。如有平借平還者。鄉約紀善。以憑優處。有司合行通示。

一 雞豚之事。大夫雖不當利。已有司亦當教民。昔人

云牛馬之利倍豕羊之利。五雞鶩之利。十水族之利。百近日民間皆知。生息。但防閑不慎。致傷田禾。里隣深以為害。今後生畜儘聽民間。多養除偶然走失一次。情有可恕。外。但有縱放六畜傷人苗稼者。除照律追賠之外。重責枷號。蓋敢於恣肆。類皆奸豪。法若不嚴。善良含憤。

一 諺云十畝田一畝園。一畝園十畝田。古人以百畝之家。蔬果取足於市者。里正報罰。或曰蔬果多則賤。小民無利。不知正欲其賤。小民易為食耳。

一 地方水利可資灌溉。田者土民盡資之矣。惟是河深地高。運以水車。其車有法。僅如大車之費。閘中多有之。斜斗旋轉。大率如取水於井者。樣濱河有司當求其式。至於掘井一節。在山西尤要。此中土高常旱。即使百畝之田。作二十井。所占纔一畝耳。一時之費。雖多。百年之利。永賴。平陽州縣作井頗多。而太原之地。更高。似不見有昔有一令勸民掘井。每井給穀五斗。時值旱年。邑人賴之。州縣長吏肯一董督乎。

一 民不樹桑。何以飼蠶。古者天子后妃諸侯夫人皆親蠶繅。而曆日年神方位屬蠶者。三太原地方飼

蠶甚少州縣衙所衙門先出告示責令所屬軍民五月半催畦桑椹六月半催壓桑條仍先期示以親查不奉令者重責又正當栽種時掌印官掣籤親自帶二三人下鄉查驗是否全活量行賞勸抽查責治一二次則衆自知警而爭相栽種矣甚不可委甲長及佐貳首領查者以致煩擾

一 世道既衰內職不講省會婦女更無生活富貴家姑無論已市井貧賤婦人百事不為群集講話衣飾是尚口腹為恣甚者裂衣毀裳以易果餅有身貧壯不貧之說以是人而遇凶歲有不餓死者乎

榆次太原等縣民間織紡最多府掌印官提取木匠十數名教習省下木匠令作紡車織機市費再行街縣衙門督令約正先將本約之人除家道殷實者男婦有業如賣酒飯等藝者不開外其餘不分軍民但係無事婦人開報到官先動官銀買淨綿千斤每家一斤掌印官記一簿藉故令紡線有先完及線細者花價免追充賞十日之外完及線稍粗者賞價一半二十之外完及線粗者花價全納一月之外不完者罰花一斤花既紡盡衙縣於寬大處所仍移文榆次等縣送織機者二三十人

教民織布將紡線之家男婦定日陸續向機匠學織一年而千家能紡織矣然後犯罪者以布為贖罪輕者以布為罰不二年而省會多紡織矣此習既成不惟婦人有業而省會不享其利乎

一流傳俗語最有深意事業謂之生理勤者謂之做活懶者謂之沒營生或謂做生活言奔走營運則生活安逸惰慢則死亡也所屬軍民如士農工商各有生理者不宜苟且支吾務令敏興事責成功外又除七十以上老人七歲以下小兒聽令安閒外其餘自朝至暮各責一種營生即不着四民之

業豈可偷一日之安鄉約於本甲家長於卑幼人人各授以能為每日必稽其所為不止身有所執業成於勤而心無所蕩不流於惡也三代無閒人百官無刺役後世官有侈尚而與皂之役多民無常業而掛搭之徒衆為四民者十五既多緩心而急事不為四民者十五盡遊手以耗農至於僧道山人倡優劇戲皆二帝三王之世所無乃有作名利不如聞之詩者可誅也

大誥再明遊食一篇極重游民之罪甚者一月不務生理送赴京來以除民患賢有司有志於小民之依乎

當日誦無逸之篇以察乃民務皆各安生理始為稱職矣

一 民間耗財第一修建寺廟鑄塑神佛判繡幡袍買燒金紙打醮進香暗結密施此小民妨業耗財之一大蠹余嘗謂三代以上之民上有正督下無邪行有所來而無所去家給人足職此之由春秋戰國異端未有而民耗於支干日尋漢唐宋以來兵爭少安而民耗於異端日熾守令能嚴禁之足以占治教矣

一 三時之務一日千金故古人惟有講武役於農隙興作役於至冬且家不過一人役不過三日州縣衙所有大興作除庶民在官者暇則即役外其動民力須於十月後二月前申請上官乃可舉動其餘不急之務擅沐軍民五十名以上及催贖鄉兵迎送官府者以不職論至於民壯下班輪流巡路彼有弓力又習武藝督責果嚴裁路之賦自息安用派撥鄉民於農時守墩宿路哉

積貯倉庾 雜投條約附

宇內之重無重於民生矣王政之急無急於積貯矣乃掌印官視為末務或積而不視遂致紅陳或放而不收卒成耗散此有司第一大罪過所當首作者也夫民命之輕於何不輕本院入仕以來極重倉庾今紀其畧於後

一 穀積在倉第一怕地濕房漏第二怕雀入鼠穿此其防禦不在人力乎大凡建倉擇於城中最高處所院中地基務須緻背院牆水道務須多留凡隣倉庾居民不許挑坑聚水違者罰修倉廩

一 倉屋根基須掘地實築有石者石為根脚無石者用熟透大磚磨邊對縫務極嚴匝厚須三尺丁橫俱用交磚做成一家以防地震房須寬寬則積不蒸須高高則氣得洩仰覆瓦須用白礬水浸雖連陰彌月亦不滲漏梁棟椽柱務極粗大應費十金者費十五二十金一時無處固利於苟完數年即更實貽之倍費故善事者一勞永遠一費永省究竟較多寡一費之所省為多也以室家視倉廩者當細思之

風憲本為積熟去穀而不知雀之為害也既耗我

穀而又遺之糞食者甚不宜人今擬風窻之內障以竹篾編孔僅可容指則雀不能入倉墻成後洞開門窻過秋始得乾透其地先鋪煤灰五寸加之鋪麥糠五寸上環大磚一重糯米雜信浸和石灰稠粘對合磚縫如木有餘再加木板一週缺木處所釘席一週可也市斗大於倉斛凡發銀糶穀市斗作價官斛報數不知長除之穀安在也有司以此蒙蔽上官久矣今擬贖穀罰穀出倉穀還倉穀俱以倉斛作數糶買穀以市斗折算如有長餘報作正數

假如倉廩五間東西稍間各用木隔斷與門楣齊穀止積於四間留板隔東一間如常間空值六七月久陰氣濕或新收穀石生性未除倘不發洩必生內熱州縣官責令管倉人役將穀自東第二間起倒入東一間間空之處一間倒一間是滿倉翻轉一遍熱氣盡洩本味自全何紅腐之有

一太倉禁用燈火今各倉積柴安竈全無禁約萬一火起何以救之以後不許仍用官吏以下飯食外面喫來不得已者送飯冬月但用湯壺如違重治一倉斛有洪武年間鐵樣口底寬窄高下擬有定式

今後倉斛照樣用木邊角以鐵葉圍之以防開縫仍用印烙其四裏以防剗窻但有係官烙自作矮身濶口及小出入者坐贓重究

一州縣積穀城中至少不減萬石四鄉各鎮每鎮至少不減五百石黃黑等豆既備軍行抵料又可炒濟貧難但不能久積二年須出陳一遍數千石足矣

一民間息穀春秋還有加五者有加倍者未嘗分毫負欠而官穀常欠者民間係自家之財討要自切倉廩係繫縣之積與官何干設使官之催穀如民之討債豈有不完之理哉

新例追穀不完不准離任不肯有司縱不為民獨不為己乎

一積穀有四贖罰糶勸借之法非凶年決不可行蓋民之好義由感不由劫官之借民可一不可再故留富者之力與情用之凶年最為喫緊至於律雖禁罰蓋罪外加罰耳果不問罪而罰穀不折銀而納穀懲罪人寬重法以備萬民救死之資誰以科罰罪之哉倘折銀及罪外加罰當以守議

一民間奢縱自恣散懶成性其自積以侍凶荒者百

一耳今七糧每頃納米麥六石軍納軍支不減升
合增收放之勞多奔走之苦而法終不罷者何奇
之外倉以備緩急也倘不測調遣安家無資內顧
為憂勢必逃潰

祖宗之慮遠矣緣民間不肯自積故本院欲立會倉各量

貧富家口為多寡每月二次積之本約擇以寬大

處所貯之粟不便者納錢候糶大率每歲二十四

會富者每歲積粟二十四石貧者亦不減二石四

斗百石以上編一露困覆以重茅不許散散恐難

催收直至大歉之年各照原積之數分領救生蓋

粟在家便於花銷粟在會難於支用非凶荒之

年大分之際即有十分緊急不許輒討先支違者

稟官責治其穀數每歲報官分時稟官其倉屬之

民社與州縣原不相干有司但查積多者獎賞不

積者督責如此則家家有救命之資人人有備荒

之策時值大侵官社兩倉雖少而待命於官者不

多可必其無流亡之患矣事極可行而民未必行

在有司勸諭鼓舞之耳

一會倉於本約之內擇殷實好義者一人為司貯能

通書算者一人為司記如果公勤慷慨眾所推服

積穀三百石以上眾無怨言者公稟於官驗實旌
獎

附救命會勸語

天地間有第一件要緊事我說與百姓們知道

且如今百姓們過日子有地土的人家一年收

三二百石糧喫穿使用潑手大脚也只夠過了

一年明年收百五十石或百石喫穿使用那上

攢下也少不得過了一年試想那上攢下時也

不曾少了喫穿也不曾缺了使用只是不得風

光寬綽耳肯將那收三二百石時留下一半入

倉下窖防備凶年只當作今年少收了百石百

五十石有何不可那窮漢就要攢攢那裏得來

果以性命為重自有箇窮算計你就窮時也少

不得一日喫兩頓飯有一時也買一壺酒一片

肉喫或有人帶累到官也有費二三百錢時或

隨會進香蓋廟也有費三五百錢時我勸你一

日應喫十文錢只喫九文便餓不死每日攢得

一文一年可攢三百六十文過着穀賤時可糶

兩石忍上三年可攢五六石穀再養雜猪或攢

糠菜或與人家做工喫了飽飯又得幾文工錢

多少隨時積攢不消十年永無忍饑受凍之理想那萬曆九年十年連年天旱說起那箇光景人人流淚平涼固原城外掘萬人坑三五十處處處都滿有一富家女子父母都餓死了頭插草標上街自賣被一箇外來男子調戲一言却又羞慚兩頭撞死有一大家少婦見他丈夫饑餓將死將渾身衣服賣盡只留襯身小衣又將頭髮剪了沿街叫賣通没人買其夫餓死官差人拉在萬人坑中這少婦叫喚一聲投入坑裏時當六月滿坑臭爛韓王念他節義將粧花紗衣一套要抹他出來他說我夫身已餓死我何忍在世間喫飽飯晝夜哭三日而死同州朝邑一帶拖男領女幾萬人半是不慣辛苦婦人又兼兒女連累困餓無力宿在一箇廟中哄得兒女睡着五更裏拋撇偷去有醒了趕着啼哭的都着帶子縋在樹上也有將毒藥藥死了的慟哭流淚豈是很心也是沒奈何如此又有一男子將他妻賣錢一百文離別時夫妻回頭相看慟哭難分一齊投在河中淹死萬曆十四年邯鄲路上有一婦人帶三箇小兒女路上帶累

走步難前其夫勸妻捨棄孩兒婦人慟哭不忍其夫賭氣兒先走了數十里又心上不忍回來一看這婦人與三箇孩兒吊死在樹上其夫慟哭幾聲也自吊死又有一男子同一無目老母與一婦人抱箇十數月孩兒同行老母饑餓不堪這男子先到前村乞食供母這婦人口中還喫着沙土仰面而死老母叫呼不應摸着兒婦知是死了也就吊死道傍這男子回來見他母親吊死又見那孩兒看看將死還斜靠着死孃身上唆妳也就撞頭身死西安府城外有大村千餘家居住一時都要逃走那知府慌忙親來勸留說道我就放賑濟這百姓滿街跪下訴說多費爺爺好心念我饑寒就是每家與了三二斗穀子能喫幾日怎麼捱到熱頭趁我走的動時還鬧掙到那豐收地面且救性命大家叩頭哭聲動天那知府也慟哭放他散了走到北直河南處處都是饑荒那大家少婦那受的這饑餓奔走都穿着紗段衣服死在路上當此之時慈母顧不得嬌兒孝子抹不得親父眼睜睜餓死溝中路上狗喫狼喰没人收屍

朝廷也差官將四五十萬銀子放賑濟一箇人分得一錢半錢怎救得一家饑官府也開倉散穀于一箇人得一斗半斗能喫得幾日飽想你平日空蓋了許多寺廟塑畫了許多神像打了許多醮事燒了許多金銀那箇神靈救得你想那好年時胡使亂費只嫌窄綉衣布袋只嫌醜吹笛打鼓還嫌不中聽好酒好肉只嫌不中喫却將那平日吊下的留在這時用怎到的喫榆皮草根還餓死了俗語說爺有不如娘有娘有不如在手只望百姓們口那肚攢隨貧隨富除了納糧當差外寧好少使儉用寧好淡飯粗衣好反多積些救命穀多攢些救命錢寧為樂歲忍饑人休做凶年餓死鬼且如老鼠盜雜糧積在穴中沒時備用烏鵲啣棟子藏在樹裏冬月防饑你曾見荒年餓死了多少烏鼠人生過日到不如烏鼠見識可嘆可嘆昔時有箇唐修脚他兩腿雙癩家有老母没人掙錢养活他學了箇修脚生藝每日喫了人家飯食還落的幾文工錢養他母親又將瓶子一箇埋在地中用竹筒一箇通入瓶口每日投錢一文年終取出來與他母

親買件衣服你這窮百姓眼明手快一日那攢一文錢也不打緊鄉約中發箇願心隨箇窮漢會兒窮漢攢錢多的我查出來分外賞你假如凶荒之年家有積穀一石者官加賑三斗有積錢三百者官加賑一百家無分文升合者不准賑濟百姓自家有得一半官再助些可以接濟熱頭捱出性命若赤手空拳與他三五斗穀一二錢銀終來也要餓死不如那將來救那一半的性命我和你先說明白到那時候百姓們休後悔

糶穀條約

為年豐積貯為急糶賤糶賣為難聽民納穀抵銀以省煩費事照得今年秋稔糶買當先况開倉之後差糧正急小民糶賣不免奔忙不如聽其納穀扣留官銀代解似為兩便果納者無人將官銀糶買如有司過期不糶虛文搪塞者不肖可知另行議處為此合立款項徧行曉諭施行

一前院登報贖銀已經報部充邊餉之用者難以動支盡數存留陸續解邊外其前院允詳未繳實收及本院允詳不分已未繳實收一切徒杖

贖贖盡數扣留該府州縣糶穀銀免還庫

一除按監兩院詳允紙贖難以動支其司道府州縣自理贖贖除公用工食扣留外其餘不分已未登報盡數扣留糶穀其有司之操尚潔汗贖贖之肯報與否我不可知但本院毫無私用其不忍相負者必眾也

一在庫各項銀兩除見在起運者難以動支外其餘本色解判及一切無碍及待支緩解官銀不分已未報部盡數糶穀收貯在倉待明春出糶以其餘利作倉積以其原銀還庫歲以後每遇

穀賤之年再借以糶再糶以還總之有穀在倉即有銀在庫要在轉移以廣儲蓄耳

一在官應差人役豈能吞銀嚼錢亦須買穀糶米各州縣官除給帖打討者任從其便外其餘工食徵銀州縣先要仔細計算如皂隸門禁快手轎扛夫在家之人三支銀七分支穀起邊民壯及在外當差人役七分支銀三分支穀共計該穀若干石折銀若干兩納穀完日各役照數以時關領穀石既係十分乾潔又不欠少升合似非虧損應差之人而在彼亦省一番糶買矣

一小民糶穀納官不免火耗添搭銀匠傾銷起解不免折耗補賠官派人夫糶穀不免街市騷煩今行簡易便民之法凡貧民糶費不便者儘本身差糧銀數照價納穀務要極乾極淨納九斗者准一石其情願納銀不領穀票者聽從民便一收穀之法州縣倉用佐貳官一員大戶二名一同監收務照市斗量取平不許重收一合價照市價不許少算一釐穀到即收不許延遲半日登記須明不許錯上一人該州縣務照發去簿票格式掌印官先將簿票填註花戶銀數簿

送與收官票給花戶花戶納穀到倉倉中照穀算銀於納戶票上印納訖二字納戶執票到櫃該櫃收頭即與勾銷赤曆票仍花戶收照其穀濕而多糠粃者徑不准收穀果乾潔而經收人故為刁難及重收遲收者許鳴鑼聲寬當堂驗實經收人重責究罪

一遠鄉之民赴州縣納穀不便各鎮店城堡有乾淨寺廟處所即於該年大戶擇選公正能幹者二名領官銀置買席草將附近願納穀石之人照依本州縣時估收受亦照州縣倉收之法如

價隨時貴賤者務要記日明白與縣對日驗價其納戶票上亦印納訖二字納戶將票總付里長到櫃勾銷赤曆里長將票帶回隨便給與納戶存照穀收完日用心積貯不許兩地濕泥鳥鼠作踐待明年糴穀石仍用原買之人分毫不差者經收人役重加獎賞即准本邑大戶一次如有徇情濫收濕粃及捏數妄報虛出完票者坐贓問罪

一完穀之法全為便於貧民其上中入戶仍令盡數納銀以備緩急起解尤不許富勢人家及衙

門積役囑託濫惡短少違者一體重究
一收穀以黃色為上能耐久放故也如黃穀少處亦收白穀但黃白不可混雜須各另分收混雜者坐罪經收之人

一倉中量斗用斗級各鎮店量斗用斗行不許打討并用蓋斗行應是給帖納穀之人果肖其納穀即令收穀之時各鎮量斗一時亦不為累如不肯伺候者重責革役使納戶自量收者監之尤好

一各州縣算就在庫官銀及在官工食本色及待支遲解等銀共該准納穀若干假如該穀一千石便納至一千二百不妨寧收有餘查有司府庫銀另行抵補其斗斛官與印烙不許大小兩樣各鎮報數之後掌印與佐貳或省察義官分投從公量驗明白方准扣銀抵解仍造冊要見某鎮收穀每斗幾分幾釐若干石每斗幾分幾釐若干石俱係乾潔取委量官結狀如或濫惡短數受賄朦朧及數足穀好分外刁難需索酒食賄賂者委量官等問係職官者罷斥係義官者究革決不輕貸

一 民果不願納穀者官選大戶給與官銀落收乾潔價值隨時糴買隨便亦九斗算一石其一斗算腳價雇覓之費不許刁難小民諸凡禁約悉如上法

收放倉穀

為慎出納以均恩惠事往年放借倉穀賢者事事留心人人沾惠不肖者聽任左右苟且含糊或主守私扣以肥家或奸民販糶而專利吏書皂快門子皆多討而重量遠鄉貧民老弱致久候而多費或里長名下總領回家升合不分或有力囑託報名極貧餓死不得至於黨穀之人以厚薄為升合之高下攔門之卒以需索為出入之遲遲有乘機盜穀而不知者有分名重領而不覺者有趙甲頂錢乙者有一家父子兄弟領幾分者有司厭繁惡勞一聽衙門作弊甚者出倉一十而冊報一十二三百石多開之數有作為自積者有扣入私費者每里多造四五人每花戶名下多造一二斗比至追穀懇告緩徵停徵捱過一年又該陞任調任後官繼之無所稽憑又以前官市恩後官不肯任怨復一歲倉廩空虛簿政人志莫可考核往事可鑒姑不指名為此設立出放之法使民均得實惠合行通示

一二三四五月此正青黃不接之時五穀俱貴之日但借糶太早不能接新借糶太晚民困已久大率不出三四月每當此時行糶除一次存底薄原票以備查驗但有借賒而難還者除嚴追外再次不

准借賒

一各約先遞手本某人極貧應借人次貧應放某人中貧應糶某人次中貧應除分為四等各開手本掌印官將各約手本共算可賒若干人用穀若干石可放若干人用穀若干石如數不足而人有餘者量減斗數人不足而穀有餘者寧糶勿賒寧賒勿借每異姓十人用一連名保結如不應與而與者甲長約正及連名人代保拖欠者甲長約正及連名人包賠

一學校生員貧者自有數皆從康生查舉如果真正艱難申呈量行賑濟決不可聽從賒借以累本生行止又致同保包賠若大饑之年放賑視小民加倍可也

一名數已定先印小票發各鄉約人給一張某人賒放借糶若干數上圖書印蓋各約正領散訖次出榜文換約順序某約某人某人以上俱限某日到倉某約某人某人以上俱限某日到倉其序一賒二放三借四糶一日只限五百人賒者完挨序候放者完挨序候借者完挨序候糶將榜張掛

訖仍做籤一百枝上寫照支二字仍用二簿一扇佐貳官坐於頭門照約次序點名散籤一起二十人一扇選委公正官一員親坐倉中點名照籤給穀其斗數照票驗給領穀人得穀銷票於委官二十人出倉又點二十人進穀不足數者許花戶口稟亂進爭入者責二十不給穀各色人等俱要東進西出出倉之人仍將籤至頭門交與佐貳官以便後番人領四等領穀人數俱照此行五百人盡雖有餘時不可接放恐人難伺候

一領穀出倉有債主指欠本利店家指欠酒飯里長指欠糧差名色侵奪一合者許巡視拏獲每一升罰穀一石仍枷號十日

一掌印官雖有十分忙迫不係疾病不許輕委佐貳致令領穀之人在城久住務使如歸市然本日到倉本日回家若召號多人擁擠城市十數日不得領穀衙門人百計刁難致所領之穀不足盤費本官之才短虐民即此可見矣定行參提罷片

一斗行人等開倉之日每日報價價長則糶增價退則糶減斗行如有扶同虛捏重則枷號革役
一收放之日掌印官偶不得下倉選委富家省察義

官或公直百姓每日四人一人監看斗斛一人掌管簿籍二人收看銀錢每日每人給銀四分仍與寫字二人登名收票每日每人給銀二分俱於收櫃羨餘銀兩支給撥與皂隸二人以禁諠譁但有違犯者許其稟堂懲治

一在倉量斗不須另外雇人致費工食只在官空閑清白夫皂快人等充量半日一換帶飯在倉不許往來仍出入檢檢以防夾帶或用下班斗行輪流在倉伺候每日給燒餅十箇亦可

一入倉領穀之人但有大門二門倉門索要分文者倉中量斗人等故減升合及越巖亂支刁難一刻者重責枷號

一選穀與放穀一般斛斗一樣平量不許分毫多收分毫低放倉門置鼓一面州縣二門置鼓一面違者許花戶擊鼓聲冤以憑挈問

一借穀之人身死妻孤無子孫或子不滿十五而無地者其穀免追若以生作死以有子為無子以有地為無地者許甲長及連名許舉到官除重責外每一斗罰穀一石

一倉穀不及三千石者不許糶除以防急用其三千

石以上者存五出五以為定規所存五分明年再出不可向人無厭之求致有無及之悔

一糶穀比市價每石減銀一分放者每石加二出息若稍紅氾者不許糶放牽搭但令出借抵斗還倉一有餘之家三二月放穀加二出息秋八月始還者二十石以上准紀善一次五十石以上准大善一次百石以上掌印官獎賞借百石者該州縣送扁書好義二字借百五十石以上者本道送扁書施仁二字借五百石或施二百石以上者准給冠帶本道送扁書樂善二字施五百石以上者兩院送

扁書積德二字有司以禮相待犯罪不許加刑

一糶除二法惟有遠鄉之民來往艱難不得需恩以後穀多每集鎮一處積穀三五百石設立殷實富家倉正倉副各一人五百石以上者一年准本色大戶一名三百石以下者二年准本色大戶一名擇於大寺廟中或有司設處一房或義民願施一房者於內或放掌印官發簿二扇一紀見在數一紀收放數每年正二月州縣官呈詳院道每年三四月糶除一次務要年年增益不及十年可增二倍而一鎮之民生命有賴矣

一各處販糶之人入本州縣城市集鎮任其自行糶賣近有店戶斗行專利奸民強行抑勒短值收存却以小升增價零糶賺錢以後遠方販糶到於本處者果係剩餘難賣願留店方准收留外敢有仍前強勒者許鄉約及本縣官以憑重究

一九月初一開倉收穀仍遲前役坐收給與工食放者加二還倉借者抵斗還倉賒者照賒日價值還倉俱要乾淨不許濕耗違者管收之人坐贓重究仍令補數

一花戶納穀亦照前挨約順甲之法以次還倉即遲

不許過十月三十亦不許零星三斗五斗上倉致難勻銷出簿違者重責不許再行賒借

一過年前冬三月無雪麥根不得深入過年春三月無雨麥苗不見發旺又秋末土乾不得下種者止於饑民借十分之一糶十分之二留七分在倉以防凶荒其三分賒價慎勿輕行蓋饑民無以為生不得不借糶賣有銀在庫尚可賑民若賒多而秋禾不收雖明年民亦不能還而今秋何以救急蓋三法併行為豐年計也良有司每歲斟酌行之

一遇歲凶穀貴但有本地出賣遠方來糶者任其增

長價銀有司不許作大斗減價錢斗小價高則四方之來者如雲矣雖欲貴得乎

一社倉查盤不免問罪之擾不查盤不免侵冒之奸以後社倉老人一年一換一換一交須舊役收完之時方可交代其不完者還責成舊役則人不敢作弊矣縣官每年只驗出入增損之數或巡行鄉社視倉房之完破乾濕間開一看以驗糠粃惟是朝

親陞遠與署官見斗交盤一次明白方許離任其餘查盤官止取冊結不許與預備倉一例盤量問罪

放賑十禁

- 一禁衙役請支
- 二禁通學借支
- 三禁里老總支
- 四禁不貧冒支
- 五禁欠待遲支
- 六禁欠家奪支
- 七禁斗級弊支
- 八禁不明亂支
- 九禁收不查支
- 十禁不還又支

存恤貧獨

為拊疲癯化頑暴以善民生事照得加意窮民帝王耆政留心風化有司先闕律云凡鰥寡孤獨及篤廢之人貧窮無親屬依倚不能自存所在官司應收養而不收養者杖六十夫鰥寡孤獨古稱無告之民言顛連苦楚無人可告訴者也此四者雖云無告然眼目開手足便老婦與人執爨抱兒老夫與人看門守戶猶可收留縱使行乞猶得方便至於篤廢之人手足單損眼目雙亡又加以鰥寡孤獨做活則手眼傷殘乞食則坑塹傾跌此非無告中之尤無告者乎若盡數收養一人歲費

米布可得銀叁兩若弃而不收使其叫爺呼娘之聲徹於鄉里而為民父母如罔聽聞法且不言情將安忍本院前將憲約令替目殘肢之人年六十以上鰥寡無依者徑收養濟院照例給與衣糧其五十以下教以各般生藝下甯不當再三報來只應故事出巡所至替者告訴填門及查報冊何曾收其名姓至於學習彈唱說書一節不惟此等窮民藉以呼口又欲愚頑百姓聽之回心蓋自古聖王以強壯丁男歸四民之業以殘廢貧民專一藝之能當是時鄉國歌樂皆用工師靈臺則勝殿奏公幽詩則替矇諷誦不惟因材施教業務不成人亦且

移俗化民皆知禮義但恐習學淫語反壞人心而勸世名言無人著作為此除列款目于後仰掌印官作速遵行限月日回報以便選擇給發

一替目殘肢之人但係本縣及自幼失迷鄉貫者一而行各約一而行里老十排盡數查出六十以上無妻子兄弟十二以下無父母兄弟者徑收養濟院其五十以下十三以上盡數收入寺廟教習生藝本院出巡但有攔路跪門自遞手本而冊造無名者即係漏報漏報一人者甲長十排重責即罰本犯收養漏報二人以上者該吏提究漏報五人

以上者有司雖賢徑註下考若雖係無目而家不貧窮又有兄弟子姪或素學生藝自能度日者不許一概告擾如違拏其兄弟子姪重究

一闕廟處所修蓋環房十五間或二十間坯牆瓦蓋前面壘牆中留大門上題冬生院三字貼後牆接連皆砌火炕炕濶八尺外面接連皆用短牆一丈留一炕口炕上織大草苫可五寸厚裏外貼牆捲苫作枕人皆橫睡上用極粗綿布套以淨花數斤照炕多作廣被一被可容一二十人四邊緣捺三寸遠務要堅固原難折捨動移每年十月初一日

起三月初一日止凡本處或迷鄉六十以下五十以上無目殘疾之人不必給穀皆令止宿其中男在一處女在一處每十人用一有目孤寡之人料理衆替即於闕廂設老人一名火夫三名掌管此院每早每人可費米一碗日可費豆一碗甕鍋碗箸照人備辦即令老人督率煮粥炒豆米豆官倉支銷柴薪有司設處但有亂聲爭攘者老人稟官即日逐出放院之日老人將被收捲門戶鎖封不許閒人在內作踐聞院之時如有目壯男希望食宿在此攪混者老人報官重責枷號院前其老人

火夫事完紀善另行獎賞若富家陰德能如此行有司申報本院優旌年久善多者冠帶鄉飲

一時調新曲百姓喜聽但邪語淫聲甚壞民俗如有老師宿儒詞人詩客能將近日時典腔調翻成勸世良言每一曲賞穀一斗能將古人好事如殺狗勸夫埋兒孝母管鮑分金宋郊渡蟻一切有關風化者作為鼓板平話彈唱說書半說半唱極淺極俗不用一字文言婦人童子都省又親切痛快感動民心使人點頭讚歎流淚悲傷者每書三十段以上一本有司抄錄送院選中賞穀五石肯親自

教習二十人以上成熟者賞穀十石仍另行優獎一勸化題目要擇民間易犯者如做賊告狀打人喫酒宿娼教唆搶奪姦拐賴地騙財說謊撒潑說隱地上不納差糧游手好閒騎畜放肆白蓮無為等事民間當行者如孝弟忠信禮義廉恥謀賊忍讓陰險慈悲平等方便等事以上善惡不止一端任作套詞小曲多作善作者除賞穀外仍紀大善一次其替目教導淫詞者重責逐出習學者永不救濟

一詞成發與教師一人教習一二十人不等每月給工食穀一石在空閑寺廟中官給草苦煮粥炒豆不令乞食耽誤時日仍每月字印佐貳考驗如果多記熟記者分外加賞綿襖一箇不肯習學者逐出不准周濟其鼓板絲絃官為設處限一年為滿各令散歸是一年所學可省一生養濟矣

一卜算真是無益但無目難以存濟其子平五星占課下數等藝有能教習者與唱師一體給穀

一兩足癩瘋癩跛之人教以織打麻鞋挑結網中紡花拉繩捺紗列字各因材調發人教習給與工本其教者與唱師一體給穀

一淫邪曲詞戲罵笑談綽名嘲語皆壞人心術勾引爭端此皆浮薄淫蕩之子所為各約嚴行禁革如違紀惡甚者呈報重究

一凡替日殘疾之人但有受人買使替人討債撒潑鬪命及替婦入人宅含勾引唆調迴避覓鎮騙財起事者盡法重治難以篤廢之人濫從寬免

一鰥寡孤獨替日殘疾之人如有義士善人情願收養者養一人十年以上及養三人三年以上者俱於州縣簿紀大善一次旌獎更多者送扁冠帶積久准入鄉飲

一綿襖用極粗綿布染以淺藍每件表裏二丈五尺淨綿二斤每件可費三錢五分冬生所養料無百人二年一給每年所費不及銀二十兩掌印官或罰或處似亦無難想上官必不以操守相病矣

一冬生院舍徒夫托土坯官道伐木植淫祠拆碑瓦或有罪者量從輕罰一年三十二間容易修起但恐無心及此耳

收養孤老

為慎收養以恤惻獨事照得窮民收弃生死所關有司報查視為故事有命在旦夕手無一錢不能自達於官者有里老戶房狗情受賄不當收養而濫收者老而無夫老而無妻始為鰥寡有夫婦並收支雙糧者律稱鰥寡孤獨及篤廢之人皆當收養今替日殘肢養濟院全不收一人者有散月糧全不經眼任倉斗通同戶吏侵漁者有遲十日半月不打點再不給散者有積年孤老為頭指稱使用科斂扣剋者有露宿地窠無室廬床炕者有疾病而無醫調理者有私自頂替死名者有缺名數多全不補究而積猾吏書冒糧侵仗者有借口錢糧額定眼看餓死不收養一人者嗚呼一夫不獲匹夫失所控訴無門誰任其咎若以父母存心此皆吾輩兒女也為此將審收二法徧行州縣作速施行如有仍前苟且了事含糊造冊者即係不肖官員署以下考

審收 凡十條

一有司先發告示行令各鄉約并里老十排查有六十以上無兒夫婦間其有無孀姪力量能否收存除孀姪係乞兒老夫婦又不能做活者方准官收外其家道雖薄不至饑寒老婦尚能看家做活者

即責付婿姪令其收養姑免丁銀待老夫婦身終之日補差其不肯收養者重責枷號以不尊敬長上論

一 篤廢之人除五十以下寺院教習生藝聽自度日六十以下另院恤冬每歲用布表裏二丈五尺淨綿二斤作大綿襖每人給與一件外其六十以上皆目殘肢及黃病癱病及十歲以下篤疾小兒徑收養濟院照例給與衣糧一體存恤

一 掌印官嚴責各約正副各里長十排將年老鰥寡孤獨篤廢之人盡數開報軍使多報幾箇不許遺

漏一人各里各開手本定就日期里老十排約正各挨里伺候掌印官會同佐貳當堂逐一點名細審約正里老要見本人有無子孫有無婿姪有無事產平日有無犯徒流及有顯大罪惡五審俱無將年七十以上尙羸衰病及六十以上篤疾者定為一等即收養濟院其年雖極老極衰極孤貧而平日不孝不友傷倫壞俗奸暴邪淫衙門害人鄉黨生事曾經擺站充軍及自不成人敗廢先業及婦人淫亂潑惡不孝公婆凌夫敗家素有不賢名聲者俱不准收約正里老朦朧者重責枷號其夫

妻之罪不相及者單摘收養

一年雖七十以上五審俱無而手足猶健精神未衰者作為二等又細看年力分為第一第二以備孤老死亡挨序撥補蓋以殘喘可延者為次序即一人不可亂後先也

一 五審俱無六十以上尚能自己生活者作第三等待二等盡日挨次撥補其次第亦須細定不可錯亂

一 夫婦五審俱無須十分衰病者暫准雙收其一尚可支持者聽其一處相依只與一分月糧分外給

一 綿襖過冬可也

一 以上孤老審明造冊四本二送本院二送本府查明用印一發各州縣照次撥補一存道府備照補盡再審不許無端告擾亂收以壞冊規致生僥倖

一 篤廢殘疾及孤幼不妨隨時收養但照詳道府可也無目幼童年過十五者不准收養發寺廟教習

一 失迷鄉貫久在地方者上等孤老惟於冬生院收恤其醫目殘肢不能自存者與本州縣人一視同仁可也

一 節婦義夫及死事之妻有德之老貧之不能自存

孤苦無人依倚養濟院不可褻賢彼清貧豈甘養濟此等之人境內不多有司聞報合于上司每年給與粟布視養濟之數准於養濟錢糧開除但差人以禮送諸其家身終之日給棺木銀三兩

存恤 九十條

一月糧不許過本月初三布花不許過九月初一開倉之日掌印官親至官倉唱名給散如遇忙時委佐貳首領不許倉官吏斗任其低昂違者戶吏提革

一州縣孤老每月米折銀二錢一分但米貴則不足

用近見兗州府楊推官條議米賤放給折色米貴放給本色扣留折色待秋收糶穀還倉甚為有理其放折色亦須每分稱足印封給散或間掣一二封以防作弊

一拏獲私鹽將在院孤老定為三等上老中老下老每月每人給鹽二斤不足者先儘上老次中老次下老凡一切推恩以此為序薦廢人准上老

一每年十二月二十五日每人給麥一斗肉一斤酒三斤柴三十斤每歲春三四月每人加給穀三斗穀准開銷其酒肉麥柴有司設處可也

一孤老中有刁狡之人通同衙門吏皂指稱打點名色斂錢扣糧騙官隱數陵弱侮愚情甚可惡有司不時體訪重加懲治仍逐貼示永不許收養

一住房傾頽破漏每年九月擇補一次務令堅完每房用磚坯作炕竈每年十月每炕給草苫一領須五寸厚粗席一領其炕厠亦須有地中間推省事公直兩人作為管理但有汙穢作踐眾所不堪及性氣乖方專與人爭鬪者稟官革出

一院內房屋不寬男在一處女在一處雖係夫婦不許分外多占五尺之地致碍他人院中空處量栽

槐柳以備暑熱及搭晾之用

一養濟院中設大磨一盤小水磨二盤碓二座或碾一盤槌帛石四塊院前穿井一眼以資日月

一孤老人等但有勤苦做活如紡花捻線打席織箔各項生藝等自度日者有司借以工本令其營運還官勤多者賞穀

一孤老疾病管理稟官撥醫調理不痊者官給棺值銀三錢買棺木一具差徒夫擡塋屬壇處所如無徒夫官為雇人埋塋原係夫婦者仍塋一穴不許錯亂違者管理稟究

賑濟饑荒

為賑濟饑民以延殘喘事除官社兩倉放賑遵照賒借倉穀法限日限人不許久候亂支外至於煮粥一節雖係拮据之仁須有處置之法蓋放賑以救體面之民煮粥以緩須臾之死緣在東省曾行今紀其畧於後以示仁人至於臨時通變精密之才能者當自得之今不盡錄

一廣煮粥之地查得饑民無定方而煮粥有定處若不多設處所以粥就民而圍我近便以民就粥恐奔食於場歸宿於家或朝食一來暮食一來十里之外不勝奔波不便一也壯丁就粥便可隨在歇止而老病之父母幼弱之小兒羞怯之婦女餓死於家其誰看管不便二也乞粥以歸不惟道遠難攜亦且妄費難查三也不如十里之內就近村落寺廟之處各設一場庶於人情為便

一擇煮粥之人舊日監督主管多委陰醫老人嗟夫難言之矣無迫切之心則痛癢不關而事苟無天理之念則出納無據而利必專無綜理之才則點查失當而事不詳無鎮壓之力則強者多暴者先而惠不均無耐煩之意則費雖多而惠不及饑

民故定煮粥之法即選煮粥之人而令之講求講求既明掌印官親與問難如於立法之外另有良法者即行獎賞則人人各奏其能而仁術湧出矣一行勸義之令善不獨行當與善者共之掌印官執一簿籍少帶人數各裹飯糧徧到鄉村看得衣食豐足房舍齊整之家便入其門親與講說或願捨米糧若干石或願煮粥若干日飼養若干人務盡激勸之言無定難從之數如有所許即令自登簿籍待年豐少寬歲月或官或民照數補還仍送牌獎勵但有司多不肯徧歷鄉村夫代我兒女乞食苟有父母之心雖欲不往不可得已

一別食粥之人凡未食粥者報名在官立簿二扇分為三等六班老者不耐餓另為一等粥先給稍加稠病者不可群另為一等粥先給稍稀從便少壯另為一等最後給粥勻和在稠稀之間此謂三等造次顛沛之時男女不可無辨男三等在一邊女三等在一邊是為六班

一定散粥之法播鼓一通食粥之人男坐左邊以老病壯為序女坐右邊亦然竈頭將煮熟粥稠者一桶勻者一桶徧向兩邊而前各照碗數每人一滿

稅周而復始大率止於兩稅老病者加半稅一稅可也每日夕人給炒豆一椀

一分管粥之役大粥場立總管一人掌簿二人司積二人管米豆俱以廉幹者為之每鍋竈頭一人炊手一人壯婦人更好柴夫一人桶夫二人水夫總十人皆以食粥中之少壯者為之但有惰慢及作弊者即時杖逐

一計煮粥之費凡在倉有米者掌印官差在官夫役車載驢馱十日一發積在粥場嚴密之處司積者自帶鎖鑰總管判封條每日每人以三合為率食

粥之人每日增減不同掌簿先一夕日落報名數於司積司積先將各鍋編為字號某鍋煮米若干某竈頭管某鍋定有姓名斗數貼一單於面前每日平明司積照序點名照數領米司積冒破米豆者每一升罰一石竈頭尅減米豆者不論多少重責革出

一查盈縮之數不分軍民良賤不論本土流來除強壯充實男女不可輕收外其餘但係面黃肌瘦之人疴羸權樓之狀即准收簿每簿分男女二扇每班常餘紙數葉以備早晚續到之人其入以日為

序如正月初一日趙甲某府某縣人見在何處居住有子無子初二初三以次登記

一備煮粥之具布袋若干條大鍋若干口木杓若干隻約與稅大木稅若干箇梳令食粥者自備甚便但大小不一恐多寡不同大木桶若干箇水桶若干隻柴薪不可多得即差少壯食粥之人令其拾

一廣煮粥之處須行各州縣一齊通煮使窮民各就其便而流來之人不致結聚但一場過五百人即將流民撥於別場有父子夫妻一同隨撥蓋結聚

易離散難老病婦女何害少壯男子不散必為盜於地方接熟之日照歸流民法各發原籍更為得所

一酌給粥之節久餓之人乍飽即死總管查有曾經久餓者另作一等姑與稀粥少食一日宰四五次待氣息少復十數日後方補六班

一備粥場之藥瘟疫頗多若不早治漸致死亡每場設醫生一人製藥二人預備時病湯散即與調理不惟救濟一人恐傷傳染多命仁人不可不加之意也

一遇饑饉之時在倉穀石早發行戶碾米每石納米五斗五升即以碎米餘糠充為工食

一饑病之人坐卧無所亦易生疾州縣將穀稻菜結用麻織為草薦令之鋪地庶不受濕有力之家平日肯織千百或冬月施與丐子或饑年散給粥場一大陰德事事完另行獎賞

一各鄉村煮粥即於社倉支穀亦照上法施行但倉中出納其弊無窮掌印官選擇仁人義士令之司財仍與警告於闕公城隍各廟彼必不忍剝貧饑之資為身家之計求神明之禍倘有不自愛者坐

贓問罪仍十倍加罰賑濟貧民雖變賣家產亦不輕恕

一煮粥自饑甚之時起至穀熟之時散將散之前三日掌印官徧至粥場點食粥之簿問食粥之人飯食果否不缺觀食粥之貌肌色果否漸更回銜之日查米豆之數與支用之人果否相合如果有功無過者原委人役大則送牌小則花紅鼓樂送至其家以示優厚

一捨粥之家費米五石以上者紀大善一次十石以上者紀大善二次二十石者給與免帖一張犯答

杖罪名應的決者免決應納贖者免贖三十石以上者州縣呈該道送牌仍給免帖一張五十石以上者州縣呈本院給與冠帶本院送扁仍各給免帖二張其所活人數亦照官簿紀名將散之前五日有司官親至捨場查簿審人眾口稱德活十人以上者本院親至其門仍題

請冠帶旌獎請入鄉飲仍給免帖五張子孫犯死罪以下雖難免罪不許加刑

一過往流民倘過粥場每人給粥三椀炒豆一椀仍問姓名登記以便查考

一天道無十年之熟一切煮粥器皿就收藏於原煮之處備造一冊報官委付一人收掌待有饑年再用不許變價及被人花費

振舉醫學

為嚴醫學以重民命事照得醫學

國初所設醫官

吏部所選醫印

禮部所鑄醫生者醫學習讀之人惠民局施捨貧民之藥

朝廷重醫道壽民生其詳如此近來有司全不念及遂使

骨肉急大之危病求一字不通之庸醫一年一邑誤殺

不知幾多病者病家至死不知緣故為民父母豈可忽

諸為此振興醫教作養醫人令其多讀醫書深究醫理

庶使病者賴以回生醫者賴以糊口此兩全之道也合

行款列仰州縣刻板榜於醫學永久遵照施行

一世上養生之法積德之術醫為第一若能治人有

效自然名利兩全常見名醫公侯敬重家累萬金

學醫者苟能用心十年終身受用不盡讀書無成

豈如學醫之有成乎

一醫書如素問靈樞東垣十書醫學綱目醫學入門

醫林集要書皆佳而卷多理奧近如醫經小學醫

學正傳玉機微義仁齋直指名醫指掌丹溪纂要

傷寒六書傷寒指掌醫方捷徑立齋外科痘疹經

驗良方蔡氏痘疹名醫方考醫方摘要本草發明

本草蒙筌本草發揮丹溪脉訣卷數不多方論明

切醫者只擇一二部讀之熟講之精亦可以治人

矣

一醫學最不可多貪門類圖攬病家總之不精反以

誤人又不得利今擇此方易生之病各習專門果

得其精受用不盡中風傷寒痰火脾胃虛勞婦人

小兒外科小兒中之尤要者急慢驚風疳症癖疾

痘疹此數門者務要十分精透其餘小科雜証帶

看可也不看亦可也學醫者思之

一自有司不重醫道每將醫官責令聽事直月保勘

獄因既費藥資又乾千條又不得便宜行術故明

醫抵死不字醫學乃令市民頂醫生名色看守醫

印不知除醫二學俱係州縣合屬衙門應用醫人

聽本學掌印委檢自有體面豈宜作踐陵夷致此

極哉今既不能強上醫使之管學亦須選通明醫

道者申請冠帶使掌印信待以屬官之體審編均

俟之年每州縣大者編惠民局藥材銀四十兩中

縣三十兩小縣二十兩就令在學醫生習學製藥

專備過往官員用藥及貧民捨藥之費不足者醫

官呈稟有司隨時設處其本州縣各衙家眷僮僕用藥多寡既無限量責賤各有價值不許指以官藥名色責取無節但買生藥令其炮炙丸散可也

一 醫生各認請醫書一部掌印官量其資質限以一月之數自某處起至某處止責令醫官每日背誦除醫方分兩不能全記外其議論脈法方下病証務須成誦每一月掌印官或委佐貳官喚至堂上掣背一次惰者量責三五板勤者量賞殺三二斗讀盡再限有司或不通醫道亦識醫字豈可委於不能遂廢稽考耶

一 熟背醫書一部者方許醫官引領治人每醫生給醫案一本令病家親自填寫要見病家是何病証用何藥方治好每四季掌印官查驗醫案治好人三十以上者賞殺一石百人以上者終身免丁三百人以上者准送牌扁如有假稅者即喚病家審問一家不實雖有十家實者一概不准治數

一 製藥不精不惟不效又且害人凡本學製造咀片醫官責令醫生遵照原方十分精細不許留毒不許過性製完先呈掌印官驗看精粗生熟但製不如法者重責仍陪藥

一 藥材銀兩係活民之物民間尚且捨藥有司切不可將買藥銀借充公用凡新藥到日責令醫官當堂買藥當堂領價醫官如有通同賣藥騙價及受錢賣官藥者坐贓重究革去冠帶有司慳吝藥銀致令醫學無藥者以不職論

一 每月要問里老及醫官此時何病最多掌印官即召醫官速檢極效良方修製應病丸散每約散給隨將醫方飲于刻印小封袋聽病者就約領取其養濟院及監倉罪人但有疾病即許稟官撥醫調理

一 醫師遇病家召請受謝聽從其便但不許將局中藥物私充藥包致損公用違者重究其出門之日公堂給假學中另委醫生之稍通者代掌

一 貧民靠醫喫穿本院豈不憐憫但以人命求衣食不以人命為重大錢財汝得死者何辜掌印官不時令鄉約舉報里老訪察但有不識字義不明藥性輕用劫藥妄自下針者即時重責逐出本境傷人者盡法重究枷號遊迎其責膏藥生藥咀片而不行醫者不禁

一 四方有深明醫道善治病疾者有司以禮優待厚

加作興使得安家久住必能傳授後生

一民間但有得一良方刻帖通衢及一藥而治諸般雜証肯合丸散熬膏救人及因病而捨所思之物見病而施調養之粥者為上等陰德神鬼所欽有司紀以大善以備獎賞

一女醫師婆一毫不明每向庸醫買壞丸散更不問治何病疾婦女小兒諸症先尋此等之人前招後捉亂采胡鉞下過藥拔火罐打青筋送鬼崇至於收生不知節法痘疹只是鉞挑誤生害命其罪尤多今後醫官醫生將簡易方法編為歌詩各教

其妻其妻再教師婆如有私心專利不傳妄傳致傷人命者罪重醫學官生其師婆人等如有仍前亂做傷人者許病家告官重治仍將本婦夫男一並枷號問罪

一便民方一書候本院刻成每約各發一本約講與會人終日講說又恐夜半遠鄉急迫病証豈能家家備藥處處有醫約中積德之人肯合丸散十數樣以救緩急此是第一方便仍記救活之家另有優獎

一醫學立於國初每府州縣皆有近來醫政廢缺有

房屋倒塌而不修者有基址變價而不存者文到掌印官即查醫學是否見存廢者如何修建應支何項錢糧務要前房寬大三間後面火房三間如無錢糧應作如何設處另詳報奪

節約驛述

為民困已極驛事難支嚴稽查崇節儉以安地方事照得三晉當累歲荒歉之後萬民追節年拖欠之銀東逃西竄者摩肩鬻妻賣子者接踵粉逼之人日無半食杖敲之衆冬盡單衣站銀至於叅官可謂嚴矣驛丞半是棄職豈其情哉守土大小官員各有杜糶蒼生之念凡一切裁省虛糜禁革陵虐查理冒濫着實舉行庶民不稱累而驛不稱難矣合行通諭

一站銀辦納於州縣盡解於本府按月關領非不整齊但多往返之勞增守候之苦造冊轉文既費添

搭打點不無苟可慰其悄悄安用如此僕僕今後

站銀有驛遞州縣先要盡數扣存該驛徑於本州縣支領但有過月不給及短數低色者許赴上司

陳告其站銀長餘若干赴本府解納不足若干赴本府補支州縣官不肯催站銀致夫馬陪累者參究

一支銀如夫馬月支者務在月頭支銷季支者務在季頭不許過半月致令揭債以累貧難

一夫工食馬草料闖支到驛同衆分鑿照名給散官吏夫頭但有指稱各項名色扣免侵分者許被害

連名告發以憑鞫問

一驛丞體糧委不足用近增養廉銀兩亦覺寬然有餘訪得不肖驛官每日酒肉米麩菜蔬燭炭柴薪等項盡用馬戶供給弟姪子男家人一切秋風科害各驛皆然而蒙城侯馬尤甚以後驛官但有分毫科斂馬戶者拏問重責即日逐去

一招募之法各省通行所以革需索之端寬人戶之累近日蒙城侯馬等處明招暗貼不啻百金豈此驛獨累於三晉哉有司明知全不禁約以後幫貼一體裁革如有仍前科害者許貼戶告發坐贓問罪

罪

一軍馬一匹每歲月糧草料不過二十兩今驛馬雙頭每日即料六升不值二分草三十斤不值三分雇一馬夫工食日給三分總計一日實費八分耳縱使草料稍貴總計一日一錢縱貼長差再加四兩總計一年纔四十兩耳此外更有何費不過供驛丞科派買使客刁難一年五十四兩所賺不多有何負累且驛丞使客之濫豎何能填滿止當嚴行禁約豈可因此加銀耶以後驛馬長差俱要呈准道府道府長差呈准本院再有暗差者官吏提

究

一使客經過馬匹口糧俱照牌票原數但有帶長鞍背重包折乾馬索酒食口糧之外多勒銀物作踐官吏所在官司密行稟報除報官獎勵外將本犯扭鎖解院重打八十枷號一月革役

一長隨門厨不得賂賄為害百端以後送鋪陳坐司小菜俱開粗紙點單如云上鋪陳某件某件當堂請驗俱無污壞厨中小飯某物某物照單請驗俱無缺少上料食器某物幾斤某物幾件俱無陳舊公館帳幔坐閣器皿共若干或新或舊俱註脚下

過客臨行喚經手人役照單點發仍於單尾紅註照數發訖四字庶長隨無機作弊館夫難生弊端總之費一刻工夫而小物咸理矣

一坐司飯食本院出巡四果四菜腥素六肴俱用土產不許殺生司道府俱同書吏三人肉一斤大米一升麥粳一斤半豆腐或粉二斤雜菜一斤冬加酒二斤過客用五果五菜十二肴腥用雞鵪猪羊醃臘等物素用笋木羊肚黃花等物飯三食家眷四人一卓六人以上兩卓十人以下三卓酒各隨便家僮女僕每三人肉一斤大米一升麥粳半斤

雞卵六箇豆腐或粉二斤雜菜一斤酒一斤冬加酒一斤人多者遞加不許缺少

一過客經過驛官遞一手本開物件而不定數目稟問過客應用若干親筆註定驛官照數送入以備明晨之飯此外下程不許辦送蓋過客止於自用又不送人豐潔足矣下程何為違者不准開銷

一中火公館不拘州縣驛遞即於本鎮定看館老人一名門子二名免其丁銀火夫即於公館置卓椅座梅圍裙屏禮席錫磁漆器各若干書於粉牌懸掛老人鎖守官到之日老人門子帶領甲夫打

掃鋪設門子伺候答應州縣驛遞止是置辦菜蔬如借居民房賃借器物每次無家眷者給銀一錢有家眷者給銀二錢如係衝途其家仍免火夫以上官民一切家火但有損失損失之人賠償係官物者更人交代

一中火須在五十里之外如不便者近不過四十里遠不過六十里其中火許送不許迎仍不許於六十里內兩次中火

一舊擬坐司中火以品級定銀數殊覺不雅今既用飯食俱照數開銷多寡從便但有多增冒破誣騙

過客者官吏提問

一驛逃徒夫除竊盜外其餘充接應雜差使令亦省館夫雇覓之費不堪用者不許指稱賣放

一驛逃舊於本府驛傳道及本院倒換循環盤算總撤那移官破彌縫無弊然後申報縱使查出些須却是情有可諒而弊端利孔竟難究詰徒多衙門打點之費紙割之費寫造之費雇人之費簿到吏書印一查訖而已上官何曾過眼哉本院裁革循環但與該道不時隔一驛二驛吊查底簿如某官過用夫若干馬若干小飯小菜若干各驛相同或

官係勞要雖小有濫費俱准開銷外倘有連驛不同者將多開驛遞即行查究一番以示警惕

一驛馬摘牌照簿輪流差撥有等富豪以家僮已馬包攬驛差該撥全不在撥衆人不敢舉問此等驛惡驛官不敢申報訪知依律盡法重究各州縣官但有富豪包攬者不許准應如違以罷教諭

一驛中以積年光棍敵積年公差遂致把持驛事刁難使客或故與病瘦之馬或耽誤緊急之差甚者出穢言撒兇性驛中如有此人驛丞不足責矣州縣官不幾於聾聵乎本院首恤驛累遂致驕慣此

人有司若不嚴行處置但經兩院訪拏一人有司以昏庸註考

一荷包頭站最為可惡經過官員恐無承應預先催做夫馬飯食常用此人至於本省上官自有押擯前行即有欲言分付探馬亦可至於隨帶常厨尤為騷擾縱坐司中火不適口腹不記做秀才時脫粟黃糞未嘗不飽亦有常隨厨役否賢者思之一各驛積年書手夫頭挾制驛官扣尅夫役橫行無忌眾怨所歸若不訪拏重處一驛不得安生

一過客狼虎家奴借口主人凌辱官吏鞭笞人夫剝脫衣帽索要銀錢最為可恨以後如有仍前恣縱者驛官不准應付似指實中來以憑參奏

清編火夫

為編房號以蘇民困事熙得取民之制不出於禮則出於差城市火夫閭閻鄉夫則差外之差也民間累苦莫甚於斯若不秉公持正嚴禁清查小民含冤何所赴訴仰府州縣衛所掌印官查照後開條欵一體遵行如有徇情畏勢濫免繁驗定以不職罷斥合行通諭

一府州縣治倉庫獄囚于繫匪細而以市井無賴之人充之可乎合將在官人役酌量工食多寡差役重輕共算內巡每夜若干人在官人役若干人計若干日可輪一轉至於該班有疾許借同事之人

稟官暫代彼係官人闔防必慎有司又易責成決不可令市民雜入致有疎虞

一鼓樓直更定用陰陽官生給與工食責令習學不可濫用市民以亂天時

一城市及四關夜巡查其街巷長短關係緩急除巷口各立欄柵晨開夕閉外欄柵之內各量長短以定更夫之數除一更五更外其餘三更只用三人柵鈴往來仍與所住居民商確城中共用若干人關外共用若干人不可濫派費民亦不可疎防失事

一王府宗儀士夫武官舉監生員除本身住宅一處省祭吏員各除三間俱與優免外其餘鋪賃開房及分居父兄子弟俱不許一概借名求免州縣衛所官員但有濫准批豁者非受賄則徇私定以貪軟註考

一大市闔街壅斷之地定為上街雖係四門大街而生藝稀少者定為中街小巷全無生藝者定為僻處其派夫役定以三等以是為差

一近日夜巡俱係貧民小戶或每夜旋雇積年更夫或使令自家雇工僮僕此等之人不惟不能防奸

又且乘機為盜以後既更房號照其房稅編給由帖每歲工食沿門打討概州概縣通融計算不可以欄柵之內所居各雇夜巡之人致令不均至於房號之家共遞保狀要見雇得某人年力精強平日本分如有濫覓面生可疑之人願甘同罪

一街巷既有欄柵每於發鼓一更三點之初巡夜人即時下鎖但有閑人即時繫於冷鋪係宗室士夫者繫其跟從一人如有恃勢不服或毆罵夜巡之人者士夫揭示過端宗室送管府事戒飭跟從之人究治枷號

- 一每鋪置急事牌一面腰鈴一箇如夜有急病尋醫及婦人產難者先於本鋪領取牌鈴前路前鋪間鈴驗牌即與作急開鎖仍守候回還但有刁難過一時者稟知該管衙門究治其牌一面看急事三大字一面分巡道畫押粉牌墨書用油油之
- 一將起鼓時旗樓先放三銃使人知所歸還大端兩院三司席不秉燭士民安得為長夜之飲如事不得已準止宿人家可也
- 一房號銀除由帖各役打討外不許一毫徵銀於官違者以貪論
- 一夜巡人役每夜不分冬夏給銀一分晝則聽其生理如迎接上官偶用人多者輪班伺候一日其餘但有興作每日給米二升
- 一舊日不才有司不為郡邑圖經久之計凡有公宴造冊一切公事及迎送上司圍屏桌椅鍋釜金杓漆磁器皿杉篙線杆席薄段布緞纜繩麻麥糠土坯一切驗擾地方奸吏乘機賣富苦貧甚為街民之累今後各州縣衛所公館一切應用之物算計可用若干估計可值若干申請兩院動支官銀逐一置買登記公館牌上如有損失責令典守人役

照數包賠再有將以上各物騷擾地方者有司以罷軟無為註考

一房雖轉賣於勢家而由帖銀錢隨買主打討如果為應免之人親自住坐者待再審房號之日另行更替

一凡定間架以門面間數為主如在城有宅而住在鄉間及為士夫花園書房無人居住者照僻處定銀

一城門守衛之人官小役卑往往富勢在外輒為留門文者二三更如有奸細誅虞誰任其咎其宗室士夫有萬不得已事情必欲留門者稟知掌印官差的當人員半鎖守候先問人數然後開門照燭驗入

一鄉間守望相助則保甲自有鄉兵雖係縉紳之家止免大莊一處不派雜差其保甲挨查鄉兵訓練與小民同餘莊不准濫免雜差一體編派

一上司經過地方每催鄉夫百數人執荷槍刀跪道迎送妨廢農務騷擾民間通行嚴禁再有違犯者有司以不肖論

一柴炭林針有司每派鄉民令其供送該吏盡派鄉

民十九納錢官但知硃票月豈知擾民哉以後土
坏止令徒夫托打麥糠柴炭棘針止於小罪免供
者量令罰納其值不得過三錢積少成多足用而
止

民務卷之三

查理鄉甲

勸善懲惡莫如鄉約緝奸弭盜莫如保甲此二帝三王
之遺制雖聖人復起執衆齊物舍是無術矣但實行則
事理民安虛行則事煩民擾不行則事廢民恣成法具
在而鼓舞提撕則在留心職業者加之意耳嗟夫奈何
一科目取士爵祿榮人授之官職矢志潔身者幾人
實心任事者幾人今一州一縣設約正副不減三
二百人欲其人人有士君子之行分毫無私箇箇
奉掌印官之法怨讐不顧是庶民賢於縉紳矣有
是理乎而今正副講史俱是光棍地方任其舉報
善良而謹畏者避跡潛藏浮夸而縱恣者投足爭
進所謂百家情願保結有司親與過堂者曾一行
之否乎不過手本開名該房造冊而已如此苟簡
教化安行

一約正副雖經衆保難得其人掌印官或得之查簿
之中或得之公正報舉或得之本約告發或得之
自己體訪不時更換其更換者亦從閭約保舉但
武斷鄉曲勢橫州里之人鄉約不敢不保者間一
有之不可不加察也

一鄉甲約一書有本約全不理會者有理會而不知者概州縣約正副講史選定之日掌印官先到明倫堂上設

聖諭牌拜畢擇通學年長老成善為講說者三四十人先半月前各給鄉甲約一冊令之覽誦至日次第令各生講讀善講者分外加賞不善講者再令習學如此三四日三四十人俱已精熟然後發之各約分定每生教習幾約一約只住三日將約中事體盡令正副講史甲長人人明白箇箇通曉然後再更一約如此教習兩月之後掌印官分日貼示某

約正副講史限某日某約正副講史限某日辰時到縣大率一日不過十約仍在明倫堂上縣官考驗生熟果能精通此約者教習生員與正副講史同賞不能通曉者原教習生員紀過一次仍令再與講說務精通而後已約正副講史但有一箇識字通文之人能守規矩倡率鼓舞其約自行

一約中有善便肯紀錄至於行兇賭博慣刁巨猾一鄉畏懼者無人敢舉不知鄉約之設原為惡人大惡之人百無一二使大惡縱橫而紀小惡以塞責何貴於行鄉約哉掌印官先察公道確實之人必

不作奸壞法者托為耳目令之採訪大善大惡幾人詳知其事刻記於心至查簿之日果本約實登即將四鄰及正副講史各加重責如果大惡不登即喚本約正副講史甲長四鄰審問某人某日為某惡如何不紀正副講史曰甲長不報又問甲長甲長曰四鄰不舉又問四鄰如何不舉如果惡是實而四鄰不舉者一同責治一體枷號四鄰舉而甲長不報者甲長同罪甲長報而正副講史不書者四人同罪如此三行人人警惕約中畏法而不畏惡人則惡人亦警法而不警舉報矣夫我無可

憚之嚴明責成之實意彼鄉約一會良民何苦與惡人結怨以貽終身之禍哉昏惰者試一思之一約行一年之後掌印官單騎減騶或因公出之便即赴某約觀其禮節問以事宜即與勸說一番作其踴躍之氣振其厭怠之心使百姓知我所重在此而彼亦加之意耳若委佐領教官查點鄉約崇虛文以擾貧民費送迎而起料派近日有司往往為此噫實行鄉約者豈作此粉飾套子哉可歎可

一保甲與鄉約是一條鞭十甲甲長依然不動只多

添了一箇甲正副其操練之法詳於城守

一法度嚴明印不擇約正保正而約保正自不敢為惡只一寬鬆全不照管而約保正借法以作奸雖有賢者亦不能自保胥化而為惡矣故鼓舞振作之法彈壓操縱之權全在有司

一巡捕官無故下鄉多帶虎役搜尋事端濫費酒席雖云查點鄉夫其實得財便去大為地方之害以後保甲之法掌印官既肯嚴行地方自然寧靜萬一賊盜生發巡捕官帶領人役火赴擒拏平居無事決不可容令出門

一地方保伍朔望來縣投遞執結有司試一思之此何為者地方苟不安寧何妨日報地方果無盜賊安用虛文徒令此輩指以紙張盤費打點科索甲中小民耳結狀即行裁革再不許遞

一保之中良善居其十九盜賊百無二三甲長盤結出入覺察踪跡正此二三之徒耳若不分奸良一概騷擾良善何安其盤結之法詳見襄垣約今不盡載

一五里之外聲聞不通凡一莊須置銃三杆但有盜劫即放砲以便救護其六里以外不來報不與聞

者不可一概株連濫坐不救之罪

一護送竊扛伺候燈火保副挨甲序撥不許偏累因而復始此外不許仍用地方保長名色責令鄉約甲夫抗牌迎送違者掌印官以昏庸論

一乞丐壯丁遊食僧道邪教傳頭燒煉方士流來水戶在於地方為害惑民者甲長舉報保正即時趕逐不服者與容留之人一併送官究治

附鄉甲勸語

說與山西百姓鄉甲之行有十利而無一害一則些小事情本約和處記於和簿省得衙門告

狀受怕號驚打點使用吃打問罪坐倉討保破了家業悞了營生二則挨查外來生人細密嚴謹四方盜賊無處容身百姓們無雞犬之驚睡好自在覺三則使本排人丁及住房住院之都有稽查盤問使他不得出外為非免得他犯了重罪連累我有窩主之憂四則差糧赤厝一出本約本甲互相勸說催逼早完可省里長老人十排的工食錢使喚錢腳兒錢告助錢散人事討糧食喫酒喫飯五則一約之內人丁地土貧富增消差糧多少人所共知只消本約誓神

公定掌印官斟酌可以審戶則編均徭派赤厝
省得書手十奸百弊撥富陞貧詭地瞞糧貽害
概縣六則一約之人朝暮相勸彼此相規大家
曉些道理守些法度都成好人說好話幹好事
生為有德之民死為無罪之鬼閻王見了也是
敬重七則一約之人既是年年相與自然情義
浹洽有無相助患難相救疾病相扶持有事相
商量嫌隙相解釋異姓結為骨肉仇讐化為腹
心八則行好之民官府以情相體不忍輕加刑
罰父母赤子上下有恩九則積擯些糧食財帛

到那災荒之年官倉那救得許多你將這錢糧
分了救你一家性命免得餓死道傍逃走在外
十則往年兇惡之人欺你良善光棍之徒幫你
痴愚各顧各人快手指賊打嚇誣執平人你也
百口難辨誰管你死活鄉約一行惡人沒處存
身善人得以自保縱有誣執之人大家連名辯
證凡我百姓務要十分力行十年共守是你百
姓子子孫孫之福只是約正不才受賄徇情大
家稟官更換休以我在而應虛文休以我去而
成衰廢休以二小人賭氣兒壞了大家的規矩

興復社學

為興復社學以端蒙養事照得王道莫急於教民而養
正莫先於童子今學校之無政久矣官師不可復望惟
是社學一事尚有可為有司倘知加意世教其庶幾乎
因述其要畧如左

一自教化陵夷之後舉世不知讀書為何事二十餘
年迷誤至今師弟相背父子相傳不過取科甲求
富貴而已今選社師務取年四十以上良心未喪
志向頗端之士不拘已未入學者二十餘人掌印
官群之文廟饑以日食先教以講解小學孝經及
字學反切一年之後如米見識近正音韻不差文
理粗通講解亦是者掌印官下學考試擇其堪以
教人查有社學挨次撥發

一社學四關立四處大集鎮二百家以上者立一處
甲長各查本甲中子弟年八歲以上十六以下共
若干人報於約正除能自備束脩外如果家道貧
難約正開名報官官為設處大段社師以每歲粟
二十石為厚供少亦不減十二石多寡之數以學
問興功效為差

一子弟讀書大則名就功成小則識字明理世間第

一好事有等昏愚父母有子不教讀書邪心野性竟成惡人做盜賊犯刑憲皆由於此幾曾見明理識字之人肯為盜賊者乎掌印官曉諭百姓今後子弟可讀書之年即送社學讀書縱使窮忙也須十月以後在學三月以後回家如此三年果其材無可望者令歸業

一學中以長幼為先序就齒數除係相親自有稱呼外其餘少稱長者兄長呼少者名行則右行坐則下坐長者立則立長者散則散一禁成群戲耍二禁彼此相罵三禁毀人筆墨書籍四禁搬咬傾害

五禁有情陵人此處人五禁犯者比讀書加倍重責

一學者立身行檢為重一戒說謊二戒口饒三戒村語媼言四戒愛人財物五戒講人長短六戒看人婦女七戒交結邪人八戒衣服華美九戒捏寫是非十戒性暴氣高犯者比讀書加倍重責

一童子每日早起向父母前一揖問曰今夜安否早飯午飯回家見父母揖問曰父母飲食多少晚上看父母卧處待父母睡畢而後退父母怒罵跪而低頭不許動聲強辯父母勤勞即來代作父母久

立忙取坐物父母呼人高聲代喚父母疾病煎當湯藥此雖人子末節少年先須日習至於一家尊長俱要恭敬家中凡事忍默如有違犯父兄即告先生加倍重責

一行步要安詳穩重不許跳躍奔趨說話要從容高朗不要含糊促迫作揖要舒徐深圓不可淺遽侍立要莊嚴靜正不可跛敬起拜要身手相隨不可失節衣服要留心愛惜不可邈邈視要靜正安閑不可流亂抄手要着衣齊心不可怠惰在坐要端嚴持重不可箕股_{開岸臨}有違犯者罰跪再三犯者重責

一每講書就教童子向自家身上體貼這句話與你相干不相干這章書你能學不能學仍將可法可戒故事說與兩條令之省惕他日違犯即以所講之書責之庶幾有益身心

一每日遇童子倦怠懶散之時歌詩一章擇古今極淺極切極痛快極感發極關係者集為一書令之歌咏與之講說責之體認古詩如陟岵蓼莪凱風以上棠棣小雅杜_{以上}江漢出東門_{以上}雞鳴以上燕燕_嬀伐木_{朋友}芄蘭_{童子}葛藟_{相鼠}以上禮

伐檀訓米芥青蠅或蟋蟀錄葉示米蘋重白駒賢
至於漢魏以來樂府古詩近世教民俗語凡切於
網常倫理道義身心者日誦一章其新聲豔語但
有習學者訪知重責

一初入社學八歲以下者先讀三字經以習見聞百
家姓以便日用十字文亦有義理有司先將此書
令善寫人書姜字體刊布社學師弟令之習學蓋
姜字雖啖力而點畫分毫不苟作字之時能令此
心不放此心不粗挑達縱橫者厭之以為欠奮勁
欠自然而不知有益於性靈也

一教童子先學爽潔硯無積垢筆無宿墨蘸只着水
皮乾筆先要水潤書須離身三寸休令拳揉手須
日洗兩番休汗書籍案上書休亂堆斜放書中句
休亂點胡批學堂日日掃除卓凳時時綽抹

一念書初要數字次要聯句次要一句緊一句眼胞
定則字不差心不走則書易入句漸緊則書易熟
遍數多則欠不忘

一看書不可就講先令童子將註貼經貼過一番令
之回講然後一一細說考比再看復回不知再講
庶幾有得

一作文出極明淺易於發揮題目作不得題細講一
遍仍作此題二題三作其思必盡其理自通勝於
日易一題也

一記文須選前輩老程文極簡極淺極切極清者每
體讀兩篇作文之日模倣讀過文法者出題庶易
引觸

一讀書以勤為先童子不分遠近俱令平明到學背
書完讀新書喫飯後畧令出門鬆散一二刻然後
看書作文寫做畢仍讀書午飯後再令出門鬆散
一二刻仍讀書日落後分班對立出對一箇破題

一箇即與講改然後放學蓋少年脾弱飯後不可
可遽用心力恐食不消化也

一有司政暇之時掣籤下某社學某社學至則驗其
課程果童生文理通說書明寫字佳歌詩善者為
第一等除童生量給筆墨外其師賞大紙一百葉
中等者平常相待仍行帖以示激勵下等社師怠
惰廢業文理欠通管教不嚴者革去館穀將童生
並於一等社學在鄉寫遠童生不便併學者另選
社學

一社學不許率領童子迎送官府本院出巡每見數

歲童子便加一冠乳臭方新須當嚴教而社師以供給無人遂成懶散有司如此苟且只應虛文粉飾觀視父母之教子弟豈為上司哉以後社縣師生除有司出巡偶試外仍春秋二季將師生召集到縣管以常食結之單卷考試一番以行去留以示振作州縣官仍將社學若干處社師某童生某某民間束脩歲若干應動何項錢糧先造一冊送院仍將二考等第賞罰每季開花名手本報奪其士夫富家設館聘師所教子弟不許一概泛考混開以粧體面違者提吏重究官另議

一社學非為舉業全為正童習若條款中德行未習而文藝是諄諄社師雖有文學亦行革斥
一近日社學不以童蒙為重雖設有社學社田專聽無行衣中生員乞請以為糊口之資不拘童子有無不問曾否教訓遂令居官舍而胥官殺掌印官如醉夢人全不照管凡社學廢而不修與夫有社學而擁虛器者有司以不職參罷

修舉學政

宋儒有言學校之政不修教化陵夷風俗頹敗世道之衰所從來久遠其在今日所謂有書而無學有士而無師人才不三代非士之罪也

國家既以訓迪責教官又以提調責守令乃學政不修而但責之士何以異於五穀不熟而但責之五穀哉本院昔令雲中曾有已試之法士初不樂久皆攝喜今紀其畧以為賢者望肯一加意似不難行也

一士必類聚而後相觀相觀而後感發未有孤立而能成德者也士以百人豈無持重老成言動不苟

者十人乎苟未盡得人即思次可也掌印官督責教官先立四齋兩齋之長以一學所推服者為之而又以鄰近諸生編為一會多不過二十少不過五七共若干會每會若干人以一會所推服者為之掌印官定以會名如興詩立禮志道據德之類每會置一籤籤書與詩會會長某人會眾某人某人照會置籤共為一簡

一養士非以充斥學宮將以建白

朝著古人云修之家者不壞之

天子之庭夫修也而猶懼其壞豈有壞之家而能修之

天子之庭者乎明職弟子二篇余言之詳矣府州縣官先

置進德簿二扇以紀善惡將風憲約中進德十二

條每條空三篇印發教官如某月某日某生為某

善行從本約與見知人朔望稟舉列學教官審實

即指事紀於本日條下如有大善掌印官特行獎

賞不許教官以愛憎刁難

一 提調官置修業簿二扇以紀勤惰各以所業分題

如看書作文及風憲約官修業十二事之類亦每

事三葉以紀課程之勤惰

一 所貴樂群以其敬業今之士習得無所謂言不及

義好行小慧者乎如此群居同歸於惡不如獨立

之為愈也凡在會諸生俱屬長者督率不宜戲謔

長者自宜端慎不宜比昵近來諸生聚談不短長

他人則彼此嘲罵不聚會飲食則遊玩園亭手足

惰慢心志放逸玩日愒月老大忽驚如此積習最

宜痛改

一 博奕諸生之首戒勞心動氣悞事廢時至於一切

妨功蕩志俱宜禁約違者會長舉情

一 長者立少者起讓坐長者步少者下馬揖或趨而

避之長者教誨唯唯聽從即有辨說不可遽色疾

言違者紀過

一 朋友之道古今只有八字德業相勸過失相規無

此八字即刎頸之交不過情緣昔文文山久繫燕

臺其友恐其變節持祭文來哭如此風味諸生宜

咀嚼之

一 浮薄傲慢此四字士人之大病此病不除即登高

第做達官終為有道不齒孔子曰君子不重則不

威又曰慮以下人諸生衣冠務要樸雅言語務要

簡直禮貌務要謙恭動則務要莊慎以此立身處

人無所往而不可矣

一 聖諭六條且責之凡民矣士也而顧悖之如學校

何得無為凡民笑乎教官一一申飾有一於此紀

名惡簿以示創懲

一 學校之設不專為諸生正欲使市井閭閻薰諸生

之德而善良耳士有居一鄉而一鄉化其德者鄉

約舉報到官文學雖劣有司申呈上司特加禮遇

送扁旌門如果家貧凡有婚喪重行給助

一 朝賀祭祀臣子致敬於

君師典禮之重者諸生至日往往不到教官既不究尋提

調亦不查問是可忍也孰不可忍以後申明此禮

不許怠忽其朔望作揖送迎上師只可分班不宜常令奔走以妨學業

一 天下之字文歸六書古今之道載焉今諸生於字學全不理會任口傳訛反為僧家所笑提調官將洪武正韻海篇直音二書令教官習之以正諸生直音但查邊傍正韻以考反切莫聽詩家雌黃語語謂正韻未精此

昭代之制也臣子尊之

一 會課提調官刻為格板用網連紙刷印每士給與一本每本面上各書興詩會會長某會眾某某發

與各生假如每月三八六會每會前一日提調官出題三二道封發該學各會分領至日下脯提調官多擊幾籤取課近者即回遠者次日回提調官封發教官教官各以紅黃紫花三色批評次日送與州縣提調官得閱逐一閱如遇冗忙印一本縣查訖四字如某會某生不曾作文果係親疾已疾及一切萬不得已事情會長會眾代書緣由免其補課若無故不作者即拘本生到官加倍出題考試果稱等第免責紀惰如有荒疎發學朴責紀惰如是則教官各得盡職而小大賢愚各有進益矣

一 諸生四書分以日程除作文看經外每日限書一葉朔望謁廟稍遲候諸生小飯備粗紙六百葉共學六籤各限起止分章講盡凡講不必文辭但用口頭語發揮精到始佳諸生有願問難者再與發明其實須分次第上等多賞不妨下等僅與數葉以示媿除中等外仍將上下等紀於勤惰簿中

一 諸生有身家之事類逃學宮教官轉牒令家人聽審不許朔望於縣堂明倫堂講事以犯卧碑大凡學校事情不係重大法所難容者比庶民自有體面若三五相約公然請囑不惟有司難容而士亦

失守身之道矣若通學公事公講不妨

一 齋號堂廡諸生皆可讀書或朋友書房亦可會課乃紛紛占住禪房苦惱僧眾補不如意甚者呈官強怒而行諸生宜自反之

一 孝節兩事此人間首善風化美倡也乃閭閻貧賤監司無聞門第人家官師具結然乎不然乎非謂淪落者皆真而推舉者皆偽其實門第者易善而貧賤者難達也所貴公論可徵庶民可質鬼神乃師生以私意為低昂如天理民彝何昔余分守濟南所得民間節孝甚多皆集鎮鄉民眾口一辭者

而守令師生一無所聞百姓何由興起有司試一思之此豈漫不經心而聽人役使事乎

此之行又從而掩護游揚之有司之官評可概知矣

一學宮組豆非獨祀先賢正以勸後學也果善蓋一

鄉衆所推服何須子孫自言米行不孚衆美惡相兼豈宜請托公舉今也傷心矣即使賢人君子昭昭在人子孫而不設席具幣未有入鄉賢者遂使

朝廷公

典為賄賂之媒子孫但有分毫知識忍使祖父以

非禮求血食哉世道至此而有司若罔聞知可歎

可歎以後節孝鄉賢提學道行府州縣責成師生

及里老鄉民即有通學係結必須鄉民人以同舉

然後為公若濫舉及埋沒者訪知官師以受賄刁

難重處子孫不許黃緣黃緣者雖賢不准入祠

一有司豈無所汲汲皇皇者而學校獨不介意有加

意者不過會課改文供饌給賞而已砥德礪行引

而出之迷途全不在念或委之無錢糧不知鼓舞

諸生不在利誘况李考行香等銀隨其多寡用以

鼓舞士人似亦足用不知此項何處用也

一教官固多君子然過於貪鄙以為諸士憂不慎舉

動以為諸士羞提調官獨不聞乎聞而鈴束教誨

是亦相成彼屬官也臧否在我何敢不服此之不

禁約風俗

為禁奢侈以養財用事照得風俗儉奢係小民生死自萬曆十二年以來五穀不登萬民艱苦或逃移滿路流落他鄉或餓死在溝暴露屍體或父母痛哭殺食女兒或聚眾搶掠喪命監倉假使那豐年醉飽風流之餘積布積糧豈至凶年食糟糠土石之物凍死餓死便是富貴之家救崇撲素散其餘積賑濟饑民為子孫留多少陰德在世間傳多少香名彼爭誇滿身錦繡互鬪驚眼樓臺鼓樂震心肥甘厭口不思一飽一煖之外安用許多生在足衣足食之家亦當惜福况老成安靜者君子

之德夸張炫耀者兒童之識由此觀之節儉無非美俗奢華盡是邪心但愚頑之輩十說萬說不依洋詐之徒好喫好穿不改若不申明法度禁約森嚴誠恐踵習已成不肯遽變夫風俗紀綱本院之職也振揚風紀本院之事也如有不從則明罰勅法自有

朝廷之三尺安敢相寬汝其無悔

一 織金妝花本

王府仕宦人家品服以別貴賤今商賈工農之家一概穿着已為僭分又有混戴珠冠及金銀鬚髻四圍花通袖刻絲捺紗挑繡袖口領緣等服而倡優妝飾

金珠滿頭至於床門幃帳淨身衣服俱用金鋪一套銷金工價可買一套衣裳一年之後不復新鮮拆洗不能誠為可惜又有銜棍市遊綾段手帕濫作裙褲雜色寬帶直與衣齊甚為可恨今後庶民之家富者止許無補綾羅段絹下三則人戶梭布絹緞凡在省銷金匠除汗巾銷金不禁外敢有於衫裙及書簡著簽軸帳簾幃銷金及男女僭分穿着前衣者鄉約舉報到官男子罰穀五十石送邊仍與匠人裁縫俱重責枷號其倡婦穿錦繡戴金珠者樂工重責枷號衣飾賞給孤老

一 訪得本省婦女戴金不戴銀有一簪金重一兩二錢者又累絲嵌珠極其工巧疊輕技細易於損傷以後下五則人戶不許戴金首飾上四則人戶應戴金簪者不許過一錢仍禁淫巧奇異改樣新興如違陞戶三則係罰陞者消乏水不許擦上戶坐重差仍罰穀賑貧銀匠訪拏重責枷號

一 二線金梁便有品級三鑲雲履原是朝靴俱非未仕者之服近日不係縉紳金梁亂戴而吏承門快鑲履亂穿甚屬僭踰今後但有仍前亂穿兵戴及男冑高過八寸女髻高過五寸及婦人髮髻或比

照梁冠式樣或無喪亂戴白色及不係袍服女衣過膝三寸者俱違

新題事例除夫男重責陞戶外工匠裁縫人等枷號革鋪

係外來者遞解原籍小兒女輒用金線珠翠作帽為髻者家長俱重責枷號罰殺陞戶

一吹手銅鼓俱係軍樂民間嫁聚止許用樂工絲竹

鼓板至於里老陰陽皆以文軸賀喜遷居皆以文軸送號士民之家動以金字互送牌扁尤屬輕濫通行禁革違者許諸人奪告以憑重究

一本院向在按察司審決徧覽山西重囚招冊除強

盜姦情等犯外只打死人命八百六十三起因酒而打死人命者七百七起是打死者與償命者共傷一千七百二十四命矣其自醉死與墜崖墜馬痰火成疾而死壞事誤事喪德喪家毆妻致禍者又不知幾多也酒之益人有何效驗酒之為禍見有指實但有做酒糧食作飯喫酒錢財養家飽煖安然有何不好汾州府屬專做白酒販賣一縣費糧萬餘雖係營生甚為壞俗除另行禁約外今後民間飲酒務要自有樽節賣酒設席之家不許縱容苦勸但有鬧毆傷人因酒所致者問刑衙門要

查何店何家飲酒人命官詞務要于連到死不許以供明及問罪已完摘發釋放

一房屋為蔽風雨彫刻彩畫為何間架自有品級民間豈得亂蓋至於鍍銀鞍轡段銷圍裙捺繡座褥金銀器皿俱非士民之家所宜泛用違者許諸人告出陞戶三則

一酒席近奉

欽依事例蔬餼各不過五色今兩院三司公私酒席只是食果五標小菜五標素蔬五碗肉餼五碗剝削果五標點椒餼五標湯飯三道立飲攢盒一席一具

其粘果糖卓花枝筋簽一切不用到任公宴只用鼓樂一次以後不用至於小唱戲子絕跡公庭緝紳知禮守法自然節儉老成士民沿習奢靡之俗不遵憲約或用倡優戲子或擺連十連五看席五色絹帛結綵者許諸人稟告陞戶三則仍罰穀備賑

一拜名只用單帖卑幼加頓首二字請帖禮帖寫書照古折柬式樣只用一折兩開前後掩面禮多書長者酌量加幅紙以字為長短不許長餘其封袋惟遠書密書方用副啟惟密書方用有副啟者不

得別具書箋本院與三司以下及宗室鄉先生通
簡俱照此式不合式者不接

一士民祭賽惟有土穀及先祖之神自有洪武年間
欽定祭文諸神俱不宜賽至於祈雨謝雨止是各廟行香

雖齋醮已自不當况高搭棚臺盛張錦繡演戲雜
劇男女淫狎街市擁擠盜乘機失節喪命者往
往有之豈惟褻瀆神明耗費財帛而已哉至於修
蓋廟寺鑄塑神尊金碧輝煌棟梁巍聳要福不得
感衆實多凡州縣寺廟處所舊壞者改為公用新
整者存為約所至於元宵張造燈花烟火尤為無

益以後除鄉社土穀先祖墳塋齋戒虔誠以禮祭
賽外其餘一切停止違者收其會錢糴穀備賑會
首依律坐罪其元宵斫樹挿門者照禁山事例發
煙瘴地面充軍

一聘婦之費總計富者不過五十兩貧者不下五兩
嫁女之費總計富者不過百兩如有愛女者分與
私財過後供給貧者荆釵布裙各從其便其無益
錦繡妝花刻絲捺紗被褥枕頂及一切夸眼虛文
過飾僭分者盡行裁革違者許鄉約舉出陞上戶
坐重差

一喪禮主哀喪事厚死自衣衾棺槨之外惟有朝夕

哭奠上食而已近日喪家棺罩常費數金紙札常

擺一里在殯既搭棹棚唱戲請客出殯又用絛帛

梭帕收頭揭借錢財專悅耳目又令孝子忘哀作

樂自陷十惡之罪今後遵照家禮棺罩用紙貴者

用絹紗不許賃借開貸之家違者重責棺罩焚燒

居喪不許用娼優唱戲其葬日吃酒葬地為歡此

與夷狄何異鄉約嚴行禁革違者以不孝論

一喪家原無祭禮今習俗既久難以盡裁宜與斟酌
祭品遵照

朝廷禮法大祭用食案一張猪羊各一隻祭文一紙軸焚

帛二端值不過六錢稻米四盤不過一斗麥麩四盤不過十斤果

八盤每盤不過三斤酒一尊不過十盞中祭三牲一分食案一

張米麩共四盤果四盤酒一瓶祝文用板小者三

牲一具酒一瓶購禮至多不過銀五錢中者三二

錢少者一錢五分三分隨便或祭而不購或購而

不祭亦隨便至於盤花果單飛走像生綾羅幡蓋

金段銘旌札塑人物妝演隊戲一切禁約敢有仍

前違犯巡捕員投拿獲送官罰穀五十石輸邊取
倉收釋放以上十二款鄉約嚴行遵守違犯三起

者州縣衙所掌印官定行議處多者參提降斥

為特禁惡風以安良善事照得為惡條款已載鄉約惡行之中但恐有司以為鄉甲之事不復留心鄉甲以為橫暴之民不敢犯手是民間陰受其害官府莫知其惡也為此特將民間患苦之人另摘嚴禁之內有司不時訪拿重治庶於良善得安苦曰此鄉約事也官以為輕鄉約敢以為重哉官不察奸鄉約敢與人為讐哉故雖責備鄉約而又申重有司云

惡風當戒者十

- 一 孤兒所遺產業或自己管理或尊長寄收雖有重大緊急事情受寄之人不許分毫典賣但有典賣者即將犯人十倍重處仍於本犯名下勒限嚴追雖鬻妻變產亦令賠完中人一例重究其奸富恃財知情擅買者除重究外產給原主價不退還
- 一 寡婦守志果係家道殷實有繼嗣者照律全承本業無繼嗣而有養子者照例量給產業三分之一餘令同門均分無養子而有女者亦量給三分之一
- 一 以供禮節之用子女俱無者量留上地二項以為衣食之資仍聽其揀擇庄宅各一處一切差糧俱令分業之人代納地不及一項者盡令寡婦領業差糧自納不許伯叔兄弟人等侵占分毫果守

志終身者原產聽其變賣度日親戚往來任其與借不許宗人攔阻違者稟官除本婦聽母家唆調改嫁他人者所遺財產聽同產告爭外其餘但有指姦指盜逼嫁逼分強侵強賣者許本婦指實訴官將本犯盡法重究仍枷號遊迎盜買寡婦田宅者亦同重究業給原主償追入官

一 孤子少年承受先業無恥棍徒三五成羣或誘劫嫖銜或駕駛揭銀或唆調告狀將田宅事產蕩然一空此良民之大害城鎮鄉村但有此等奸民許被害及親族鄰里社長鄉約稟官以憑盡法重治

一 兇暴遊民結黨飲血或假稱欠債或捏騙賭博拿棍操刀或夜劫財物或晝搶平人一人有讐則聚衆同報一人告狀則彼此扛幫又結交衙門卑快扶同詐財互相容隱除宗室行各管理府分鈴束罪重者自有

國法奏請施行其郡府不能管理者一並參究外其餘棍黨告示一出限五日不即解散者本院訪拿盡行重治各重性命身家其勿悔

一朝廷自有法律一省多少衙門果負冤屈火則進本小則告狀何氣不出何冤不伸有等愚民受氣

不過服毒跳崖自縊自刎屍親視死者為奇貨或擡屍上門或錐棒割打或棄毀器物或混檢家財不知自殺人命只該杖罪追棺木銀三兩告狀牽連數月所追不勝盤費將一箇死身子換了別人一頓杖條有何便宜以後自死人命有司衙門休與准理同居父母伯叔兄弟妻子見死不救者仍以重利輕倫不孝不義重責枷號其屍親倚人命傷人搶財依律以兇徒聚衆定問徒罪充軍愚民大家思想自死有何益哉

一 刁民心懷奸偽志在得財家中但無營生就要搜尋告狀或教唆別人或投充勁證或捏寫無影虛詞或隱匿年月名姓或以活人作死或埋人墓檢屍或混告二三十人或牽連無干婦女或一狀未問一狀又投或上司衙門連遞數紙以致批問紛紛提人亂亂有分毫小事而經年不結者有東審西解往返千餘里者饑寒疾病老弱之人連累常死莊農買賣傭工之家盡誤生活及至事完之日不過管杖罪名多半全無指實如此奸詐之徒擾亂民生死有餘罪往往反坐通不知懲以後問刑衙門遵照本院在按察司時所發無恥刁民簿一

扇除告狀依本院發去新式及所告得實者不分
曾告幾次原為辯冤訴屈免其登記外其餘但係
半虛者即登此簿簿登三次及狀一狀十人者即
將本犯扭解本院以憑盡法重治所告多人除繁
闕證佐外其無干牽告之人所費盤纏即於本告
名下計一日追銀二分給牽告人收領仍以無恥
刁民某人寫大字豎牌一面釘於本告門左申明
亭紀惡朔望念堂良民不與為禮教唆主謀之人
依律定擬重罪

一造言之人無端捏事見影生風或平起滿街議論

或寫貼匿名文書或擅編歌謠劇戲或講說閨門
是非除致出人命者即與抵命外鄉約人等但有
指實者即便綁縛到官有司盡法重治徧於城市
鄉村遊迎仍寫奸詐賊民某人大字豎牌一面釘
於本犯門左申明亭紀惡朔望念堂良民不與為
禮

一男婚女嫁本為長子生孫豈以貪財求富女子出
門須要費用女家爭財雖非禮義然 大明會典
尚有多不過十兩之說索求賄送何處明文近日
惡婆貪壻行禮下財一切都從鄙吝過門之後從

來定禮節禮物既向新婦找尋嫁裝不厚不多
又將新婦作踐女一過門歲月追節日時供饋稍
不遂意或不許往來或時常打罵有致令病死者
有致令自盡者不思人家養女一場千辛萬苦替
我家生子做活又着人家賠錢受氣此是良心滅
絕之人廉恥盡喪之物所以江南溺女只緣此事
傷心以後女家賠送供給厚薄有無各從所便但
有因勒財物致傷人命者公婆枷撻徧鄉村城市
遊迎本夫盡法重究仍將女家原賠衣粧首飾節
年供給盡數還主雖變賣家產亦不准饒

一勾引人家婦女強占在家因而拐帶財物及外包
娼女內毆妻室蕩費妻物因而致命者盡法重治
枷號遊迎釘牌紀惡至於兄收弟妻弟收兄妻法
當兩絞而鄉村愚人乃以就和名色公然嫁娶甚
至父母主婚親朋相賀大可痛恨自今以始但有
舊日不知而犯法者告示一出即日離異改正如
瞞昧因循者許告到官定問死罪不恕

一賭博乃敗家之緣由做賊之根本開場者譬如窩
主束手分財賭博者譬如盜賊夥賭痴幼此徒若
不嚴緝重究地方豈得安甯各州縣衛所官於所

屬城市鄉村印貼告示但有孛莠真正賭博者即於各犯名下追銀十兩充賞

有司雜禁附

居官之道豈不在人一念正則千思萬想自有肺腸一念邪則萬語千言徒費唇吻緊要事情余既列為大款矣至於有司所為而民間所苦者事雖鄙瑣政體攸關乃雜列於後總之不謂賢者而知慎乎此庶幾亦賢者哉

- 一衙門供事服勞自難缺役但所審均徭阜快青衣不為不足而歇班民壯更覺餘閒有司留意用人既謹濫差又察贖情安所費多哉乃阜快一名掛搭三四正差領票不行掛搭騙錢分使是多一人多一狼虎也彼白手公門身家妻子賴焉不害小民何以足用愛民者清裁此輩最為第一
- 一民間交易儘有好物而當行人役答應衙門另買一等低貨謂之應行商賈之奸固為可恨然致之者誰耶索高貨給短值遲歲月與低銀甚者全然不與而衙門吏卑附帶以圖賤撓減以虧人又送貨領銀刁雜伺候種種傷心故實賤以與民不貴以與官誠苦之也有司用度買取價值何害親交先定衙中升斗秤尺務與懸式相同如米麩之類一月一糴布帛等物四時總買務須本人親到當

堂驗貨當面看銀印刻給與諸肉果菜先給總銀按日交送支盡再給妻子家僮無乘機之暗騙衙門吏卓無罔上之私圖如此民或者不相外乎不然過不獨在下也

一 民間地房價隨時值雖荒年與急事減價與人而不買與強求原價難執為姑息之仁者憐賣主數告皆與斷給借紙贖之資者開告端遂啟無窮詞訟俗言房地謂之千年百主株連蔓引滿縣騷煩贖銀不可勝用廉者必不為而為者必不廉有司戒之

一 舉一縣之大事須通一縣之民情至於聽訟審差全憑獨斷左右之人冷言佯語左使柔行彼得貨利而我亂是非所關不細故聽言不可以不審也一 守令民之父母威嚴雖不可無而肅靜不宜太甚弔伐大事也成湯諸侯也歸市者尚不回避豈以為民父母而以犬豕唐突行人次且為喜怒哉今聞四官姑不指名余昔分守濟南有四不下之令險途隘巷回避不及有乘坐者婦人不下老人不下童子不下病人不下但令止馬旁立官過始行有喝下者卑隸重責似於威重無損

一 各里書手以本里為衣食之資通同富勢奸頑種種弊端愚騙小民當盡數裁革止選善書算三五十名報名在官如有坐派檢查掣籤酌用若干人換里編造量給工食完日即放歸農

一 詞訟輕批佐貳其官可知以後除盜賊批巡捕官錢糧批管糧官外但有一切詞訟俱許親自裁決小者批鄉約和處彼佐貳者豈肯代堂官空手營贖自有贖外之贖也小民不益病乎例禁佐貳不許受詞為此

一 自條編既行之後一切公用自有綱銀有司自委

官吏出納支銷與見年里甲分毫無干有等不肖官將綱銀扣留仍令見年備辦或將實價開呈勾抹十之七八如此操持天必不佑訪知定行提革一 市井鄉村小民難責以君子之行其間小有爭鬪可以不聞乃甲保正及巡視等人或詐財釋放或張大稟官民間深以為累以後巡視人等除盜賊人命姦細邪教重大事情許不時稟官外其羅織小事騷擾地方者重責枷號

一 府州縣官將本院照依洪武舊樣較勘過斛斗秤尺各印烙一副懸掛衙前民間使用俱令赴官印

烙每烙一件納穀一斗如有損失破壞者稟官更換其不印烙而私家自造大小輕重者俱究問如律近來有司有將各行斗秤年年印烙以圖科納者而民間所用全不照管秤如京師油十三魁十四之輕小山東棗秤有截半加倍之重大低昂為姦貧愚甘受其害此治民之首務也

一市井喇唬衙門卑快每到娼家騙宿詐財一不遂心令賊攀咬且利於遠解遲結經年包占樂戶誠為賤類而此究亦所當知以後各奸敢有仍前縱恣者有司察知從重處究

一蠲免錢糧已徵在官者若無截解明文自當退給花戶但瓊碎含糊小民誰來徧領徒令吏胥侵隱里老騙支耳以後但納糧在先而蠲免在後者掌印官先貼告示徧諭小民今年已納戶人明年照數減免徵派如此更覺簡便至於里排收匿入己者弊在民有隱昧明文而依舊徵收者弊在官廉明者肯如是乎若不體察誰肯納糧

一在庫餘剩錢糧如遇緊急那解申呈合干上司暫許借支限以月日待正項徵完照數還補如係賑濟糶穀等事徑准開銷但不許即准本項明年減

派以滋弊端山東最多此弊一縣將一項糶米還官銀五百餘兩正值馬價緊急請將此銀抵解明年於馬價中少編五百餘兩前道允詳託該縣於本年徵完馬價既已侵扣下年馬價又不減編文移批答小民全不與聞惟一二吏書與掌印官知之後別房挾發貪官已去雖問兩吏水成而千金毫不可追矣倘不發覺卷案其誰查後官何由知哉

一收受條官名節近訪得一二有司既加一二收銀又於後堂開櫃已無面目見小民矣乃有收工食錢一百准銀一錢放時以八十五文算者又錢雜以皮低銀不足色數者有人役未領錢糧而以虛領粘卷者及至守道出巡乃以平等備查盤以減封防禦者士民竊笑天日難欺但念已離地方姑免參提賢者以為可不

一赤惡止用本縣印信發給收頭甚為省便山東赤惡解府重印不過多一番打點費半月盤纏耳果有弊端豈府官一一揭張所能查覈哉各府有如此者俱行停止

一季支工食不便有二一則貧役預先揭債領出官

銀止供債主之息如轎扛夫是已二則貧民頓領許多眼前易於花銷過後依然凍餒若比照軍糧事例每月初放支一次掌印官擇廉幹之吏分封掣驗明白附郭者唱名面給遠者將每分總封印鈐發與領銀人役不許官吏扣除違者坐贓重究如此而諸役得所矣

一各州縣官將民馬報籍在官如遇迎送輪撥走差却將聽雇官銀侵欺入己號稱賢者止給半銀今以道里為准往來百里者人馬共一錢往來二百里者倍之閑候日期人馬共給六分但有無錢空

役者許民馬朋告官吏提究

一伸冤理枉上下皆有責焉除一切大小詞訟不由本州縣而薦越上訴者依律究答外其本州縣問屈又禁上司告理重加責治苟有人心肯如是乎除別問衙門與初問相同者將誣告之人依律究罪外其聽訟虧人又因辯訴而重加刑責本官賢否不須問矣

一衙門應用一切紙張已經編入綱銀近有三五不肖指審錄因冊科索囚犯者以取供紙張索要罪人者甚者通同行戶變價入官余恥聞之如有仍

前科索定以不肖劣處

一上司公差倨傲有司求索財貨此十人而十者有司懼其譖毀含忍奉承似損正直之氣以後但有如此者不必加責即申原差衙門聽其分處果上官偏聽生嫌是自處於不肖為左右所驅使也於有司何損

一上司發行文書憑印信以防拆封憑筆跡以防洗改如有作弊實跡所至衙門即行照查群小何能肆其詐哉以後文移有司有能發覺奸弊者以精明署考

一市井鄉曲有等年老棍徒指告緩徵停徵災傷蠲免等項科斂錢財赴上司投狀概縣觀望俱不納糧以後如有應緩應停止許掌印官具申以憑酌處但有仍前赴告者遞解原籍坐贓究罪仍查主使之入一體同坐

一民之生死係財用而財用之贏蝕係儉奢有司好費喜張豈得愛民節用自然愛貨貪財故觀官之操守此其一驗亦有工容悅好奉承酒席下程備極豐美鋪張供具竭盡紛華財物雖不入己而勞費無不苦民貪富與貪貴其意奚殊府州縣衛所

官除自家儉節不嫌於過當外其迎送上官止要
爽潔雅素飲食堪用不在異味珍羞房屋堪宿何
必羅幃錦帳居官但知儉之真味則無往而不可
矣

一理直何用請托理由自有法度今受人央囑勢必
顛錯事理拂逆人情

王法無論天理何安且受囑本意不過憂護要譽畏人發
覺其短耳所在郡邑豈能人人受其囑即一人豈
能事事受其囑乎得罪一人便足造謗但違一事
亦自失權奈何徇私廢法惟高明之是畏乎讀

大誥憲綱諸書聽囑者可以愧矣余常謂居鄉一事不囑
人居官一事不受囑庶幾乎持正君子矣倘有若
人吾必首薦否則雖有他美而品格已卑矣何足
錄哉

一名節君子之律令本院不望人以獨行而望人以
甘節如果暮夜辭無知之金收糧無火耗之取詞
訟無問罪之多里甲無雜支之賄行戶無短欠之
償罰粟無折入之銀解放無剋扣之事商稅無雜
末之求治屬無濫受之禮衙舍無侈靡之供如此
可謂廉矣至於日用出入人事等項即千金之家

歲費不減百金豈以郡邑長吏能使絕人逃世乎
查得綱銀舊有循環各道免其倒換公費或有贏
餘各道免其稽查蓋綜核太嚴徒鬱賢者之公情
實開不肖之別竇待之以恕而彼不自惜則無辭
於執法之吏矣

一上司劄劄牌票無非

國事民情古人云庶績咸熙百度可貞又云百廢興萬目
舉皆修政立事之謂也今上司意念急於星火而
下官耳目猶如贖贖號票屢催嚴催動是經年經
月以是人而不謂之才力不及罷輒無為吾不信

也本院作令時凡係上司有行分登急中緩三袖
摺上每日投文直堂拆封本院逐一細看畢文案
有六房六牌如場屋五經收卷牌式將各房事宜
置於六牌之處喚承行吏書逐房看問某事幾日
可完令其自限如云十日可完余寬云限十五日
每事各令自限登之堂簿余仍記之過限一日打
責一板三摺之上急者先完次中次緩余退堂無
事及在與閣行常查三摺如果難完量與改限無
故過期如數決罰即使強盜推鞠人命檢屍人卷
到齊無五日不具之招常是案無餘贖吏有餘閒

此豈才捷只是心存心存則事理而暇豫自多心急則事積而叢脞益甚賢有司自有高才不知目前庶事填委心下果否懊煩厭一日之勞積百日之憂智者不為又不知如此怠荒合於何道也余口欲破矣而頑顏者猶昨茲固監司之寬紀法之廢所養哉

一官衙吏舍倉庫祀典廟貌壇壝學校橋梁公館凡有損壞不妨設處興修其動民力必須以時尤禁津貼科歛曠日耗財至於書院閒亭樓臺廟宇不闕民義切戒興作違者查究

官問

一官不修職民不安生掌印官僚屬之表也巡檢有無刁指行商疎虞因盜驛丞有無扣剋銀兩虐賣徒夫巡捕有無下鄉科擾強竊公行管糧有無需索常例混比貧民清軍有無賣脫正戶屈解無干及一切縱容手下凌奪小民見今作何倡率

一世教衰頹已久教官不知學校為何設生儒不知讀書為何事豈無敦德尚行之人誰知崇重是以修己治人之道全不講求

朝廷作養人才責成全在提調見今何以端其無邪之

習養其有用之學

一下戶窮鄉豈無俊秀子弟止為衣食有缺不能供給束修以致一字不識一善不聞推魯兇頑多以惡敗昔文公教蜀令狐化夷俱成文物之俗彼獨非守令乎見今作何訓誨

一鄉約保甲

二祖成憲

列聖申明不行則化民成俗更無他道欲行則約正保長藉以害民至於冠祭盡廢不行婚喪任情昧禮小民不知八行為何物下里不聞六條為何語鄉約

果否便民或於鄉約之外更有教民之法亦要條陳

一火夫編派窮民鄉夫盡是佃戶收頭賠辦酒席街坊歛出家火堡夫負累近村燈夫催趕傍道驛遞之夫馬舍愁倉廩之斗級稱重庫子之賠累難支行戶之賒欠為苦見今作何寬恤

一本境盜賊近日曾否嚴緝不敢竊發境外盜賊近日曾否嚴盤不敢潛入窩主窩訪大奸有無緝拏竭絕

一民間風俗奢靡邪淫既不知敦崇節儉惰農游手

又不能自理生活豐年尚有凍餒之民再饑甯無死亡之患至於倉穀動申借支收穀又不即完救荒有術備荒有道見今作何區畫

一錢糧拖欠屢催不完一切嚴則貧困苦於包賠一切寬則富豪任其逋負責成里長有包納侵使之奸督責花戶有奔走伺候之苦又大戶收頭罪有司重收雜派本色起解苦臨倉脚價添搭見在作何收解

一衙門吏書舞文壞法或變亂丁糧或洗改圖冊或重輕罪名或要索人犯卑快下鄉或添封掛搭或拷掠良民或騙詐貨財或凌辱婦女見今作何防閑

一邪說教門誘結姦黨愚民會首募蓋神祠明造妖言暗操亂柄騙財漁色惑世誣民見今作何禁止
一兇徒聚眾毆人奸人設計騙財貪夫凌奪孤積棍幫唆愚幼刁民明誣善良見今作何懾服

一本境鰥寡孤獨替目跛足不能自存之人共有若干有無依賴見今作何措置使之得所

一延綏搗巢莊明報怨兼以朔方兵變勾引強胡重兵壓境去三晉止隔長河款貢之講未成剝床之

災可慮萬一律行政劫何以待之夫城池倉庫守令關係匪輕城市閭閻丁壯果否講武四面環攻城上如何作守十日無食城中如何為生此災忽之憂難料之事見今如何料理

一文移簿書積案盈箱五督十催全不完報日多一日徒勞紙筆見今作何清楚

一市井暗騙明瞞鄉村大斗小秤鎮店光棍把持買賣濫抽稅鈔見今作何禁革

一禁訟則民有抑鬱之情任訟則民有拘繫之苦今無訟萬不敢望倘得聽訟猶人亦可免濫息刁伸

究理枉見今作何禁諭

一樹蓄先王美利桑棗

昭代嚴行年年造冊奏繳處處都是捏將此事果否虐民如何通不遵守

一流來水戶戲子娼優誘財壞俗與夫師婆妖巫指稱迴避祈禳名色唆騙愚幼婦女見今作何驅逐
一遊食僧道乞丐壯丁流來光棍寄寺宿窩騙財亂俗甚為民害與本土之民流離他鄉何計招徠還復故里何術安撫

一地糧詭寄何以收歸一人欺隱何以查復原額荒

開之地何以勸實死逃之丁何以除補

一道路橋梁溝渠城垣倉庾監禁養濟醫學社學何以修理興復

一先王躋民壽域

聖世特設醫官近日有司全不理會致貧民死於無醫愚

民死於庸醫然則醫可廢乎見今如何作養

一衙門人役日朘民膏中間人多於事食浮於人或

役使不均或差用無法見今如何調停

民務卷之四目錄

治民之道

清均地土

編審均徭

斂解邊餉

弭捕盜賊

解送軍囚

改復過割

徵收稅糧

查歸流民

修理橋道

禁諭樂戶

民務卷之四

清均地土

州縣之弊莫甚於差糧而差糧之奸皆生於地土故地土不清則奸豪遂敗詭之謀良弱受包賂之累有司之政莫如清均急亦莫如清均難矣今撮其大畧於左

一均丈之法亦多端矣舊以沿坵履畝為詳余以為

惟沿坵履畝為拙即使掌印官步步追隨尺尺量

度左手操筆右手執算不能清一區姑以平原之

地言之縲繩之繁鬆區角之斜正地勢之高卑宅

園之阻礙持尺者之前却操筆者之增減執算者

之含糊報數者之多寡分區者之出沒平原之地

已自難精况夫山嶺之崎嶇段落之細碎形體之

參差而以一令耳目闕百種之奸頑未有不窮者

故事有愈密而愈疎者此類是已

一法莫良於自報自家之地惟自家知之為真所難

者使之實報耳故惟至公至明之官知均丈亦惟

至嚴至信之官能均丈令先裁二寸寬八寸長綿

紙條萬餘印就 里 甲趙甲共地 十 頃

十 畝 分此帖只令里長十排領去分散有地

戶人責令親手自填不識字者令至親代填莫令



疎人雖人故意增減如平日欺隱詭寄不妨改正

類入本身之下一寫不實萬悔難改又帖告示按

里順甲某日某里某里投地數某日某里某里投

地數務如科場收卷規矩令十吏監收大率一日

收帖不過十里仍令本都挨里順甲每一里一線

檢在一處完日又帖一告示云各里老人里長排

年書手於某日前赴某處聽審至期掌印官作牒

文一道赴城隍廟中先誓自己身家如不秉公持

正者云云次令里老排書誓神如不實報真供者

云云誓神畢引於寬大處所掌印官分付云本里

花戶地土本里里長老人排年書手人人盡知我

今未行均丈先要覈實每里四人共卓一張筆硯

一副將一里地帖盡付與你要你四人商量細看

且如趙甲地數果實每人書一是字你一筆寫定

如果丈量不同你與犯人同罪如地畝不實即於

帖上旁書云共少報地若干日後查明與你無累

且有重賞查訖喚各里算手某里共地若干又算

概縣共地若干果否合總或多若干或少若干算

完仍將概縣所報地帖抄謄一冊掌印官赴城隍

廟焚之如行欺詭自有鑒察此謂人謀鬼謀百姓

與能為第一番事分里分以查大總

一下自首之令凡欺隱田糧者詭寄地畝者一人兩

名者買地而不過割者買地糧多而過割糧少者

俱准首正以後照數納糧舊罪免問舊糧免追

一設投糧之法凡知人詭隱奸弊而不敢明發者許

詳聞事跡夜間投入櫃中掌印官五日一開亦於

夜間親自收取凡見人投櫃或掌印官開櫃左右

之人俱要迴避不許窺竊庶人無所畏忌而樂於

投奸弊無不得矣如果被人投許而默自實報者

掌印官慎無發覺若本犯依然詭隱而投許是實

者照告示發落地賞投許之人官給印照永遠為

業

一報地既完大都可知又刻備細單一張為方格眼

方各二寸上書某里趙甲上地若干段中地若干

段下地若干段共若干頃畝某地方上地一段幾

十幾畝幾分東鄰某西鄰某南鄰某北鄰某格俱

照此填其單印賣聽其自買此為第二番事分地

方以查段落

一出告示云某日本縣先查第一里地上親自丈量

但少報三分以上者重打八十枷號一箇月全段

入官四部有能許舉得實者即以許舉之地充賞
給與印照永遠為業

一第一里備細單填寫投遞在官掌印官於地里相

近者任點幾段仍出一牌云某日本縣親查趙甲

某一段錢乙某一段先寫牌概四至呼喚四鄰同

候至日縣官帶扯繯二人書首二人算手二人親

到本段逐一細量仍令地主步步親自看詳有無

虧誣但以上作中以中作下者加倍增糧但有少

報三分以上者照告示實行外仍令犯人帶枷每

丈地土令之跟隨示眾但懷懼心者賄左右而前

移懷警心者恨地主而後却丈量之時掌印官步

步跟隨端端疑視但有弊態即加重刑既用重法

須存慎念不則有含冤抱屈之民須用仁術不則

有事勢難盡之法

一丈尺有二國初下屯以洪武寶鈔比五為尺謂之

鈔尺今丈量屯地猶然嘉靖年間清丈無糧白地

一體攤糧部降步弓比鈔尺差大謂之區尺今富

豪之家買地大尺前攬量人數多作奸已久今擬

丈屯地用鈔尺丈民地及軍買民地王府子粒俱

用區尺其尺各州縣刻尺為式誠恐報總之時是

吞買之數填備細單時自照區尺作弓寸丈量如有多出不妨改正稍慢不丈只照買數填單倘掌印官逐一丈出百口難辭若用區尺丈明實填備細而不自首明白待填單與初帖相對不同百口難辭故尺式不可不預示官民尺不可不畫一必如此而後丈量始真

一舉大事與動大衆事體相同夾不得一毫私心容不得一毫假借富者以財行人不肯發費者以勢行人不敢發衙門人以衙行自不能發百姓只是擊丈此三家者必須徧丈但有多餘地畝與初報

再報不同者仕宦除本身難刑外其同居兄弟子姪一例枷打遊迎地土入官仍申准撫按衙門應參奏者參奏

一擊丈之法先第一里以示嚴須多丈幾處以示密既嚴且密足以令衆又丈大段欺隱之罰以示悔如是而民不犯乎未可必也民情以為銳於始者急於終第二三里定是苟且又當擊查幾段遠地末里更是苟且定要多擊嚴查大端擊查百段而奸欺者必少矣

一小心之民恐懼重法每段多報三五分以防擊查

不足之數如果丈出仍坐原數虛報多餘即與除減

一丈地除城中關外各有門攤火夫不派稅糧官道古墓祀典廟宇

欽賜塋域荒堤老溝凡不堪耕種者不派稅糧外其餘不分宗室縉紳宅塋園圃一體派糧往見一省丈量不除墳宅花園書房其省縉紳在都下者大相駭愕曰是亦不除乎試問撫按此地曾否種田如何概加糧石撫按不得已於縉紳家悉除之嗟嗟可歎已園圃宅塋悉與除糧其誰不廣園圃宅塋哉

不知此糧應加何人之身人心不明一至於此我未之前聞也余於大同親郡王及宗室查照

欽賜勘合除豁其餘盡與派糧云

一派糧之法各因地畝有以上中下地三等派糧者有以金銀銅錫鐵五等派糧者地既不同糧難一律但名色既多反以滋奸大端不外五等其糧每畝以合為止勿加勺抄撮圭即有九九不盡五等之中總之下四等至合而止其餘細零加於上地若等等畝畝皆有勺抄撮圭瑣屑煩雜百姓納糧不省書手寫造生奸即令五等皆以合止概縣錢

糧長出十數石明報上司歲歲作赤曆小粟由帖之用有何不可而必欲如此繁雜哉

一丈量地土比原額有餘者將下地糧差攤於額外之地不得概縣通減額糧

一境內有各衛屯田王府子粒即吊原冊眼同地主詳記土名四至盡與除豁如有不明即與清查果係軍屯子粒決不可庇護吾民貽後來不決之爭果係吾民地土便須申呈查勘事定刻石除一地二糧之害往見屯道止知向軍守道止知向民此二人者皆可笑也均之

朝廷地土

朝廷赤子惟公惟實而已何私之有

一貧民砍荒山斬古嶺雖有三五畝新開之地然石根土薄旱則先枯澇則雨衝一時雖有青苗久後仍成廢棄只可每年每畝納租一升充餼寡孤獨之用原非正額決不可攤派糧差萬一人逃地變糧累里長包賠

一本甲本戶如有世荒久逃及老堤古城河灘水退從來不在額糧之數者任民儘力開墾栽樹種田務要盡數報官初三年不起科第四年以後不拘

花利多少只是納收三升薄者二升並不坐差州縣給帖永遠承種不許里老指稱本里地土分外索擾及報派正糧違者重究如有勢豪之家縱放牛羊作踐砍伐者指名陳告以憑擊問

一額糧地土業主久逃里長招人承種如有復業者前地雖當歸主但見種田禾仍許承種者全收如上糞數多明年仍許分收一半其所種樹木係承種者手栽仍許年年均砍

一額糧地土荒閒先令挿立標杆開寫里鄰四至頃畝掌印官親到地所踏丈若干頃畝果否久荒堪

否耕種如尚可耕種而無人耕種者官修房屋給牛種招人開墾待其成熟三年始令納糧如招人不得首此地照舊派糧年年且作拖欠不許里老包賠若鹹薄之甚水不可開或原係上地今為河灘沙壓者通查概縣此地若干頃畝照依區冊四至造冊該道將地糧盡數暫器概縣每畝加一二釐足矣此謂眾輕易舉不可獨累本甲如果該州縣舊日止完八九分就將荒逃一二分作為拖欠不愈於今好豪詭寄欺隱抗違者作拖欠乎若水退地出當年即坐糧差作餼寡孤獨之用隱匿不

報者照年追糧地土入官

一百等奸民將欲查地土報作久荒或將山根老城原不在丈量之數者作為已地通同里鄰開報除密指此無糧之地除彼熟地之糧掌印官訪出除將成熟地入官外扶同之人坐贓問徒大端此等地土不能欺鄉約及四鄰也

一條軍地者無民差納

皇糧者無下粒近見所屬地土每告重併差糧此中必有緣故至於軍校所買民田自當辨納民間差糧不許一概將地賴為軍裝子粒違者將軍黃老冊查出地土入官盡法重治

改復過割

為復初制以除積弊事照得過割之制

祖宗自有成法今四海通失初意至起奸民詭隱之端多有司無窮之訟昔人云有分土無分民國家分天下為兩京十三省自各省言之山西河南固接壤也未見河南人買山西地而過之河南者自各府言之平陽太原固接壤也未見平陽人買太原地而過之平陽者自各縣言之陽曲徐溝固接壤也未見徐溝人買陽曲地而過之徐溝者至於一縣之有各里猶天下之各省一省之各府一府之各州縣耳鄉圖各有土地土各有坐落安得以南里之地因北里所買遂隨北里之民改為北里之地哉

大誥固言之矣曰凡買地賣地務要過割不許寄庄又曰移址換段者全家化外過割寄庄移址換段此八字者講求分明而後知

祖宗過割之法曰過割者謂北里趙甲買南里錢乙之地錢乙割地過於趙甲名下非謂割錢乙之南里過於趙甲之北里也曰不許寄庄者錢乙之地錢乙為庄仍在錢乙名下納糧謂之寄庄言仍寄錢乙以為庄而避地多家富之門戶也曰移址換段則今日之過割是已蓋

大區為坵小塊為段謂錢乙之坵段本在南里今從趙甲走入北里謂之移坵錢乙有地一段不便耕種與趙甲相換本自不妨今將錢乙之南段換入北里趙甲之北段換入南里總之亂版圖失原額開影射之端成飛跳之弊歲去年來糧虧地少不可究詰

聖王惡之故重其罪然則海內皆以移坵換段為過割而其弊始不可勝道矣地緣里定寡多不甚懸絕今則有東里一百頃西里五百頃矣有一甲三百頃一甲三十頃矣里甲偏累弊一版者一片之名圖者方正之意今不以人隨地乃引地就人烏隨樹棲曾見樹隨鳥走乎

變亂版圖弊二地不分明當求之地中今乃求地於紙上何以清白弊三一里之地滿縣分飛滿縣之田皆無定處謂概縣只一里可也是以一里催科四境尋人多里老之奔馳成輸納之逋負弊四今日均丈方清明日過割又亂十年冊籍半不相同沿舊指新漫無可考弊五糧隨地定有成規矣賣主利於多價應帶糧十石者止帶五石契既可據誰復生疑地不失額而糧已失額弊六過割之日賣主中人不同到官任從買主通同書手或有開無收或多開少收糧既失額而地亦失額弊七西里孫丙有地一頃賣與北里李丁二十畝賣與東

里周戊三十畝賣與南里吳己二十五畝此三人者又轉賣於東里三家此三家者俱賣與西里一人數年之間地分幾里賣經幾人矣及查孫丙失額之地須從三人推算三家以及一人瑣碎曲折如理亂絲令人目炫心煩竟不清白弊八均丈區冊收之架閣非告狀稟官州財求吏誰與揭查稽遲刁指愚民受殃弊九書手得財洗改冊籍有司厭繁徃徃虧問弊十本身之地鬼分數名催頭執名尋覓終日對面相逢竟不知此名為何人此人在何處是以差糧不是拖欠即與包賠弊十一本民地也子粒輕則說為子粒屯糧輕則說為屯糧實

與子粒屯糧之家通同影射全無糧差弊十二將上作中將中作下問其段落則指一中下者相欺竟不知此段是否原段弊十三書手受賄隱漏錢糧加合增升概縣撒派小民以升合之故誰去告官及至被發覺之時但云誤筆弊十四有司詞訟十狀五差糧官多拘問之煩民多牽連之累弊十五夫復國初之田里遵時制之過割革詭隱之奸奸寬善良之賠累清郡邑之繁訟便里老之催科省水遠之均丈便頃刻之清查本院名此法謂之萬年清留心世道者其三復之今列其法如左

一國初州縣畫里分郊均齊方正謂之圖其圖魚鱗

相次各有坐落

大誥所謂不許大牙恐混亂也今邊界無存而地名猶在

州縣官選委公正陰醫省義等官眼同各里軍民知識省事之人先算頃畝後分界限將概縣地土十字開界如棋盤樣照依原設里名分若干段還其若干里其分內山河多者除外假如概縣原係一百里除軍匠子粒外有地二萬五千頃每里二百五十頃里內十甲每甲二十五頃如地勢不便難均分者大約多少不得過數頃界用繩直即一家之地適值界角分入四里亦所不恤疆界既定換賣各從其便

一各里分訖再與分甲每甲地若干如地勢不便難均分者大約多少不過三二頃

一里量分定各甲中之人各報地土如趙甲民上地若干錢乙民中地若干孫丙民下地若干李丁屯地若干周戊子粒地若干吳己匠地若干自量自報但有隱漏一分者從重問罪地土不分頃畝全段入官報完不差除軍屯匠子粒外其餘民地定為甲總選甲中殷實識字者掌之謂之甲正

一各甲報完類在一處總造一冊謂之里總送與委

官數實不差此總付里中之殷實識字者掌之謂之里正

一各里將各甲所類甲總類造一冊縣官用書手算手磨對不差地糧無失將此冊收入架閣庫謂之縣總有司用印鈐蓋封鎖在衙付架閣吏掌之

一以地為主不以人為主人係名於地不許地係畝於人蓋里甲有定而人無定地者萬吉里甲之地人者隨時買賣之人故不以人為主

一甲總每段之後空一行為前件假如北里趙甲有地一頃十年之內如賣與南里錢乙五十畝則前件之下註云某年月賣與南里錢乙五十畝如全賣則註云全賣與某里某人訖

一州縣置一過割簿每里空餘三五張凡買地賣地交價已完買主賣主甲正同到縣堂稅契訖縣官即將買地里分註云某年月某里某人買本里幾甲地若干割趙甲之地過與錢乙名下趙甲仍在該里納糧不許收入自己里中違者以移坵論不許仍在賣主名下納糧違者以寄庄論

一每里立石碣一通上書某里十甲除軍屯子粒等地不問外本縣民地共幾百幾十幾頃幾十幾畝

共該夏糧幾百幾十幾石幾斗幾升幾合人許入里地不出圖如違以變亂成法論大書深錫樹之里中

一糧在各里上納數不收入本身則上戶大差得以逃躲是滋奸民之弊也大凡審戶必用戶長每戶戶長各置開收簿一扇假如北里趙甲買南里錢乙之地書契之日眼同兩家戶長如無戶長以與賣里甲正書云南里錢乙因某事將本里第一甲上中地一段一頃原糧若干同本家戶長錢子伊家戶長趙丑本甲甲正王辛受價若干賣與北里

趙甲訖當日過割並無寄庄移坵情弊如違甘罪書訖錢子將錢乙名下除去一頃趙丑將趙甲名下增入一頃王辛將錢乙前件名下註賣訖一行當稅契之日三人同買賣主執簿與冊各用印鈐數以防奸弊如趙甲再買東里馮士地若干西里陳癸地若干俱照前法登記二年審戶編差趙丑將趙甲原業績買房地類在一處便知應陞幾則應坐重差錢子將錢乙原業應賣房地類在一處便知應撥幾則應坐輕差凡買賣地土不同戶長或里長與甲正者不准過割重加究治

一有人戶之里有地土之里人戶之里所謂以籍為定某里某甲之人也地土之里所謂畫野分郊某里某甲之地也蓋古者入里居田井授故人地合而為一今也地在此居在彼故人地分而為二契書所寫賣主之里甲地里甲也買主之里甲人里甲也此處不可不辨

一十年大造黃冊掌印官將過割總上所註十年買地賣地之家取縣總里總甲總通行更造一番留舊者備照

一里正甲正掌總之人但有需索財物挪移糧石增減地數者除坐賊發配不准納贖外仍重枷號遊迎示衆

一各里里長排年移住本里便於催科無論上門討要地步無多但登高鳴鑼一里可知何煩四境奔馳之苦至於數年之後本里本甲某段軍屯某段子粒某段張三某段李四如數黑白只得何人種地就向何人要糧雖欲詭隱其道無由弊何能生耶

一往日地土不明概縣均丈今里圖既明不於紙上求地只於地中求地某里少地止查某里某甲少

糧止查某甲不必稟官求吏庫中查冊但查甲總里總新舊自有根因一人少糧一甲攤包衆人自然發覺誰能放過說隱之人哉

一里正甲正只掌冊總不管催糧買賣地土註冊既畢甲正持甲總向里正說知本某甲某人賣地合將里總改註里正照甲總將里總改註不許里正干與買賣地土之事以起捐索之端其里正甲正事故或取所不服者里中甲中衆人推舉將冊總交代明白如有弊端仍行追究

一條鞭徵收者即於石碣刻定本里差銀幾百幾十幾兩幾錢幾分上地每畝糧若干差若干中下地做此此差糧百年不動之總尤為整齊又省二年一次造冊審編之擾

一差糧條報合於一處通屬里長十排催納惟有優免變更不免二年一次動總另編奈何曰優免之人本里差糧盡數徵納不許動總只於編審均徭之年要查概縣士夫人等應免差銀共幾百幾十幾兩幾錢幾分只於丁上加編徵銀在縣各照應免之數鄉官差人分送於家舉監差人總送為首生員差人總送於學省祭吏典等求着為首一人

領分決不可每里動總添減以啟紛紛之弊

一丁糧里長排年老人不是兩項管本里之丁者此里老排年管本里之地者亦此里老排年特別里買本里之地者屬之催科耳或曰各里納糧屬各里里排不勝催科之擾矣曰不然所責乎催以逋負延緩耳若開倉即納雖百里排何害或曰各櫃納糧屬各櫃收頭不勝稱免之煩矣曰不然二門之外各櫃相去不及一步耳種地時不憚各里之奔走納糧時獨憚咫尺之往來哉特亦曆多添幾箇名字費幾錢銀紙張耳餘無苦也

編審均徭

為編審均徭事照得民間累苦莫重於力役而審編力役名之曰均徭欲其貧富得所無不均之歎也乃有司不失之疎則失之暗不失之偏則失之私大都公易而明難明易而虛難本以虛明持以公道編審其庶幾矣今列其畧於左若言外之精意法內之微權有難以示人者智者從之合行通示

一審戶拙法莫簡於自審將各里里長老人書手拘集於闕公或城隍廟中將一里里老書手會在一處令其一里差銀自行均派趙甲該陞幾則錢乙

該撥幾則李丁應照舊則務足本里差銀數目各具一手本投遞審官審官預先張掛分日告示某日某里某里聽審某日某里某里聽審觀其詞色以為增減里老書手之情大概可知人戶之情大概可知色聽詞聽吾心自有尺寸矣

一編審之日審官作一告文矢心天日誓諸神明里長排年老人書手亦令誓諸神明其一切陞撥但以事產為序比見累年舊冊士夫舉監生員雖富只在下三則

朝廷原無此例陞自當陞免自當免奈何失其貧富之實

哉本院令襄垣士夫舊在下則者俱陞上則士夫自有公心有司自有正法徇私廢公何面目以視萬姓哉

一精細有司平日事事留心一年之內民間虛實可知其半執其半以得其半無不了然此難以語言盡也

一里老以為應陞而本人苦告難陞即問某人該陞可以代汝如無代不准告里老以為不當擦而本人苦告應擦即問某人不該擦可以補汝如無補不准擦此等苦告之人不可即從另為記號

一有消乏之名有消乏之實有增盛之名有增盛之實不可不察也假如趙甲有薄地數十頃無力耕種歲歲荒闕有樓房數十間先人所遺今已破壞房地欲賣買者無人用度缺乏揭借不出此真有消乏之實而無其名者也舊在上則即當大擦錢乙地無數畝房無數間而放債為商家累千百此真有增盛之實而無其名者也舊在下則不妨大陞有消乏之勢雖未消乏而勢已入衰如上戶多人不妨擦一二則有增盛之勢雖未富厚而勢已漸豐非上戶缺人不可輕易驟陞蓋漸衰者須節

其財以培舊損方盛者須輕其力以養新萌此父母之道若民窮財盡地方則不暇顧此矣

一 優免以品級為寡多

朝廷已辨貴賤之等矣至於編審差徭止論貧富此中又

夾襟士夫之情或應少免而概行多免或應坐力差而盡與銀差士夫有良心者必不以非道之悅知感審官審官有天理者必不以民之膏脂奉承津要假如一品免田糧三十石人三十丁倘一品者有田糧四十石人四十丁則十石十丁之差應坐庫役即坐庫役應坐收頭即坐收頭與百姓一體編當仕宦即不親當豈無同居之子弟又豈無

雇覓之銀錢哉此之不能審官當以阿諛罷斥

一 九則之法約其大都耳其實貧富之等奚啻千百千萬哉故自九錢以至一錢謂之丁銀母銀也上上戶雖萬金不得過九倍加九倍則八兩一錢下中戶雖不甚貧不得過一倍加一倍則四錢非無寸土無根椽者不准下戶蓋極貧而無以加者也每見貧窮州縣下下戶有納三五錢者奈之何其不逃哉雖差多丁少之處下下戶加銀但以分釐計可也倘逼之使逃一錢豈可得哉差重州縣萬

不得已丁地相兼可也

一 概縣差徭概縣人當故有貧里視富里不啻十倍者若以里差還本里戶差還本戶貧里貧戶俱逃其差有不派於概縣者乎故自審則以各里之分各里之差通編則以富里之丁攤貧里之役非攤貧里之役富里自應重差貧里自應輕差何嘗有定哉照丁照產盈縮消息非耐煩明敏之官不能也

一 舊日力差相沿暗坐如卑隸一名坐銀三兩給與由帖任其討要其實暗費十數兩今各差工食既有定數不如明坐數目庶免分外科索

一 六十以上例應除丁十五以下例未成丁但有地糧之家不以丁力辦差似難遽豁若極貧下戶年老自當除丁年幼不可報派聞各州縣有女丁男丁懷抱即攀成丁者其官可知矣

一 重差以庫吏為第一何者貪郵州縣官油燭菜果及衙內一切取用令之包賠上司折禮辦程動稱無礙或借口預支欲贖有司逼之那借庫吏往往傾家革役而覲顏昧心者不恤子孫之殃今後州縣官一錢之物不許取諸庫役而上官指以前名

色騙取所屬已經再四申冊庫役可無稱累矣
一鋪陳庫役亦重近日兩院出巡自帶被褥蓋常用之物與身相習取用之物未必盡潔吏書兩人共隨被褥一床果司道府官人人如此鋪陳庫役何累之有

一倉老人斗級頗稱累苦蓋斂散出納既多勞擾而查盤打點又問罪名審編比別項更擇殷實工食比別項畧加優厚

一驛站馬頭今已招募而蒙城候馬等驛又暗令正戶津貼以供驛丞使客貧饔之費今次編審不許僉坐正戶以塞攀貼之路違者掌印官以不職論募役如稱不足聽其告退可也

一見年里甲舊稱極累以有司妄費無經耳今里甲雖歸均徭而馬匹見在往往責令支銷不准開帳有良心者肯如是乎既有綱銀又用馬匹支銷者以貪論

一貧窮老漢守寡婦人家無事產止有一男者例應免丁侍養待親終之日補差

一生員應免田糧二石人二丁倘貧而無地無丁者本宗近門不妨代免其餘各圖各鄉不准其丁止

免下三則二丁准銀六錢或五錢四錢不許概免門銀及指以父兄弟概免上戶差徭
一條編法行富商大賈不置土田糧無分毫差止一丁甚非審戶本意只看黃冊事產不專在於土田各州縣查有地土少而家業豐者一體編僉上戶均坐重差庶智巧者不得獨遂其計矣

一寄居年久原籍既無丁糧此處又無差役借本處以求衣食亦當出些須以養本處除置地者隨地納糧當差外如無地土而家道殷實者亦定等則每歲納銀多不過九錢少不過二錢另作客丁一冊以充本縣孤寡殘疾養贍之用其僅能糊口者雖兩在無丁不許一概料擾違者以打詐坐罪

徵收稅糧

為養民財以足國課事照得惟正之供臣子當急無法之政小民難堪為此條其事宜庶便催科良有司設一借日或者萬一補乎若東之高閭一任所為民其奈何賢者必不爾

一 概州縣糧額歲無增減掌印官先算本州縣夏稅秋糧或帶有站糧鹽糧馬草及一切出於地者某項銀若干某項銀若干幾項共銀幾萬幾千幾百幾十幾兩幾錢幾分該州縣一例起糧止云每畝銀若干若三則起糧則云上地若干每畝該銀若干中地若干每畝該銀若干下地若干每畝該銀若干其五等九等田俱照此算務足各項額銀之數仍要十分精確不許積年書手賄行加派
一 差銀隨地出者加數於地隨丁出者加數於丁要見本州縣差銀幾十幾項共銀幾萬幾千幾百幾十幾兩幾錢幾分該州縣九則人丁除母銀上上戶九錢下下戶一錢外其事產本業如地宅牛羊騾馬末業如商賈債息等項較其富貧編坐門銀除下下戶不加外其子銀上上丁應加幾倍上中丁應加幾倍子母銀共若干足額差銀兩之數

一 本色錢糧正數併脚價斗頭席圍雇瓦等項每石應徵銀若干各看倉口遠近道路難易使費多寡為增減銀數寬寬不可偏累收頭

一 各項糧差銀派定將概州縣總數及每畝每丁應納撒數刻一簡明小帖偏貼城市鄉村曉諭百姓如云某府某州某縣為曉諭事今年部司原無加派如有加派者云今年某部加派某項銀若干今將萬曆某年編派糧差銀兩開示於後但有多編一文錢一釐銀者許花戶稟告以憑拏問

一 概州縣共地幾萬幾千幾百幾十幾頃幾十幾畝
一 概州縣一切夏秋草站等糧共幾萬幾千幾百幾十幾石幾斗幾升幾合每石折銀幾錢幾分
一 上地若干頃畝每畝銀幾分幾釐中地若干頃畝每畝銀幾分幾釐下地若干頃畝每畝銀幾分幾釐

一 概州縣一切銀力等差共該銀幾萬幾千幾百幾十幾兩幾錢幾分幾釐
一 概州縣九則丁共幾萬幾千幾百幾十幾丁
一 上上幾十幾丁每丁母子銀幾兩幾錢共銀若干兩 上中若干丁每丁母子銀幾兩幾錢共銀若干

千兩 上下若干丁每丁母子銀幾兩幾錢共銀

若干兩 中上若干丁每丁母子銀幾兩幾錢共

銀若干兩 中中若干丁每丁母子銀幾兩幾錢

共銀若干兩 中下若干丁每丁母子銀幾兩幾

錢共銀若干兩 下上若干丁每丁母子銀幾錢

共銀若干兩 下中若干丁每丁母子銀幾錢共

銀若干兩 下下若干丁每丁一錢共銀若干兩

一錢糧分為四季限豈不寬不知官府整年追呼百

姓整年湊辦收頭整年守櫃里老整年串鄉悞了

多少營生添了多少擾亂且二三月赤春正窮四

五月青黃不接貧民辦納必須揭債不如遇着熟

頭有地者糶賣及時無地者傭工措處今後依律

改正假如有銀一兩夏季六月初一日開倉至七

月三十日為止納銀四錢秋季九月初一日開倉

十月三十日為止納銀六錢四箇月中任意分為

幾限其餘八箇月盡放歸農民免掛八箇月心官

省受八箇月勞收頭省坐八箇月櫃里老十排戶

頭省八箇月奔走之勞若曰時日太迫百姓慌忙

不知除了糶賣糧食更有何法湊辦若肯納糧豈

有四箇月尚糶賣不完之理哉故曰瘡遲捱痛罪

遲捱愁催料速乃所以愛百姓也

一春正二三四月間偶有緊急錢糧庫藏空虛先將

上六則催納一半甚者全催其下則貧民銀不及

二錢者不必分限待十月間未限通完可也

一里老科收花戶錢糧侵欺捏限不肯上納及至發

覺難完依然又累花戶此等大弊已經痛革責令

花戶自行封納其銀少者甯托兄弟子姪翁婿帶

納代領完票可也

一投櫃革大戶重壓之弊最為良法乃不肖官員又

借欠少名色以罪花戶花戶懼罪每兩常重二三

分及當堂拆封盡扣羨餘入己而一切添搭火耗

脚價又令大戶包賠此法近已題革但今大戶二

門坐櫃便於稽查不許有司拆封以免加重其起

解傾銷俱聽大戶自己便宜銀准寄庫官不經手

仍懸鐘設鼓於二門照司降法馬定等每櫃給等

一連號刻杆錘又置等式二連印封置二門桌上

但有收頭重壓者許花戶自行開等秤兌聲冤有

司即行重處其等式仍印封置之原處

一訪知一縣正官派大戶紙割心紅竹篋花紅等物

俱折價銀吏門阜快各有需索明知故縱大戶不

勝官科依舊重加收受此官調任別省本院姑不指名以後有司但有科派大戶分毫之物者坐贓參罷

一有司於錢糧雖不粘手却要關防每櫃須選殷實正身一二人看守每晚責令大戶報數要見某櫃今日收銀若干幾櫃收銀共若干查有某項緊急錢糧即令搭湊傾銷候斂解官輪流起解其銀五十兩重二錢並無添搭其盤費每千兩給二錢一大戶起解錢糧計在道一日五十里上納衙門耽延十日足矣却乃收時花費錢糧或掌印官畏參

罰圖考滿朦朧上司空文起解或解日驗數封完起文後又行折取或放債為商或拐帶逃走有司經三二年不查有無銷批官更吏代影射乾沒其弊多端向見吳大參同春曾置差糧考驗兩屏風最為得法左屏將一切起解錢糧每倉口一行做如偏關西盈庫該銀幾千幾百幾十幾兩舊該某日解納今於某日報完某日某人領文解訖某日銷批訖款款如此不完者看限急催未解者看限急解未銷者看限查銷如此留心何弊之一起解大戶務要真正殷實本身仍尋殷實保人一

名倘臨時更換家童及不才子弟族人以致壞事保人姑免坐罪花銷錢糧一體分賠

一近日各州縣坐派大戶各分倉口一倉數名甚者本色大戶坐四五十名大戶幾於半縣三年可以一輪雖稱眾擎易舉其實相累連窮以後除本色姑容多派亦須每人分收五十石以下外其折色每櫃三家一櫃收五千兩亦不為多決不可聽民攀稟多坐收頭

一催糧舊套開倉之後里老催花戶納糧花戶不納里老帶花戶赴比法非不善但里老所帶多係貧民至於欠多人戶多係富豪里老朦朧推托通不帶比今後赤曆雖分居父子分名係糧不得混造一人名下三限之後掌印官親查赤曆自點花石其欠糧多者必富戶也每里先點一人或概縣只點三四人馬上差人鎖至除鄉官舉監生員本身外其兄弟子姪家僮及富民姑不責治一面以家屬一人送倉一面以輕枷枷號本犯固釘牢封令其催科一里通完而後疎枷平原知縣劉思誠曾行此法里老催頭全然不用而錢糧既完且速其易倍於往年百姓自稱歲省千金情願立石若枷

糶貧民雖千人何益哉

一 惰慢之吏倦於催科值錢糧緊急令各里催頭先陪或令坐櫃收頭預支催頭收頭未必家有錢銀畏法典責揭借及事完之日歷開欠戶又不肯追往往催頭收頭坐此傾家彼始也苦首役以應目前之急終也縱奸民以要多口之譽是人也不有人禍必有天刑州縣有如此者參擊重治

一 疲累州縣錢糧委實難完守令恨其難完也既用戶長又用甲首又用里長又用老人恐里老之比限不來也城中又用保人既而每里添一卓隸卓

隸受花戶之賄依舊不來又添差卓隸閭閻之下常養千百人彼此通同互相買囑是以正項錢糧養奸而逋負愈多矣不知有全累之縣無全累之里有全累之里無全累之甲有全累之甲無全累之戶先將十年之內赤曆一查某里全完某里欠幾分某里不完大約分為五等以全完而速者為一等號曰義民若干里不用里老戶頭催科聽其自完不差一人下鄉以全完而遲者為二等號曰良民若干里用戶頭不用里老即最後者亦免鞭朴以全完而費鞭朴者號曰雜民若干里用里老

戶頭擇錢糧多而先完者賞數人擇其不貧而捱糧者責數人以地薄糧重人少荒多者號曰累民若干里除清豁外其見在者聽里老戶長陸續催納有蚤完多完者重賞以力可完而不完者號曰姦民若干里除里老戶長常催外過三限先差卓快鎖等糧多不貧一二人枷號遊迎倘完糧漸多漸蚤者亦陞入良民義民等則

一 告狀尾後要填糧差完欠仍驗完糧小票欠糧差而告狀者即係理直或上司批詞亦不准理

一 惰慢有司只靠一本赤曆比糧姦貪里長只靠一

紙開單聽比其間有一身之糧而開數十人名下者有見在膏腴開作荒逃者有重糧開為輕則者里老書手盡知其奸只是通同富勢欺瞞官府有司先於寬大處所將三年之內赤曆三部分里積於案上仍照人數備紙筆硯出其不意出一告示將各里三年之內舊役老人里長甲首書手限某日赴某處聽用至日將老人閉於一處里長甲首閉於一處書手閉於一處各給紙一張預印一票上書一人糧分為數處者併在一人之下一人鬼捏數名者即併一人之身某人本富而藏在下丁

者應陞幾則某人本貧而仍在上戶者應擦幾則某家壯丁未報者何名某家孤寡在丁者何氏某人某年逃地土荒幾頃坐落某處某人雖逃而地不荒遺業何人承種將赤曆各散一本分付開報之後三冊對審如有不實即係受贓重責枷號發驛擺站審清改正歸一另造赤曆照此催科則無影射之奸照此審編則有均平之據此有司第一首政但機一先洩便生情實此疾雷疾電之法在賢者善用之耳然非法嚴而信亦不得其真情是日也當審大獄

- 一里分在百里之外又係疲累地方拘比為難不必拘定常規即擇本里富家一二人為收頭坐里徵收里長老人催赴收頭交納完日解縣更覺省便
- 一舊日收糧櫃上每添銀匠一名令辨銀色甚者如山東雖一二錢必須下火打印既耽小民時日又被銀匠偷攬即無弊端亦費火耗甚屬瑣碎今後止憑收頭認識不許另添銀匠
- 一分派花戶錢糧本色止於勺銀色止於釐有五抄以上者准一勺五抄以下者免派五毫以上者准一釐五毫以下者免派至於抄撮圭粒總之不及

一勺毫絲纖忽總之不及一釐雖錢糧積少成多一些不可差錯而零星難以計算反亂愚民心目且抄釐上下俱有減增截長補短所差幾何少一二兩積餘自足多三二石作正支銷明報上司無不可者奈之何人人都有毫絲纖忽家家都有抄撮圭粒增書手多少撤派之奸而小民安受其愚莫可究詰矣

一語曰雀腔不如牛辭近日奸頑里老比父止帶貧民不知錢糧逋負不在荒地而在朕田不在貧民而在奸富不在小民而在勢豪州縣官將富勢之家務令先完但有抗違除緝紳難以加刑揭欠榜示通衢外其弟姪兒男家僮一體鎖拏嚴追近日

准頑悍之邑雖用重刑不以酷論若富勢拖欠而惟小民是嚴當以罷軟罷矣

歛解邊餉

為起解錢糧事照得大戶解銀司府檄批零星既覺隨碎在道不免疎虞且轉解三關宣大臨期仍用委官是
一番事體兩次繁勞又欺慢有司空文起解奸頑大戶
獎種多端或官銀到手輿販侵欺或起解踰年猶不銷
號或假稱應解衙門遞收重盤或自己將銀偷盜誣賴
店家或拐帶官銀在逃竟難尋覓查得直隸山東向來
歛解官民兩稱便宜先據太原府何知府條陳首稱歛
解最為良法已經通行去後若不立為規則不惟窒碍
不便亦難經久常行近據布政司列為八款夫都已詳
中則恐有未盡事宜本院最為推廣仍發該司刊刻成
書收銀衙門先送一冊每道府州縣各給一冊委官歛
解之日該道再給一冊各令查照施行毋得違錯取究

一 近奉題

准事例各州縣官不許拆封賢者自知避嫌矣但收頭項

於二門之外坐櫃徵收掌印官嚴禁收頭每日偶

喚花戶以問所收之重輕收頭每日開總數以驗

所收之多寡州縣每半月一報道府以酌起解之

緩急如使大戶多壓里老侵收小民受害畧不經

心有司雖無羨餘入己而法令可知矣定以才力

註下考

一各櫃至五百兩以上收頭稟官自喚銀匠傾銷每

銀務足五十兩二錢不許零星漆搭白面細紋不

許焦心黑色仍鑿造收頭銀匠姓名兩款送赴掌

印官當堂同庫役秤驗明白收頭自己封鎖收寄

庫中但有不足色數者歛官不許濫收掌印官逼

收者參提重處

一近來州縣收糧開倉既違完期又晚每至踰年尚

不報解今後開倉照依律限本年錢糧報完不許

過十二月即有難完州縣亦照從來完數年終為

止如有踰年尚追舊糧半月無銀報數者雖係廉

慈道府先以才力不及註考

一零收十兩不下二三十封縱使毫釐不加積少成

多羨餘亦不下十五二十兩每五十兩重二錢銀

匠炭火工食銀色折耗再費一錢總來每十兩只

重六兩耳收頭人等有何包賠但有指稱以上名

色每錢重收一釐者許花戶鳴鑼聲冤以憑鞫問

一布政司先將州縣佐貳首領及衙首領等官行該

府州縣擇其年力精壯才識敏捷操持無議舉動

有威者報名該道布政司轉報本院待有應解銀

兩聽該道差撥銷批回任之日該道仍查無過者呈請給獎三獎者准薦

一 凡係一道錢糧將一道應委官員不分府州俱要一條鞭輪流差撥仍用格眼簿一冊差過官員即填簿內格中周而復始但有營求規避者該道即行戒飭差撥不平者許本官告辨以憑查改如有不得已之情兩願借差者須據兩官呈告公文方准借撥後即還補其數省公事如京運解冊等項另於司府首領輪差無得偏累一道

一 本院預發號牌每道十張以備解官員據支廉給口糧之用但餘三張者該道呈請再發至於起解官銀出境多不應付該道即發白牌一面註定護送兵快夫役數日過太原者本院換牌如值出巡之日布政司換牌不得仍用該道原牌前途致有艱阻

一 欽解官先要順路如北解者自南而北不許枉道所徵銀兩既入鞫中該州縣即差的當兵快照數撥夫扛擡仍催鄉夫護送跟從委官至前路州縣交與委官收明仍取委官原無損失手筆結狀其銀至所在州縣即撥兵夫日夜巡邏看護公館倘

有不虞印捕官與委官一體坐罪仍令均賠
一 遠解官銀一次不得過四萬兩應徵州縣相去不得過五百里所至地方一處不得過三日違者所在掌印官以刁難論

一 欽解官自離任之日為始每日支廉給銀一錢跟隨四人每日支口糧銀共一錢二分所在官員代為填格此外不許刁難下程需索飯食各州縣亦不許指稱下程酒席科派收頭違者查究

一 解官出門不許坐輪所過地方給與馬六匹皂隸六名至各州縣照官尊卑相見不許指稱委官妾

自尊大兌銀之日在州縣堂上者畧分賓主在公館者止論職官如州縣刁難作踐委官及委官分外難為州縣官者訪出各從公議處毋悔

一 每鞘銀不過十兩該州縣查照應解之數做就木鞘若干鐵箍務要堅厚其封條每鞘委官二條州縣官二條粘貼牢固以防作弊

一 委官所過地方需索財物折乾夫役縱容手下凌虐鞘夫騷擾地方果有賊私許被害指實陳告若兵夫人等既不聽從拘管却又肆行誣賴者審明申呈所在上官除應得罪名外仍加責枷號如所

在上官縱容不受理者訪知參究

一委官押解錢糧千係最重出境之後更須萬倍留心不許夜行不許宿店不許醉飲不許交遊其公館處所不問疎密所在州縣城堡文武官員撥夫二十名夜巡仍將夫名遞送委官處所以便查考倘所在官慢不經心致有外盜除本官聽察外其銀仍責全賠若外無憑實銀自內失者罪坐委官不許妄行誣騙

一見行事例解官每千兩給盤纏銀一錢五分但解官責重身勞似宜從厚今定每十兩俱給盤纏銀

二錢

一秤兌銀兩不許經吏胥之手任解官人役與收頭自行敲和庶免嫌疑

查歸流民

為查歸流民以靖地方事照得各處流民或因年饑離散或因犯事脫逃或僧道以乞食行脚或竊劫以聚黨潛身或姦頑躲避差徭或幼小迷失鄉井合行分別查歸庶使在此無虞而在彼得所爰合行通示

一州縣衛所軍民除屬里屬甲祖籍祖居者是為主戶雖係流來而本州縣衛所置有產業但必入籍是為客戶不得謂之流民

一住市匠作投店客商或一歲再至或五年二歸通貨財以利民生與夫假館授業開舖行醫地方所敬重者不得謂之流民

一佃戶園丁傭工作僕久住此間或父母親戚房屋墳墓戀戀不能歸者不得謂之流民

一挑擔推車貧營小販苦身竭力時往時來者不得謂之流民

一遊食僧道寄寺宿卷五七成羣或頂經說法或瞞目圓坐指稱修造化緣動索斗米尺布稍不遂意或含怒結讐或咒詛魘鎮畫借賊名以恐嚇夜入盜夥而劫掠地方第一大害掌印官嚴行各寺觀住持僧道主人查其果有度牒精於經典者報名

到官方准容留外其餘盡數報官給與丁引盡令歸還原籍分給所近寺觀令其焚修果行業不類僧道者勒令還俗如有所在主持不報官而私隱公留者地方失盜所容留者即坐真賊容留者即坐窩主近日上官每嚴查僧道止為禮房惟一番需索耳有司當自留心

一壯年男子或避事離鄉或歇案在逃寄宿寺廟潛住窰場白日行乞黑夜為偷掌印官嚴行房地主家將籍貫姓名報官給與丁引令其還鄉不報者地方失盜乞人即坐真賊房家即坐窩主但此人

必不肯歸甚者解回原籍

一災荒之後各處軍民流移數多傭佃則力不能經營則財不足不歸則養生無賴欲歸則通負相迫流移失所去住兩難者給與丁引令其還鄉照引優處

一狗黨狐朋逐娼會賭妖術邪教惑世誘民或迴避鎮壓或揣骨相面或卜龜緣光及一切黃天無為傳頭化士所至地方即日趕逐甚者綁赴掌印官解回原籍查照發落但有容留者四隣計舉到官一體坐死

一替日跛足老幼孤寡之人無力歸家者房主將姓名貫址報官給與丁引脚力令之還家所在官司應發者發與親族養贍應收者收養濟院存恤務令人人得所

一流民有隔省者有隔府者有隔縣者州縣衙所官查明照後刻格式給與丁引經由州縣驛遞備入引中每人每站給與炒豆半升家口多者照數給足無令沿途乞丐致悞歸程

復業丁引以代路引免致盤詰

督撫山西都察院為資送流民以便復業事查得某人係某省某縣人帶男婦幾名口仰經過某州某縣某驛如遇本人到彼每口給與炒豆半升定限某月某日到家將引投本驛除舊欠差糧錢債俱免追還外有宗族親戚者付與使令存恤如一無所歸責令里老隣佑取結撥與力差一名令其應當須至丁引者

右給付某處某人准此

都察院押

老幼殘疾丁引

督撫山西都察院為存恤窮獨事查得某處某人或年七十以上或年十五以下或兩目全瞽或一肢傷殘難

以回籍仰經過某州某縣某驛某站衙門每人每日給銀二分聽其自買飯食仍與脚力一頭送至前路定限某月某日到家此引至日投原籍有司查有戶族親戚者責令養贍如一無可依收入養濟院一體存恤三年之後幼者另給生理須至丁引者

右給付某處某人准此

都察院押

達行丁引

某州為達行照得本州某里街所養某人年若干歲身長幾尺無鬚微鬚多鬚方面長面瓜子面白色黑色紫紫

色有無麻疤今由某處某處前至某處何項生理家有父某人母某氏妻某氏子某人某人兄弟某人如無丁引或有引而脚色不對者所至店家隣佑或在官各色人等拏赴所在衙門即以奸盜解回原籍查究此引回日繳還原發衙門須至丁引者

右給付某處某人准此

州押印

縣押印

一歸路衙門備細填寫防其所在誑詐也限以日期防其在道滯滯也或曰領引不歸奈何曰既逐流

民便無敢留之家或曰別處容留奈何曰徧逐流民自無止足之地若逃之別省只得聽之耳
一流民還家有地宅者除免舊逋外仍取保人借給穀種無居止者聽給官樹若干以為稼柱里老但有指稱賠補逼要舊日差糧者重責枷號

大明律內一款凡民戶逃往隣境州縣躲避差役者發回

原籍當差親管里長提調官吏故縱及隣境人戶隱蔽在己者各與同罪若里長知而不逐遣及原管官司不移文起取若移文起取而所在官司占
一 不發者各杖六十今後但有逃流之人里老隣佑戶長近門知而不留方去不追久去不尋又不即日報官者除逃差令其包賠外仍責限跟尋其大荒之年有司不能賑濟大家各逃性命者不在
此限

一招撫之行不啻三令五申矣有司既無仁惠以致其來里老利其遺業而惡其來不如各州縣查歸客戶各省直不留逃民雖欲不歸無所於歸矣此法嚴行民不失家差不拖欠墳墓有依盜賊哀止乃實戶口一急務而有司慢不留心也可歎可歎

附山東招撫逃民勸語

說與流移百姓當初年景古荒妻子飢餓死裏逃生沒奈何捨了家園丟了墳墓拋了骨肉十難萬難離鄉趁食不知受了多少奔波投箇主兒暫且安身苟活性命既然住下或留戀地方不肯歸來或欠人錢債不得歸來或缺少盤費不能歸來捱日捱年久久兒婚女嫁牽扯因循甘心做了流民永無歸念想你在家時外甥女婿弟女孫男叫你父母爺娘伯叔姑舅本鄉本土何等氣勢六隣親戚四時八節團頭聚面何等懼喜如今他鄉在外不是作婢為奴就是傭工佃地低頭下氣叫人爺娘恥包羞受人打罵纔敢動氣高聲動說解回原籍做流民的有甚好處你家中丟下房屋任人拆毀地上任人典賣祖宗墳墓到那祭掃時誰燒一張紙錢就是那無嗣孤魂兒女親戚到那思念時流了多少眼淚只恐死不相見況去歲秋收七分今春麥根又好你若願意歸來就少人必須錢財那仗義陰德的好人他也不問你要但入我濟南境內每日每日給炒豆一升你到家時舊日差

程通免追要荒閒地上給你耕牛子種沒處安身給你草木蓋房再與你幾斗穀安養家口便在家裏傭工佃地担擔推車也比流民光華多少切休把兒女賣在外邊去住兩難牽腸掛肚但有好義之人肯將買到流民男女不要原價給伊父母同還鄉里或替人回贖男女得還鄉里者移文彼處州縣官上等旌獎或愛惜流民子女不肯折磨使得成人長大自還鄉里者亦是上等陰德應准大善三次我言不虛百姓思之

弭捕盜賊當與風憲約中盜情十一款憲綱中盜

源十四條做政中辨盜一篇會看

盜非人乎曰人也知為盜之必死乎曰奚而不知知而為盜何也蓋有六流焉饑饉之民苦於飢寒無識之民牽於脅誘游惰之民習於自奉強悍之民敢於為惡賭博之民迫於空乏武藝之民偶求便利益不出此六流矣弭盜有四法焉曰化盜禮義素明鄉約是已曰恤盜生理有資足四民之業是已曰防盜盤詰有術保甲是已弭盜不出此四法矣既化既恤不迫於飢寒不陷於無識矣而猶有盜乎曰有克弊之時尚有寇賊奸究何乃後世是不令之民也如是而殺之吾亦無於心無愧色矣所有弭盜條格有司加意舉行

一 歸復流民則游手無定之人潛身無賴之眾皆不得寄足矣既居則責之房家佃戶則責之地主立僕長以檢押之王家不時而覺察之旦夜瑾其門戶朋從問其往來如保甲法寄住者不得為盜矣本上之民愈貧窮愈豪悍愈朴野愈入鄉約鄉約而得人常訓之以道義常惡之以法律常感之以古今故事而警矇常化之以歌曲有司加意實行留心警惕不時鼓舞常令耳目日新精神日奮不

作虛文必有實效民不知自愛矣或曰貧民悍民朴野之民可入鄉約乎曰鄉約不為良民富民有禮之民設也安分者收之不肖者棄之來者聽其來不來者聽其不來使貧悍朴野之民不在約束朋儕之中不聞法律道義之語何憚而不為何處而不為然則鄉約何為也哉

一 州縣官責令里長排年戶長除有產業有藝習必不為盜之人不須問造其有房無地或房地俱無無生理而受飢寒者若干人某人其才堪以何用某人其才堪以何用某人如何區處使之有家某人如何存恤使之得所各闕處法如無處法者空白其下造一貧民冊送掌印官掌印官召同佐領併其里長排年戶長召集貧民挨里順甲當堂審處某人身材強健氣象雄堪為民壯某人精神機警手足便捷堪為快子某人有力而無才能堪為轎輿夫某人有力而無力量堪為雜差皂隸此四等人多為盜而可防者某人力量俱平常而本分堪為夜巡夫某人力量俱無而本分給與一帖作斗行牙行秤行某人力量俱無而一無可用給與銀三五錢或一兩令其賣

菜果作貨耶紡線織布各色營生以為本錢其銀俱令里排戶長領出就作保人仍責成此三人違令勤苦做活時常料理其賦羅者賒與倉穀碾米無妻者資令里排戶長尋主傭工照限取妻壯而足跛者給與些須本銀亦付里排戶長責令織履編席結綢刻字等藝此五等人必不為盜而可憫者至於孤兒寡婦老翁老媪未可入養濟而存養無人者如果紡線雜作量給與三二錢營生以上所領官銀通記一簿一年之內責令里長陸續還官或曰銀將安出曰余備官銀不得已之計耳上

六則人戶之犯法者即以本里富犯董罰粟十數石銀三五兩即給本里貧民物不入己何避貧名物不過多難云科罰何必中呈上司動支官銀哉夫人有所藉手則易為生既易為生則知自愛且出入市井衙門自有體面多見禮法可息其邪橫之心矣

一流民既去貧民有業盜賊之種清其過半矣惟是游食積惰賭博棍徒黨惡少年習藝壯丁鄉村棍棍棍棍放火偷畜諸等既非貧民可恤又非流民可歸此等之人不必盡為劫掠而劫掠者必此人

也風憲約中不有所謂案牘冊冊送州縣衙門朔望點查問其何生理加意督責外所在鄉約保甲盡數收入如往來面生者便問此是何親米有何幹如夜不在家者便問前往誰家所幹何事虛出寬歸者便問所攜何物得之何人至於田木非其所種雞犬非其所畜但有可疑便加盤問不敢盤問容告保正人等拘拿送官

一賊之動靜唯夥賊能知之當懸重賞云夥賊能拿夥賊或暗首夥賊者除免本身死罪外仍照捕盜降格加倍重賞仍准給馬快手一名以便拿賊能殺夥賊一名者與拿賊同賞首賊之後不好仍舊做賊但將打劫何家約於何夜先報官知既使夥賊不疑又便預備擒拿此法果行不惟盜賊易擒而賊夥亦自相疑畏

一番快無不知賊者但利於賊之供給且代賊過賊於捕官是賊者巡捕員役之外戶也員役者分賊寄贓之人也大盜安肯發覺止將犯竊小賊逼拷認劫或先透消息令之脫逃今只嚴逼積年者快令之供報賊家不則加以重刑大盜聞之自然逃遁不然密誘番快許以重賞令其報賊或令其與

賊通言暗伏兵壯擒之倘彼不輸心於我凡地方
失事二面將番快家屬送監一面嚴逼捕盜十日
一比但有舊竊及警人抵盜者無論詐財與否盡
法重刑有被究而死者徑坐抵賞

一四鄰及十里之內無不知某人是竊某人是強某
人是窩然而不敢擒不敢報者不擒不報罪不及
身而擒報不成死亡立至州縣官下令行連坐之
法曰凡竊盜強盜富主四隣及本甲務要擒拏到
官不敢擒拏者務要密揭報官倘徇情畏惡不擒
不報者本盜發覺四隣徑以分贓窩同問死罪
如果嚴示信行則四鄰不敢隱盜四鄰不敢隱盜
則盜視四隣即巡捕快手訪事官人也盜必忘之
不敢橫行矣

一牙行當舖買贓之人無不知賊者有六各府州縣
皆有當舖本物當於本處之人而識情熟既不肯
少勒價錢又不敢違期擅賣今本處不當而當於
別州外縣必定是賊一也貧者當物出於無奈定
是再三講價去又轉來不肯賤當今三言兩句價
不多爭此定是賊二也良民當物步安色定久坐
徐談若色遠語忙左盼右顧心不在事神不著色

必定是賊三也凡當物必要約帖必同中人今一
字不討一去不來必定是賊四也做賊多是貧民
貧自是貧民相今攝許多首飾段帛衣服當主買
主便問此物何店所買每尺價值若干某裁所作
某人所穿因何典當彼自口急語蹇必定是賊五
也至於賣衣於大市買主自疑鋪金銀首飾於鋪
家銀匠自知賣馬牛於別市牙行自覺此三種人
皆能識賊拏賊而利於物賤不肯發覺是盜以鋪
為窩家鋪以盜為供戶明知是贓且國物賤今後
起盜贓物凡當舖買主牙行俱以知情分贓從重

問罪

一羣盜結聚之時拒捕動兵一時擒捉真難為力但
其聚也有時其散也有歸畢竟跟尋歸在何處假
使獨住深山即勇不過十夫之力耳擒捉甚易即
使一村皆盜調州衛兵壯出其不意圍其宅而復
其巢亦不稱難惟是窩家起止據險操戈攻擊頗
難然窩家無十日潛住之理事須從容自有長計
若費勇輕敵傷人必多盜一奔潰不可踪跡何益
之有保甲人等如有向前殺賊自傷性命者即動
本院紙贖給棺木銀十兩送一牌扁大書義烈某

人之門有子者永免丁差一人家貧而婦人甘寡者照孤老事例加一斗每月給穀六斗冬布二尺淨綿四斤徑送其家如此者終身

二賊之言語動靜面色手段自是不同或帶弓刀靴馬或泥沙看財或衣服備便在軍家快壯雖有此粧而色態不同用度自別店主一面供奉醉酒或招聲妓一面密報保甲便加盤拏至於傷優之家盜賊巢穴雖富家子弟舉動亦自豪奢而盜賊粗鄙家數亦自不同且多驚易疑難掩人目倘樂工早透消息即便拏獲者店家娼家比應捕人員加等重賞但恐酒飯之家不惹鬧事娼優之性利於多財不肯發覺耳事發審在某娼家使錢某店家住歇一體拏來從重究治各衙門審賊俱要牽累以示創懲不可以供明釋放如此則惟株連者自然不敢留賊而賊又生一顧忌矣

修理橋道守路附

為修橋路以便行人事照得江梁王政所先修理律法所載乃情慢有司全不照管合行通示仰州縣衛所等衙門一體遵照施行

一高山峻嶺雖險商民終日往來倘係大塊頑石昔人尚有鑿法乃今或上石相雜可以搬移或純土高崖可以寬削雨溜冰滑行人最苦此獨不可如意乎合調驛內徒夫令其帶餘興作或民壯弓兵間暇之日令其輪班在役委能幹官員督率石匠相度寬窄形勢難易工程險者使夷狹者使寬此千百年之古道千萬人之往來雖一日做工三五尺計歲計月成功必多況極險極狹之處亦不甚多奈何過時驚世過去遂忘任商旅艱難愁歎而不為之所哉

一大道成溝秋潦積滯或遠三五里或深一二尺車馬既不能行只得路傍踏踐民田便於行走地家苦其壞田也數步攔一橫墻行人苦其見攔也墻外又踏大路夫挑溝築墻地家豈不勞且費哉上無倡率之令下無齊心之民不得不如此耳有司於農務既畢之時責令臨路居民順路挑為塹坑

取土既整古路路既可行民田自免踏踐旁有濠塹嚮馬不便馳驅此易易者何憚而不為

一山溪暴漲橫路黃流社止湍急真難措手至於冬月水寒難涉水淺易功狹者可以為木橋潤者可以為草橋或聚石塊覆以土薪或纜小舟加以板

葉自十月一日搭架三月十五日拆收主辦之人免其雜役有舍施者重行旌獎亦便民之急務也人家宅舍尚修通水溝渠城市街房可無蓄漫處所掌印官每於正二月間沿門逐戶令理官溝或掘陰溝於中路棚以磚石或挑陽溝於兩邊順其

高下有一處阻碍而不通者責其房主十倍罰工大市當街每為大汪深淖沒膝陷輪掌印官日日徑行全不張目啟口大可為笑如此窪下之處必察水所從來平以繩尺令其墊削務令地勢均平水皆歸於兩溝河窪聚之有且以各修各自門前既非難事而各便各人行路豈為厲民目前固猶惰慢如此而謂之明作廟精吾不信也

一道路有二有官道有古道官道天下經行古道民間共便此可修而不可塞者至於本有官道也惡委曲而開捷徑本有驛路也厭回遠而取近途在

田家以納糧當差之地為人踏毀雖苦而不能禁往來在僻路以無夫缺馬之途官府經臨雖苦而不敢不迎送如此等路責令本地主人本管州縣官嚴行禁止違者行人拿送有司重行懲治枷號路頭其不經驛遞途程徑稍僻處州縣者所在官司夫馬下程廩給口糧不准應付違者以罷軟論

一通行官路每五里一墩每一墩十人各執槍刀鐵鼓防護過往官民截擊嚮馬盜賊豈非不可罷之役哉但街途孔道常驅五六百人於路旁水火無資飲食不便歇宿無所冬月更難各州縣或僉隣路十里居民或輪各里十甲百姓親來者既妨農務雇覓者又費民財且以老吏童男支吾日月既無益於守望祇足以資寇兵已經通行州縣曉諭在鄉居民先令守墩人夫每人每日托塚二十箇十箇月內一墩可得塚六萬或官道林木或罪人罰納可得塚柱若干先令看堡人役遞送公文一年扣除舖兵工食可得若干以買磚瓦木石掌印官親查道路不必泥舊墩臺除集店村落之在大道者即坐墩兵十名省復修蓋外其餘酌量兩集店之間共若干里可修幾舖大約五里十家為一

舖如果因水因山就村就地各從其便者大段近不過四里遠不過六里就於道邊作十字之室每家前房三間以便生藝後房三間以便居息官寬匠作給以米食二年之內舖舍已成次第召募貧壯之人授以官房改舖兵之工食而分給焉每十家要識字一人以便記號其餘輸送公文總名之曰舖兵官給槍刀如數外給大銃三杆如道間偶有盜賊以放銃為號前後舖兵盡出截趕拔棲身有所既無居食之憂去此安之自有妻子之戀待三五年後力量有餘每家再給護宅菜地五畝多者十畝益所以堅久住之心壯嚴防之氣而道路賴以靜甯矣或曰未嘗勞民彼接官則來官過即去向有一人守墩哉曰信如是則道旁之舍尤不可以不作固難望於人人而賢守令所當嘗試者也

一 民間善人及積福僧道有能捐貲化緣修橋補路是佐有司為政者也掌印官訪知即以花紅旌賞施五十金以上者中報本院另行優處

解送軍囚

監倉驛遊囚犯欲政既詳之矣夫死罪赦所不原而道戍下死一等其人皆充悍其志在脫逃即使力相敵心同切者為鬪防彼可以格鬪可以劫奪倘毆人至斃也死罪無以加毆人折傷也軍罪無以加解者每用辱罵之夫或有轉雇之人心不警惕械不堅牢及至虎兇出押止將解人坐賊擬抵豈不簡便如此心何將解者與所解者俱逃又將誰坐也款言其畧有司詳之

一人命強盜遠路解審或有親人計脫或有影盜強劫一經失手追捉便難此等罪囚久當處決幸生

一日天網已寬發解之日先將髻腿加刑令其艱於奔走若恐在道行違甯可早發數日

一律唯死刑帶扭而徒罪以上即著帶錄蓋人之奔走在足一錄其足雖實育不能自斷非鐵匠不能為斷如是即十賊一解可無憂矣宋孫觀上失獄疏謂有髡首之重囚無散足之徒配今犯重罪者發解之時往往濶步逸足不謹之罪有司豈能辭耶

一 解處法囚犯人數衆多所在州縣衛所差人護送日暮止宿所在收監如監不使者責令所在地方

官吏尋覓嚴密處所仍令街民夜間防範庶無疎虞

一因飯資令本因攢銀買造務在齊止齊行其飯止用粟米不與酒肉麩食

一因經過家門亦不許入但令親族就省如饒酒肉亦不必禁余昔為令雲中因犯董鴻儒以勸人不從因而毆死蓋士人子也其父與伯父死俱無嗣止有鴻儒且始娶無兒及期其母泣曰夫將歸上乞假鴻儒使盡一日子道願以其舅為質余憐而許之不敢釋三木余曰執喪明死者之有子也

若然不如無往加扭錄悉與脫之但用四壯監押巡道聞之驚曰是人豈可信耶是豈有司所得專耶萬一疎虞何辭以解余悔之業有成言不可食也鴻儒主喪送墓謝客凡七日其母仍送還幸無事余所許者不忍之心巡道所驚者老成之慮彼凶狡人也慢恤可矣若鴻儒事非法之常余誠過哉

一五年一

欽恤主於求生獄中囚犯盡數解審悉聽懇乞猶非得已至於按院審錄主於理枉申冤非為死中求活當

通行州縣有司親提獄囚當面審問有冤無冤欲辯不辯如果因不稱冤造冊申文徑詳按院云除某人某人自謂不冤免行解審外惟有某人以某事冤某人以某事冤擬合解審今特應辯審語備載冊中云云如此則按院省無益之目力一也苦主干証無長途之費累二也解夫省脫逃代死之罪三也官省造冊護送之錢糧四也所在省寄監之無處五也或曰審錄有村費似不可已嗟夫以法不待時之人寬一年之死即多加箠杖以洩死者之幽憤法所宜然向見霍思齋龐惺巷巡按河南重囚常是八十而今也純尚陰德矣余見二三直指凌遲之罪僅打二十級斬者十板十五板耳且委官外責聽其寬嚴不如不解囚犯徑批該州縣官重加責治不省往來數百里解繫之勞費乎節財省事之君子可以思矣

一 大奸巨惡犯該充軍有邊遠有煙瘴犯人不足惜矣唯是長解兩名先僉宗族宗族無人則僉里甲無妻代為取妻無盤費代處盤費至於長解往來遠者常費數十金收管變回光犯隨至再被清勾告發依然又解一番是死犯不死而解吏往往累

死充犯因貧而里種亦累以貧甚者充犯逃脫長解即為代戍此愆大惡乎庶無罪乎民間之恨此為最深昔有一人百種貧甚問發充軍累死長解其軍著伍即回及至再發死者之子為解中途又逃解者既懷又恨又見復逃追回毆傷因而致死問官遂擬抵償是父子二人死於一軍也豈不悲哉蓋充軍多強悍之惡人而解夫無闕防之慣習甚者里族無人者弱充數著伍足矣而清軍道猶以收管過期問罪哀哉今後發解軍徒改擬快手民壯同後貼錢本犯項帶三共小夾以鐵錮之上造充軍某人字樣彼自却不能即逃易識收伍之後聽其開釋快壯健卒又精防範且係官役自當聽差盤費不足甯令里族量為津貼官定數目是快壯雖稱苦差較之里族似便有司議行

一充軍及清勾軍犯到伍之日該管衛所官員刁索錢財經月不與收管今後投文三日不收犯人不得與收管者長解於所在上司聲冤告狀依法重究若不如此累擯違人

一軍犯著伍自有百戶總旗管隊貼隊營房聯絡人居棘寨即便搗妻私逃豈得掩人不見見而速追

豈得便無行踪其逃之故蓋有三焉一則本管既不存恤又如凌虛勢難自存二則本管收財名准給飯討取衣鞋其實相約歲有供給三則總舊懷歸避差畏苦此三逃者官居二馬乃因供給不至便請部單清勾及至騷擾原籍又稱頃已回伍彼冒月糧以養身家安用此軍為哉催供給耳是清軍臺司道府州縣止催武弁供給之財又甚紛紛郡邑之擾今後衛所勾到新軍若一年之內求索財物因而逼累在逃准照例指揮拾名千戶鎮撫六名以上百戶四名以上各問罪降一級每十名六名四名各照數遞降若受財賣放賊至滿貫者立功滿日調衛差操如此庶小民安生貪官知戒

一近日軍差累苦軍籍埋沒誠亦有之然有絕戶之民豈無絕戶之軍哉其缺伍三十年以上五經清勾者取其里隣保結即與照例除豁但有埋沒者許諸人許告即將本犯與作孽之人名下連銀十兩充賞

禁諭樂戶

為禁約事今將樂戶應禁事宜開列于後

一樂戶與民分良賤難以入約但無為首之人私下

其誰鈴制九州縣有籍樂人亦選有身家公正輩

樂推推者二人為樂首將樂州縣樂戶造一簿籍

有司用印給發聽其管理不服者呈治如有因而

詐財者許被害告發坐贓問罪

一但有流來水戶在於地方惑誘良家者許樂首稟

官趕逐出境如有通同店主詐財俱惡朦朧不報

者一體究罪

一各樂戶家但有容留大戶及賭博光棍面生可疑

之人者許樂首挨查稟官違者事發一例同罪

一祈報祭賽敬事鬼神祭奠喪門哀痛死者俱不許

招集娼優淫言褻語以亂大禮違者招家與應招

之人一體重治

一樂戶但有與老戶良民互罵同毆者加倍問罪情

重者枷號

一娼婦不許與良家一樣粧束及穿織金粧花補衣

戴金珠翡翠首飾違者盡送入官變價充孤老布

花之用

一娼婦所入之家必有夫婦之禍今後娼家婦女但

有在於良民之家經宿住留及包占者除將容留

者陞戶二則罰銀三十石輸邊外娼婦重加拶打

樂首不舉者重責枷號問罪其以禮聘娶從良者

聽從其便不許一禁攀援

一樂戶買良及勾引良家婦女暗行淫邪除依律問

罪外仍加責枷號

一原籍良民夫婦不才甘心賣姦度日者辱祖羞親

最為無恥見官樂戶叩頭傍坐訶罵不許還口以

示激改之意凡犯到官比官樂加倍重處

一樂工之家擅用銅鑼鼓鑼器送字號軸帳及用圍

裙坐褥者枷號重責

一樂工有地者既納糧差又

朝賀祭祀接官一歲在官不減一月原無工食丁銀免

出蓋下三則人戶力差銀差二者無並出之法也

鄉甲約卷之一

欽差提督鴈門等關兼巡撫山西地方都察院右僉都御史呂 為申明鄉約保甲以善風俗以防奸盜事照

得成周立教監於夏商士有序序學塾以樂其羣民有比閭族黨以箚其渙故百井結為一體十民聯屬成家觀俗於鄉則里仁為美化行於下則比屋可封未有人各任情家自為俗而能成遷善遠罪之治者也自教衰民散之後惟鄉約保甲最良雖化民成俗之意未及方人而執取齊物之方寔仍前代茲二法者

崇朝之所申明

廟堂之所建白不曾再三矣乃有司視為常套談者反屑閭巷苦其騷煩聞之疾首非法之不良民之難令則行法者為法之病也約束不擇善良編派委之里耆時逢朔望聚者豈無千人待至未申講者不聞一語混雜而來饑疲而散

聖諭昭揭遵違誰復知聞粉壁分明奸宄全不覺察即犯者盈庭罪人滿獄吾唯有三尺之法在輕則杖笞重則絞斬如此而已矣不知先王以刑弼教非以刑為教也嗟夫道之以政而後齊之以刑猶為未務矧一

言不教而惟五刑是加豈

朝廷設官之本意哉積習既久振舉實難若嚴法之餘但以教化風俗為首則守令之政自以鄉約保甲為先鄉約實行自無奸宄猶有奸宄是鄉約之法未行也保甲實行自無盜賊猶有盜賊是保甲之法未行也二者不行即有便捷之才清隆之節簿書詞訟催科之能不免為俗吏何者謂其所急者本而教養之政不修也寓教養於鄉約保甲之中則詞訟自息差糧自完簿書不期省而自省矣但勸善懲惡法本相因而鄉約保甲原非兩事本院捧讀

高皇帝教民榜文及近日應行事例謂鄉約之所約者此

民保甲之所保者亦此民但約主勸善以化導為先保主懲惡以究詰為重議將鄉約保甲總一條編除寄住流民各聽房主地主約束容留者查其米厯出入者問其緣由但有強盜竊盜生發即將房主地主並治外其餘本縣及寄庄人民在城在鎮以百家為率孤庄村落以一里為率各立約正一人約副一人選公道正直者充之以統一約之人約講一人約史一人選善書能勸者充之以辦一約之事十家內選九家所推者一人為甲長每一家又以前後左右所

居者為四鄰一人有過四鄰勸化不從則告於甲長轉告於約正書之紀惡簿一人有善四隣查訪的實則告於甲長轉告於約正書之紀善簿其輕事小事許本約和處以息訟端大善大惡仍稟終開官以憑獎戒如惡有顯跡四隣知而不報者甲長舉之罪坐四隣四隣舉之而甲長不報者罪坐甲長甲長舉之而約正副不書掌印官別有見聞者罪坐約正副如此嚴行則一人罪犯九十九家之責也九十九家耳目一人善惡之鏡也平居無事則互相丁寧一有過惡則彼此詰責白蓮妖術奸兇民何所容其身出境為賊在家富盜何所遁其迹地方安得不輯甯百姓安得不寡過刑消政簡之效可以漸臻知禮畏義之風可以日長此目前第一急務也為此將已試者與二三者司一講求之倘以怠忽之心應督責之命選擇不得其人激勸不由其道則期會祇增煩擾約束反濟奸雄非法之無良實爾有司惰慢之罪也本院覲然撫臨於上豈能昧是非之公以相曲庇哉

鄉甲約卷之二

鄉甲至要

一鄉約原為勸民保甲原為安民行之而善則民樂於行之擾民不惟無益而又害之如約長係長下許用無身家棍徒使挾街外需索一不擾約保不許出一里之內人不許拘數惟令一處住居者行之則近便易行二不擾不許令鄉保長等打卯接官及派應夫役三不擾掌印官自己抽查不許委佐貳首領及快壯查點巡邏四不擾鄉甲中有事係賊盜人命方許呈報如關毆小事等項聽民自便不許呈報五不擾去此五擾而後良法不失美意民自樂行矣此最喫緊故首列之行者幸留意焉

鄉甲事宜

會規

凡一約之人或寺廟或公館或大家廳房可容百人處

所上面立

聖諭木牌一面傍設約正約副講約史四坐將約眾分左右二班如所在寬廠作板凳數條約眾論齒序生亦可每月初二十六日一竿時候取齊擊鼓三聲約中擇少年讀書者四人為約贊唱排班班齊鞠躬拜興拜興拜興拜興拜興三叩頭平身分班對揖平身唱正副講史就坐唱甲長出班言事十甲長出向牌

跪舉日本某甲某人某日行某善某人見證舉畢分立于班前為善與證人出向牌跪約正副問明約史即照口詞記于善簿舉為善者叩四頭起十甲長復出此向跪舉日本某甲某人某日為某惡事某人見證舉畢分立于班前為惡與證人出向牌跪約正副問明約史即照口詞記於惡簿為惡者叩四頭起約正副先將本甲善惡事勸戒一番約史講又將本甲善惡事勸戒一番舉約講講勸善一條誅律演一條舉畫左右二扇卵簿畢其有事不到者甲中代之給假卵簿寫一假字但不許連給三假至日應舉善惡者亦

不許給假舉總掛

聖諭而退仍將格葉未完事件叮嚀申或下會定完如約

正副講史一人有事不到三人代之行事

一每百家選約正一人約副一人俱以正直公道能管

東處斷者為之約史一人約講一人俱以正直識字

能勸善戒惡者為之如百家之內無此四人二百家

有此八人選相管束亦可或八人總管二百家亦可

或不足二百家或二百家有零者在州縣正官各隨

地方街巷村落遠近編派難以拘泥但不許越管違

制不便按查其同居父子兄弟只報一名在約分居

者人人在約如有樂善之人父子兄弟情願俱入鄉

約者聽從其便

一選約正約副講約史須百家箇箇情願者選甲長

須九家箇箇推服及常不出外者如扶同濫舉非人

許不願者舉出但令人難得或舊過而改新或善多

而過少或口毒而心善者情願從今學好不好准收

一甲長不服人許九家同稟於約正副如果不稱九家

另舉一人更之不許輪流舉當約正副不服人許九

十八家同稟於官如果不稱眾入另舉一人更之不

許一人私告中間如有以曲為直將善作惡向親識

受買囑報私讐欺貧賤大傷公論者亦許同約公報到官小者本約除名紀惡於申明亭大者比眾加倍究處如無大過及三五人私怨者不許輕更約正副致有投充推諉以生奸弊

一州縣正官先將各約為善為惡之人密細訪察要見某約某人某日為某善事某約某人某日為某惡事却將各約善惡兩簿及作善作惡之人抽查或隨便親到本約呼喚審問如果善惡是真而本約不曾書寫者除當面獎戒外約正副講史各重責紀過甲長四隣隱匿不報者與作惡之人一體重究

一旌善申明亭

國初設老人二名以佐州縣之政但老人名色近皆歸於里甲催科及僕隸頂當朝捶募楚人皆恥為今選蔡州縣殷實有德二人另名公正總理城中鄉約四鄉再選公正八人分理各鄉鄉約各約正副講史不公不法聽其糾舉應更換者聽其保舉各給帖文印予以便行事先給與耆老衣冠如果正直無私督約有功者三年給與冠帶

一約正副舉行鄉約一年之外許戴耆老幅巾青直身博帶見州縣行兩跪一揖禮州縣起立答揖見本院

亦許兩跪一揖本院起立拱手本一平民一旦如此優待為約正副者可不勉勵奮發勸善懲惡表正風俗以仰體上官之心乎

一約中一年無人違犯條款格葉者約正旌善亭紀善一次二年無犯者約副亦於旌善亭紀善一次三年無犯者約正副二人先以花紅厄酒賞送於公堂約講史各紀善於旌善亭一次六年無過者約正副講史各送扁一面本約九年不違犯條款格葉者同約保舉約正給與冠帶約副免本身差役仍與約講史俱給約正衣冠以禮相待十二年約中不違犯條款

格葉者約正副各送牌扁書本院姓名待年至七十仍從各約通舉准入鄉飲酒席其約正年近七十不能持九年者掌印官每年考其勤惰公私等第但肯實心任事三考各約第一者三年亦准冠帶

一約正副講史止為管教一約之人不許接送官員及州縣一切差委接遞聽事朔望升堂及不干本約事情無故騷擾拘喚無罪輕加凌辱以傷優禮良民之體違者掌印官即係昏庸不肖壞亂鄉約雖有他長亦行戒飭

一約正副講史除正項親朋禮節往來外如有處分本

約事情因而受人隻雞杯酒斗殺分銀者即係不立行恥無恥之人被本約許出枷號遊迎仍犯惡甲明亭鄉邦不與為禮

一除給紳舉監生員不須編入鄉約外其致仕開任州縣佐貳首領及省祭散官衣巾生員但有德望眾推為約正副者州縣官以見任鄉官在學生員禮貌一體優待與各約正副另班行禮

一鄉約呈報善惡及條陳利害者不分是何衙門俱用連七粗紙手本封袋縫上寫某州縣某字約約正副某人某人封若係稟約公報則寫某州縣某字約約

正某人等同封不許用細紙以生科派之端

一大奸大惡久慣行兇報惡犯惡動輒與人為誓者許同約百家連名指實用手本封固差約中一人密稟

州縣掌印正官差的當兵快當時鎖拏扭解本院

一鄉約之中不怕豪強棍惡只怕浮薄少年此等浮薄之子或係大家貴族倚托門第錢財將欲不編入約此人置之何地將欲編之約內彼傲氣雄心輕口薄舌無拘拘鄉黨之謙懷卑卑貧賤之意甲中不敢舉過約中不敢犯惡或造言捏事或構惡生誓其明理父兄當思共守

聖諭科條替伊教誨子弟不該短不尤人不明理者或到

約中發怒令長少難堪或向州縣遞呈托守令處置彼庸懦有司那分皂白約中一夥平民何苦與人鬧氣從此而一約壞矣一約壞而各約皆壞矣以後約中少年務要依心下氣一遵條款格葉不許分毫做慢掌印官時時另行體察但有擾混一約不成者另申本院施行如有徇私誣善以傷眾心者訪知以罷款論

一約中除樂戶家奴及傭工佃戶各屬房主地主接查管束不許收入鄉甲外其餘不分區作裁縫廚役皂

隸快手門禁馬夫但保本縣老戶人家或客商經年久住情願入約者俱許編入鄉甲以鄉黨輩數蓋序不許作踐

一各州縣做監牌十面長二尺寬八寸凡不養父母時常忤逆者牌書不孝某人骨肉無恩尊長無禮夫妻無情父子生分牌書不義某人偷雞摸狗拔樹招殺係本縣老戶人民者牌書做賊某人賭博鬧場等眾牌書賭博某人遊手幫閑牌書光棍某人生事毆人牌書兇徒某人詭隱地糧教唆詞訟陰險害人貪婪利記牌書奸民某人口無實言行無實事搬弄是非

妄傳誣告牌書詐偽某人誑騙財物勾引婦人及一切幹革不顧行止體面人所共惡者牌書無恥某人姦蕩破家牌書欺于某人各用大字釘於本犯門左每會跪約聽講街民不與往來

兩院訪拏即將此人舉報待十分悔悟本約連名出達坐甘結保其省改者方許去其門牌

一鄉約有犯除徒流以上自有應得罪名外其餘犯惡呈報訪知等事不係告發者只是朴責重者枷號不許開罪

一各約紀善紀惡紀和紀改四簿有司終日查考假如

一百二十約每日照依約號次序初一日某字號等

四約講史送簿來看掌印官細查善有可賞者批獎

三二句惡有當懲者批戒三二句其和處不當者即

與更正罪惡大而和不足以盡法貧者拘來責治不

貧者罰數多不過五石少不下一石註於簿上責令

甲長催完不決查簿即於罰數項下註某月日納訖

其數即貯本會飯實之家以備本約社師束脩及孤

老殘疾賑濟或本約不得已公用俱約正呈知掌印

官方准動支不許有司將數入倉違者以科罰坐罪

其批查約簿俱以紅筆大約每日查數本一月查一

週其大善大惡登記州縣善惡和改簿上以備申呈上司大加獎賞閭施行

一凡講約之日遇大雨雪改於次日不向甲長給假而不到者紀過一次無假三次不到約者稟官

一麥忙放通假兩會秋忙放通假兩會其間或疾病或家中疾病或公事或忙事或遠行給單假者俱許准

理其疾病及遠行之人過三假後再給不許每會點卯不到罰數致誤窮漢生理違者罪坐正副講史

一每約百家選保正一人百五十家量加選保正副各一人鄉甲之內屬本縣者聽其換查出入鄉甲之外

屬房主地主者聽其訪問但有為盜竊盜聽其舉報

到官但有失盜聽其率領各甲救護其甲中人等除

六十歲以上十八歲以下免其救護外其餘壯丁十

月後收秋已畢三月前農工未動各家所備鎗刀弓

箭短棍繩鞭等器一百家或二百家內共覓教士一

人令其習學武藝一年覓一人習一藝不及五年而

各藝皆熟矣又以本甲教本甲不及五年而各人皆

熟矣一甲共置鐘一面保正副各置銃三杆遇有盜

賊打劫甲中鳴鐘保中放銃一擁救護但於盜所生

獲或札死強賊一名者州縣官花紅鼓樂迎至公堂

銀杯逸酒三杯當時賣銀十兩仍給帖一張免其本身差役如果賊見救護人多要殺失主解圍失主見賊要殺罵人不許救護保甲人等一味上前捉賊不許因而解散蓋盜賊殺人與救護者無干盜賊走脫則救護者何用況賊見失主罵人而救護者不散彼何學於失主而殺之哉

一保正副須選家道殷實力量強壯行止服人者為之如有優占即令其子男弟姪為之不許掌印官聽囑徇情巡捕官交賄賣放却為無德貪稅頂充蓋盜賊打劫不尋窮漢而棍徒保正豈能率人借保甲之法

率百人之眾代富勢者看守家財何負於彼而推托以圖苟免哉是法也有司必不遵行但過地方失事賊盜脫逃者掌印巡捕官即註劣考

一鄉甲之約良民分理于下有司總理于上提綱挈領政教易行日考月稽奸弊自革若掌印官視為虛文如醉如夢則約正副以為奇貨通賄通情是良法反為弊政鄉約保甲果弊政乎何不將周官法度一讀也故得十良民不如得一賢守令嗚呼吾輩讀聖賢書受民社寄終日抗塵走俗身教既不倡先言教又不修舉上員

朝廷下慚士庶子夜深思甯不汗背本院自愧庸劣願與諸君子共勉之

鄉甲會圖



凡處斷本約事情將和事牌移置

聖諭前約正副先在牌前焚香誓曰處事不公身家被禍
 叩四頭起于證同有事人向牌前誓曰舉事不公身
 家被禍從公實說託叩四頭起約正副問有事人明
 白心服辭酌主法天理人情與講史商量處斷斷託
 約史向牌前誓曰紀事不公身家被禍叩四頭起即
 紀其事於和簿惡簿有不服者聽其告官約中具由
 以備查取其舉善紀善人等俱一體誓神以歷嫉妬
 之口

聖

- 一 孝 蘇州 字號第 甲 係 籍 戶
- 一 長上 尊敬鄉里 和睦放債 違禁
- 一 子 孫 教訓

論

- 一 地 頃 畝 分差糧一完 完 完 完
- 一 生理 勤 惰用度 儉 奢
- 一 救命會 積錢 十 百 十 丈量貧富為多寡
- 一 積菜 百 十 斤 積糞 十 車
- 一 養牛 隻 驢 頭 猪 口 羊 隻 雞 十 隻
- 一 栽桑 百 十 株 菓 百 十 株 榆 百

格

- 一 取繭絲 十 斤 兩 絨花 十 斤 兩
- 一 衣食 足 身無破絮家無糟糠
- 一 荒閑地上 畝 分 種菜 畝 分

葉

- 一 賭博 宿娼 酗酒 詐財
- 一 聚眾行兇 白蓮隨會
- 一 容留姦盜生人 行使大秤小斗
- 一 被人告 次 司告人 次 唆證人 次

填格葉法

第一格填某縣某字約第幾甲係約正副講史則填約

正約副約講約史係甲長則填甲長係甲眾則填甲

眾某人係軍民匠窳籍或上上或中中或下下戶

第二格父在母不在母下填一不字母在父不在父下

填一不字俱在父母下填一俱字俱不在父母下寫

一不在

第四格填子某人某人孫某人某人

或時常款到
或通不款到

第五格填地幾頃幾十幾畝一限完填一字二限完填

二字三四限俱同

第六格填庄農生理或賣酒生理或僱工生理各照生

理填寫

以上俱於領格葉之日約講史審明填寫其錢糧

四限完一限填一限

一十二月十六日約正率十甲長焚香誓神曰凡我會

人審填格葉遵行者不許誣枉違犯者不許回護如

有不公不實神鬼鑒察身家被禍叩頭起約正先

喚第一甲長到

聖諭前填第二格約史問某人事奉父母衣食有無缺少

如缺則於衣食下填一常字不缺則填一不字茶掃

缺填一常字不缺填一不字

第三格尊敬長上填一長字不尊敬填一不字鄉里和

睦填一常字不和睦填一不字款債違禁填一常字

不違禁填一不字

第四格子孫教訓填一常字不教訓填一不字

第六格或常勤不惰或常惰不勤或好奢不儉或好儉

不奢各照格填

第七格填錢數各照多寡實書

第八格填積菜積糞數

第九格填牛驢猪羊雞隻數

第十格十一格填栽樹數

第十二格填絲綿數俱分毫不許增減

第十三格衣食四項填不缺衣食者填亦足次貧填畧

足貧填不足身無之上填未至二字極貧填不足身

無之上填見今二字

第十四格荒地種菜照數填

第十五十六十七格犯者填時常字不犯者填不款字

第十八格被告三款照次數填填畢至十二月二十日

以後約正將格葉兩單釘送掌印官處查遵違全遵

無違者紀大善一次全違無違者紀大惡一次仍行

貴治半違半違者量輕重酌處仍將舊格葉收庫照
款發新格葉於各約其格葉一年一發鄉約三年一
發紙張工墨之費許於正項公用錢糧開銷若正副
講史甲長填格葉不公不實者訪出各重責加號其
約史甲長格葉四隣報填正副講格葉十甲長報填
俱不許扶同妄報一字

編鄉甲字號

李弟忠信禮義廉恥正真公平惟愛忻喜忍耐讓恭溫和
柔美畏天守法懷德循理知止存心省身克己知仁宣哲
睦鄰任恤富貴康甯昌盛豐足進修講習敬謹純篤操持
有常十積百祿勸君學好希聖為賢端方清靜實行真言
淑慎莊潔福壽延綿吉祥如意飽煖安然

續編鄉甲字號

人鍾五秀靈於萬物慧悟聰明剛毅樸訥六府三事水火
金木復性原是正性子利用厚生土穀陰陽寒暑日月星辰昭晰
宇宙鑒視嚴森春冰惕勵戒懼臨深一鄉善士鸞鳳麒麟
官賞民頌此感彼欽凡茲黎庶細聽吾說望汝遵依致我
樂悅思則雨露成是霜雪路只兩條從爾審擇

右一約分占一字如約多而字號少者再領

鄉甲約卷之三

一和處事情以息爭訟事人生天地間誰沒箇良心各
人學出良心來少人的就還人惱著人就陪話自家
得罪於人自家就認不是這等有甚麼爭競只為那
奸狡的利己損人強梁的欺大壓小昧心的枉口刁
舌或自如理虧先遞攔頭假狀或買求硬證專告無
影虛詞到那衙門時史書皂隸使了多少錢橫板鎖
枷受了多少氣有年沒月悞了多少營生往來酒飯
使了多少盤纏父母妻子耽了多少憂愁一入衙門
身體不屬自家田宅不能自保俗語云原告被告四
六使鈔又云官府不明沒理的也贏你自尋思告狀
那有一件好處且如鄉隣有事你知我見哄瞞過了
誰如有不平到那鄉約中口稟一番約正副差本甲
人喚來一問如係兩約請兩處約正在一處同問誰
是誰非眼同證見一一問明差那證見押著那理屈
的替那理直的送些禮物上門陪話約史仍將所問
事情來歷始末一一記于和簿如事情稍重及不服
處斷者不問告何衙門約正副分別是補呈于一
張遞于問官以憑從公究處仍將理屈者紀惡如本
約處分不公約正副坐罪如處分極公而証任約正

副者分外加責這等和處既不失鄉親體而又省了
多少錢財免了多少凌辱何等便宜各約百姓切記
吾言須至和簿者

計開

應和條件

一 婚姻不明審問原媒某女定與某男受何定禮量其
貧富除富貴人家外其餘下三則人家多不過十兩
少不過三兩主令成婚若嫌貧棄婿將女別嫁者本
約審明待告狀之日一同呈報

一 地土不明查審文契中人應退回者退回應找子粒

者找子粒應補差糧者補差糧箋明主令改正若係
欺隱詭寄不肯首正者待告狀之日本約一同呈報

一 罵詈鬪毆主令理屈之人置辦禮物與理直者陪話

若有傷者審明記日待告狀之日一同呈報

一 牲畜食踐田禾照數賠償如打死人牲畜者照價賠
償

一 放債三年以上本利交還不與者處追借人財不還
及毀壞者主令賠補

一 錢到取贖房地力不能回者果係日久利多酌量情
法兩便委曲分處無令貧人失業

一 買賣貨物不公虧損人者主令改正不改者紀惡呈
報

一 地界房界不明者查明改正

一 走失收留人口牲畜主令各還本主中間事情應處
分者處分應呈報者呈報

一 約中處和事情不係拘私受財誣直作曲冤枉良善
者有司不許將約正約副擅加凌辱

一 除徒流以上罪名本約不得專斷外其管杖事情掌
印官將詞批與原告執付本約問明開具手本以憑
處斷願息者聽登和簿徑繳原詞有司不許加罪若

將輕小事情不批本約而徑批佐貳首領陰陽義民
等官差皂快勾拘者掌印官另議

一 本約之人在別州縣生事者聽各處官司斷理若在
本縣別約生事者聽別約斷理事完之日仍付本約
紀惡若本約偏聽與別州縣別約為警者掌印官問
明將為警之人盡法重處

一 大小過失不分新舊但能自首改正者俱免究罪

一 國初老人里長俱許答杖斷決今恐是非連累只用品
說和處倘有因成人命併不許干連本約違者有司

另議

此卷後添餘葉五十張以載本約和處之事

鄉甲約卷之四

一紀善以重良民事天理在人心箇箇都有那一箇人平生沒一件好事那一日不說幾句好話所以

朝廷設那旌善亭以記善民使為善之人名姓震揚不
善之人知所羞媿近來教化不行百姓們就幹一好
事官府不知就存一好心鄉黨不重將你學好的百
姓都虧負了我今置一本紀善簿放在鄉約中凡我
百姓不論貴賤貧富老少尊卑有一善事不論大小
四隣報於甲長到那會日舉在鄉約裏面將那好事
就記在紀善簿上天長日久好事漸多州縣官吊查

真實類報本院或各道出巡吊查那鄉約善簿細細
分別誰是大善誰是小善誰是真善誰是假善誰人
善多誰人善少逐一等第明白以憑輕重禮待如被
告到官曾行大善者如何曾行小善者如何無善者
如何如賑濟蠲免會行大善者如何曾行小善者如
何無善者如何如鄉飲冠帶會行大善者如何曾行
小善者如何無善者如何善大善多者便宜必多善
小善少者便宜必少無善可稱者只以常人相待約
正約副約講約史人等務要秉公持正上誓

天地神明下服尊卑長幼記一善不許假捏徇私懷恨刁

難如有善應紀而不紀本無善不當紀而紀及不由四隣甲長舉報不同正副講史問明不寫善事實跡者罪坐正副講史四人今將應紀善事大畧開列于後仰鄉約遵照施行其為善在條件之外者不妨指事直書須至簿者

計開

善行條件

- 一孝順父母者一事為一大善
- 一尊敬長上者一事為一善
- 一捨義學義塚捨飯捨衣捨藥捨方及報信指路者為一善
- 一捨義學義塚捨飯捨衣捨藥捨方及報信指路者為一善
- 一善多者為一大善
- 一勸化十人改過者為大善五六人為中善一二人為小善能化大惡者一人准作十人
- 一救人貧苦助人婚喪可值銀二三兩為大善一兩以上為中善五錢以下為小善
- 一他人告狀勸回和解者一事為一善
- 一能成就人好事者一事為一善大者為一大善
- 一能救人患難者一事為一善救人一命者為一大善
- 一修橋補路者一事為一善修寺廟塑鬼神喫素念經朝山設醮者此是謠神求福之人不許紀善

一家富而衣服車馬酒席不肯奢華只尚節儉者一事為一善

一能受辱忍事者一事為一善

一拾人物不隱昧即還原主者百錢即紀一善多者紀一大善

一牛馬驢騾死而能葬者及不食牛馬驢騾肉者一事為一善

一幹公道事不行奸巧者為一善

一積穀積錢過數者為一善

一一年能守格葉者為一大善

一一年不犯條款者為一善

一九族之親貧老無依能收養或給衣食全活終身者准二大善

一同行替人勞苦同飯替人還錢同事而已無罪替人分過同勞而已獨善不肯專功小事紀一小善大事紀一大善

一百姓有大善人所共知眾所推服者許約中連名不時揭報掌印正官申詳本院以憑優獎其尤關係風化倫理者仍送牌扁鼓樂花紅以示旌異

一凡小善五次中善三次俱准大善一次紀名於旌善

亭上面大書姓名下面分記實事若犯公罪到官杖
一百以下者應納贖免其納贖應的決免其的決牌
上仍存姓名若犯私罪者免紀惡一次罪姑減半若
再犯私罪者不准饒免善牌除名惡牌紀過
此卷後添餘葉五十張以載本約善人之事

鄉甲約卷之五

一紀惡以示懲戒事

朝廷設官滿天下不為管善良之民那善良之民他納
糧當差分毫不少心惡事一差不為空身則行公
道積陰陽見人則深唱喏高舉手天下要那許多官
何用只為你這不良之民充惡的掌刀委杖欺凌那
善良強梁的倚勢恃財作踐那柔弱奸巧的百計千
方叢哄那老實

朝廷差程詭隱廷裡不肯上納他人財帛搶騙爭奪沒
些廉恥清平世界叫你這夥人混的不得安生所以

朝廷無奈做一部

大明律置五等苦刑罰設天下大小官員只為鈐束你只
難歪人替那公正善良的百姓作主道你是何等英
雄好漢

朝廷法度還比你勢要你就走在海角天涯也掣得你
來就將你殺了剛了你往那裏去但念你這惡人生
下來時遇着不肖事的父母少調失教長大了時和
那不學好的親朋亂道胡行日日年年把只箇身子
十分壞了自家也不知道自家是甚麼一箇人全不
覺自家分毫不是那善良的見你如臭屎一般那忍

事的見你如毒蛇一般誰好說你誰敢勸你你就不犯刑罰也做了箇沒行止的小人叫人做了步罵名你犯了刑罰時就是箇沒主兒的身子任官府夾打牢獄與你做父母的也是苦命招了多少羞恥與你做妻兒的也是苦命就了多少憂愁到此地位悔之何及我今把你百姓的小過失不說只將犯條款的大過惡二十二條明放在紀惡簿上你舊日未發過惡我都不題自入鄉約之後犯一件過惡就記在這簿子上州縣官雙月一查小過失勸化肯改的便罷中過失與三犯不改的發州縣官處置大過失定然

解來我自法度將你做箇惡人的樣子若要救你性命除是約正約副領著禁會中人保你我纔饒你我定不失言你們千萬記著須至簿者

計開

惡行條件

一子婦衝撞父母及自吃酒肉父母粗茶淡飯自穿絹帛父母破衣爛裳自騎鞍馬父母步行自享安閒又母勞苦及一切不服管束氣惱爺娘親死三年不墜服內宿娼作樂者是為不孝之子四隣甲長報知約正副紀惡開揭送官情重者扭解本院

一卑幼侮慢尊長兄弟互結冤讐隣里以小事相爭親戚以微嫌起怨甲長報知約正副即與扶禮仍處分明白登記和簿其卑幼兩犯尊長者約正副開揭報官以憑究處

一丈夫寵妾凌妻正妻欺夫虐妻離母折磨前子婦翁嫌婦改婚伯叔兄弟欺凌寡婦孤兒逼嫁奪產公漢因賠送供給凌虐兒婦小姑小叔陷害哥嫂嫡長兄騙占卑幼家財買使義女賣與人為妾以上數事俱係惡俗許四隣甲長約正副苦勸不改者開具揭帖公同稟官以憑重處

一白蓮教無為教南陽教明尊教白雲宗百家成華十人為號持齋念佛暗結私通夜聚曉散或妄言天文或借稱官號欺騙錢財毒汚婦女愚民被其欺瞞全不知其詐偽誠可哀憐四隣甲長稟知約正副止將傳頭教主開寫實跡綁縛送官或本教中人有能等獲真正傳頭教主送官者俱賞銀五十兩其餘吃素念佛男婦限本約勸化三箇月仍舊聚會邪說不改者約正副體訪真實報知州縣依律以妖言惑眾定問死罪仍押鎖家屬待掣獲傳頭教主之日然後釋放其四隣甲長明知不舉者即係同夥妖民一例盡

法重究至于術士邪人迴避鎮壓及驅馱神像頭頂佛經化緣修造者約中不許容留施捨違者約正副紀惡呈報

一三五成羣笑香飲血帶刀持棍一家有怨則同去報警上門亂行抹打見人財帛則設法搶奪到官捏證扛幫或挾騙娼婦財物盜搶成熟田禾百端為害一方不甯者約正約副率領同會之人詳聞惡事逸送掌印正官扭解本院

一暴橫兇徒擊磚握石擦掌摩拳氣高聲粗無故開口罵人動說打死對命或強買貨物或硬主事情或撒潑圍賴錢財鄉約有此等人不初犯再犯事大事小約正副連名同會之人詳聞惡事逸送掌印正官盡法施行

一刻薄賊名或爭酒食起恨或因借貸懷讐脚踏茂盛田苗拔打未成瓜果或夜燒房屋柴薪或毀傷牲畜器物或抹打小兒或唆詞作證此等之人最可氣恨但有拿獲者除將本犯盡法重治外仍將拿獲之人照捕盜例一體重賞

一淫邪棍徒吸姦良家婦女騙買為妾因而販賣為婢為娼或包姦娼婦欺亂家風因而當賣衣服首飾致

令妻室投井自縊者四隣報于甲長約正副許不時指實送官著實重治情重者仍解本院

一甲中除開酒飯店家宿下過客暫時經行外其餘往來親友人所共知若遇面生可疑之人不保本鄉本里四隣甲長查其何處人民騎坐何畜帶何行李目何相交來此何幹或係白蓮道友或係當訪通家或係賭博相識或係盜賊合夥務要十分盤問如踪跡可疑即便密報官本甲之人但有出外經宿者白知四隣甲長有何事故到於某家帶何物件回來仍告隣家查其有無絲帶物件如財物似賊者即便奪送甲長稟於本約送官施行如覺察不嚴及無故而搜詐者四隣甲長一律治罪

一賃房買賣客戶庄村農作流民房主地主務尋的當保人熟知來歷方許容留仍將本院任人共若干家立一庄頭遵照鄉約法互相覺舉家主或一月半月訪問院人所幹何事所交何人如不仔細覺察致令出外作賊或窩藏外盜者房主地主不問曾否知情不分是何人家俱以窩主律分別治罪

一賭博開場之家封閉緝獲之徒或吸賺幼年破家或勾引痴愚迷性彼因乘機陽向陰傾騙財幫食四隣

甲長奪其牌散頭錢及攤場財物查其起滅情弊報知約正副當時送官除將在場財物給與外仍於犯人名下追數三石充賞

一造言生事弄巧行奸好講閉門是非慣貼匿名謔語破毀人家好事離間人家骨肉這等壞心奸民四隣甲長報知約正副小者初犯約惡改正大者及再犯者開揭送官盡法重處

一雞鴨狗過牆牛馬猪羊入院當時趕送出門或知是四隣之物次日送還如收藏三日本主尋而不與者即係盜賊本約約惡一次仍報知州縣懲治再不改者以竊盜論其兵快應捕人役誣執平人做賊細轉苦拷詐騙財物公差下鄉打詐需索者輕則本約約惡重則指事連名報官若畏懼不報者約正副甲長一體重治

一士農工商每日各有生理如有遊食光棍短衣長襪高帽細網酒朋茶友趁會遊街或捕鳥鬪雞或圍棋雙陸安閒自在百設生活一月以上者約過一次再月不改者甲長約正副報於州縣拘令照月應當輪扛等夫以罰其惰

一酒醉無德打街罵巷怒子毆妻及子弟生事父兄不

說婦人罵街男子不答者四隣甲長舉報約正副約惡以憑查處再次不改者報官懲治

一放債只許一年三分起利過三年者本利倍還不還者法當告理若一年加倍起利及雖過三年而折准田定人口強等欠主抹打苦拷者以勢豪論本約同名稟官究治重者申解本院

一物價有千般斗稱無兩樣以後民間秤只用十六兩斗尺照官定法式物賈物賤只在價上消長不許使假瞞人以後敢有私用大小斗秤尺者甲中舉出重究有能奪來稟官者准於犯人名下追銀三兩給賞

一縱放生畜作踐他田禾強砍兩隣樹木侵賴地界房界詭寄地上脫漏丁糧或稅寫假契或洗改文冊或造私錢假銀或信邪人燒煉一切昧己瞞心說謊負約約中有此等人不分初犯再犯俱要約惡仍指實報官依法重處

一騙賴財物不還花費官物不補正項錢糧不納負累里長包賠者約中約惡勸戒再不改者報官

一戲子小唱水戶及不做生活少壯疏民及遊食僧道乞食棍徒不分何等人家俱不許容留如違將四隣甲長約正副一體重究

一窩訪奸民與各衙門積快為通家以報惡詐財為得計大奸巨惡投託得以藏身富戶良民無故忽與被禍約中但有此人豈能欺瞞隣右許四隣甲長報于約正副密聞實跡揭報掌印官嚴拏扭解本院如不肯舉保者一體治罪

一律分良賤所以重鄉隣之體也以後富勢家奴凌踐貧窮老戶爭生爭行平打平罵者許約中連名稟官重責枷滿仍將家主紀惡

一善惡不分大小凡犯條款事中者俱要實紀公紀一人小惡不紀再一人犯中惡者就要比例中惡不紀

再有一人犯大惡者就要比例到底紀惡不成不消三箇月大家攀扯起來正副講史何辭以對但查簿之時掌印官酌量大小自有處分耳

此卷後添餘葉五十張以載本約惡人之事

鄉甲約卷之六

一許改過以宥惡民事人非堯舜誰能無過不相有過只怕不改過君子立心學好一時性氣不平思想不到纔有羞失自己羞慚痛如悔恨小人立心原不公道幹事只占便宜氣高膽大不顧死生性狠心奸不遵理法若一一與他計較身也沒處安插但念此等之人眼不見詩書耳不聞義理心不知古道口不講王法今日纔入鄉約纔學好人舊日歪心怎能就變為此立改過簿一扇凡犯大惡監釘門牌紀惡申明亭限一年不犯關約保改除去監牌中惡及三犯小惡者限半年小惡限三箇月約正副講史及本中保改者俱登改過簿上舊日罪名雖惡簿不除後來通不計較待善簿有名之日仍以善人相待凡我百姓各務洗心滌慮但不殺人放火強姦斷路其餘都許改過既登改過簿上有人將舊過告官者州縣官不許准理有人將舊過許條者約正副將許條之人紀惡一次仰各州縣及各約人等一體遵行須至簿者計開

一一犯大過及三犯中過者上司訪察便該報名亭問如有保改狀到官登名改簿者免其訪察拏問

一犯大過三犯中過五犯小過紀惡申明亭者約中跪會聽講會人不與相揖酒席不許入坐若登名改過簿者照常以禮相待

一門釘整牌者見官因首不許戴帽一年限滿再有改者方許除牌

一門釘整牌申明亭紀惡者原係充警人數每朔望升堂責令跪於公堂將申明亭過端高聲自念一遍叩四頭出門有保改狀到官者免念堂

一有過之人登名改簿以後能行大善衆所心服者將申明亭過端盡與洗去待三年以後真成善人有指

實者取公正約正副甲長隣佑保結州縣大書徙義二字扁其門端以示旌獎

一善簿紀善後雖犯惡善簿不泯其長惡簿紀惡後雖有善惡簿不掩其短俱各存之惟是門左整牌申明亭惡跡准除洗耳

一大惡登申明亭牌上者須有大善一次平對得過大善也不紀錄只將惡人牌上姓名事實准與洗去兩紀大惡及三惡可恨者門左釘整牌示辱待闔約保改者姑准除去門牌其申明亭惡名不准除去

一大惡限滿保狀式只用甲長二人投遞

本縣某字約正副講史某人本甲甲長某人甲衆某人為改過事本約某人某月日為某事紀大惡一次至今限滿並無違犯情願改過如再犯者某等甘心一例同罪須至保狀者

某年月日約正講史某某某甲長某甲衆某某某俱畫十字一張存房一張發約掌印官將本犯紀惡名下紅筆註四字云准入改簿

大惡除牌保狀式只用正副講史四人投遞

本縣某字約正副講史某人等十甲甲正某人等為保全體面事本約某人委犯重罪整釘門牌示警已經一年深自愧悔理合保領自新伏乞除去整牌准入改簿如再違條某某等一例同罪須至保狀者
某年月日約正十約副十約講十約史十甲甲長十甲甲衆十此狀一張發約一張存房掌印官批云准除去整牌收名改簿

重刊風憲約序

風憲約者

中執法寧城呂公觀察三晉時所與郡國大夫約也
編中提刑之條五十二按察之條二十總之飭吏治
以尊民生要旨如斯焉已考之元命苞曰刑者例也
說文曰刀守井也飲者陷井刀以守之割其情也繇
天放已選艾服滋長而網滋密焉繁脂秋荼拊揚為
市嚮非宅家矜之衷乃平乃允茹思于戴盆原情于
噬腊鮮不濫矣故曰欽哉惟刑之恤曰治陳於刑而
仁行焉則刑之不可不慎也如此周官以六典簡辟

吏顯序邦政漢世歲遣使按部州郡舉察治行而又
履功能之詔嚴課舉之坐蓋詳矣乃至神雀五鳳間
良吏為威頴川渤海之倫廉平寬和廉廉德讓君子
至今建焉斯考叢之明效已是編凡詮臚列擗事遵
言挈明慎之型標循良之鏡昭哉人牧之端鵠乎寧
言三晉博之方隅銅墨之隘言不易矣不佞之以

璽書按梁也梁蓋號極敝乎異時歲游侵民委為道殣累
訟喧囂赭衣黑幘亡虛日間以一二幸民權理快不
逞邑里為鼎一時長吏率驚虛聲而邀實意格以漢
京氏之考則悃悃奉職者半計簿具文者半欺慢避

課不在民者不勘也哀此憚民更生之謂何下佞蓋
悃乎亟取

公已試之約廣之茲土與司土者共之先民有言君
子之行政也辟醫師之用藥然藥取其瘳病方不必
自已出梁乎猶病者自膝理以至絡節靡不受痛茲
約固長桑之上池也寧論方不自已不以藥此蔡民
哉唯我守長丞尉披鏡此書守為吏范亡以狡瑾先
保嬰之愛亡以莽繆亟烹鮮之理亡以懸簡右閤閤
之恩廉以砥操蕙以綏眈明以照妖慎以止辟刑也
如山獄也如火矢心宣猶漸壽民脈則中土之疫庶

其有瘳觀風使入

報且有狀矣語有之曰不習為吏視已成事又云人額榮
名諸大夫即希蹤古循吏之業思垂不朽之名也下
佞則手是編與諸大夫約
萬曆癸巳夏栢人陳登雲書于澄清署舍

風憲約卷之六

提刑事宜五十二款

本司執

九重法紀司三晉生靈凡笞杖以上訟不得其情刑不得其當者皆得提勘平反務俾生者無覆盆之嘆死者甘伏劍之心方為稱職昔孔子論德禮刑政猶分本末今德禮不敢問設以政道之而民不從即用殺吾猶忍邇來治世只恃齊之以刑四字耳果皆道之以政者乎以刑齊之而當其罪即用殺吾猶忍邇來拘獄只恃嚴加拷掠一法耳果自信無冤民乎夫人情

一語之冤不關榮辱猶且裂眦急喉反覆辨白至指天誓日而不肯下况妄加鞭笞誤以徒流甚者鬻九泉不化之氣為千古飲恨之魂乎夫決獄弗慎有司之罪專百十郡邑之刑名而駭然若聳替則提刑者非罪之魁耶所有應禁應行事宜願與百執事雷圍肱願與同志者共之耳意激切而語直慙禍急自慚然明罰勅法責在當司倘不厭煩屑而一涉矜一沈思油然而下膏澤以潤蒼赤即有深憾於余余固甘之矣仰府州掌印官即將發下書冊通行所屬正佐首領官員一體遵行勿得視為文具抄案依准呈來

山西等處提刑按察司按察使呂 為申明職掌以肅吏治以奠民生事照得本司諫齊風紀吏治民生皆有專責顧民生之未奠有六追呼苦於太濫問斷苦於太淹擬罪苦於太密追贖苦於太刻拘禁苦於太易隸卒苦於太縱此六者皆提刑事也吏治之下肅亦有六虛文日甚而實政亡厚道日隆而公法廢人事日精而民務疎頽靡日甚而振舉難情味常多而精明少為家念重而為

國輕此六者皆按察事也本司履任數月本無意於科條邇來審聽諸獄觀察詳吏賢者常半質美而意向

不殷志確而才識不逮者亦常半下馬者不盡無也賢者嫌於自賢既不肯以所得告友邦友邦亦自賢也而不得聞賢者之告則當告莫若余余豈容終隱默哉昔余為令兩邑才短而心實苦其告百執事者誠非所能亦得之折焉此豈希王賀陰德避竄成陰謹要以仰體

上帝好生之心將順

聖天子欽恤之意耳

人命十二款

一人命屍親不是父兄伯叔便是弟姪妻子被毆之日

即自解衣服同見證要見被毆之人年若干歲某月某日某時被某人某人用何凶器毆打某處見余某處斜傷長若干闊若干某處圓傷橫若干圍若干青色紅色有腫無腫曾否皮破骨裂某某見証即照狀式告辜仍即擡被毆之人投遞到官官親相驗登記傷痕限以保辜日期責令兇犯尋醫調理案候在官身死之日即照狀式告檢官照辜狀原供傷痕依法檢驗如被毆不告辜限者除登時打死及在三日之內者姑准檢究外其餘死後告人命者俱以假傷騙詐及自毆誣人論不准真正人命其辜限之日係隔

月者要查大建小建此生死出入之界不可不慎也一人命招情批詳到日即時解任赴檢當場審定即日便具招申如承委官真係有疾及萬不得已事情文到當即具辭以便別委洗冤條令赴檢不許過兩時具招不許過當日可謂至嚴矣以後委官但批到三日不赴檢檢後五日不具招者官以才力不及註考其赴檢日期亦要詳開以便查核若提問犯人在州縣關到當日不拘留到當日不發者問官即於申呈內明開占恠疎緩緣由庶罪有所歸不致相累一獄貴初情謂犯事之始智巧未生情實易得數審之

後買免多方機械雜出是矣須知初勘者何官果檢驗者掌印正官乎識見精明乎持法廉正乎鞠獄虛慎乎則初情乃確案也倘初委佐貳首領陰陽省察老人才識昏短而群小輕忽操守卑污而供招苟且若是而初情寧可貴乎故招情不厭反覆要以求當而已成案無拘也

一檢驗之時承委官嫌其凶穢皆不近屍又犯人扭鎖跪棚多不同看惟有屍親作伴唱報屍傷或多增分寸或亂報青紅間有犯人與屍親爭傷而檢官竟不經目止執一筆為伴作騰錄耳及再更檢官再更件

作或暗賣屍格約與雷同分寸或意欲輕重多增疑似傷痕以致兩檢不同每駁四五檢者終始未能歸一是死者既以挺刃喪命於生前又以蒸煮分屍於身後冤孽未雪暴露連年則檢官不慎之罪也以後掌印正官凡遇人命事情嚴責吏胥眼同原被干証取四不扶同甘結便須萬分詳慎務使情節了然明白此心確然痛快庶生死兩不含冤亦省後來屢駁屢勘耽延累成累苦多人耳

一有致命之處有致命之傷頂心顛門耳根咽喉心坎腰腹小腹腎囊此速死之處腦後額角胸膈背後腸

肋此必死之處肉青黑皮破肉綻骨裂腦出血流此致命之傷致命之傷當速死之處不得過三日當必死之處不得過十日若當致命之處而傷輕或極重之傷而非致命之處雖死於限內當推別情下可一槩坐死

一致命重傷當致命要處死於登時或三日之內原告干証定執某物毆某處只宜於所毆之處檢驗傷痕既免死者翻屍又免生者定証何者人生一世自少至壯或失足磕跌或病疾捶按或生瘡被擊或員重着堅血下流行傷輕與新傷着骨則紅日久或消重傷與久傷着骨則青終身不散試將病死之人細一蒸刷果全身一副白骨則檢驗真足憑信近日問官全不理會原告証人本說耳根一下打死而渾身檢驗動數十處傷痕上司以傷痕不對為駁辭問官增毆打情節為比對有左右傷痕尺寸青紅不差分毫者如以為毆豈兩手執一般兇器而對擊乎有昏夜醉後群毆而定執某人打某處者雖毆者亦不能自知其所毆之處不能自記其所毆之數而况證人乎大抵共毆只坐毆人因由檢傷只重原傷的處慎無刻舟膠柱致有冤情慎勿含糊摸稜致多駁案

一數批檢問非以求同正謂恐有冤抑相與平反耳近日承委官員不以人命為重或恐前官怨恨不敢異同或因犯者富豪不肯開釋或觀望上官之批語以為從違或描寫歷來之成案以了已事如此存心公耶私耶倘有毫髮冤情其罪重於初審何者徵情不始於我而死刑實成於我也

天地神明豈無知哉以後委勘人命重事務擇正直仁厚官員持虛秉公細加鞠審或前官怨我立異或後官與我不同總付之無心蓋眾官同勘一事原為此事虛實同勘一人原為此人生死豈以求媚人求勝人哉此心不克人品可知矣

一昏夜被殺見証無人及屍無下落者只宜案候密訪不可妄聽執猜鍛鍊成獄近世耻無摘伏之明多成附會之罪書曰罪疑惟輕又曰寧失不經夫以臆陶為士安有罪疑不經之人何可寧失古人猶過慎如此吾人未必過臆陶奈何必欲牽合羅織以成人之死耶人命自重鬼神難欺慎之慎之

一解審多係重情或隆冬酷暑或險路長途或老幼病人或婦人隻身民間疾苦多少難言問官發解止摘緊關且如人命正犯一人屍親一人要緊干証二人

或的當一人足矣中間干連徒罪以下及徒罪以下干証及供明人等盡數摘發寧家賊情除正犯外只解失主及寄贓之家其餘別無要緊若人命除正犯屍親外盜賊除正犯失主外解審過三人者問官之才力可知中間如有情節不盡者格後明白說云除某人係老病某人係輕罪某人係供明不在緊關之數相應免解外令將其某某等取問罪犯

一屍親遞攔辭除卑幼於尊長須要根究明白斟酌准理外其親祖父母之於子孫夫之於妻但遞攔詞免問者果非致命破損重傷死於當日不必過於搜求即與准理立案備照其人命事情屍親未曾遠出不當年告發而告於一年之外及下係有服之親而旁人許告及不係正告事情而擊於切思之下關於粘單之中者不問虛實俱不許准理如有妄准以興大獄以擾多人者問官之不肖可知矣

一概省重囚不下千餘起本司職在伸冤理枉各犯豈無抱屈含冤法當解審恐有疎虞止據招冊何由得實該州縣衙所衙門既官此地聞聽易真且與其獄審鞠尤便文到之日要將在監重犯自到官日期原發卷案逐一檢閱要見原告初時如何說話後變何

詞干證初時如何供稱緣何反覆初覆問官是否賢能有無別故承行吏書曾否受賄輕重情辭檢驗傷痕重輕緩急果否致命搜獲贓物顏色分兩果否極真仍提本犯干証失主屍親一一細審仍於意外拘隣佑鄰甲款款詳推但有疑即將招冊只用簡明畧節逐段旁批務在得情不厭繁碎完日申呈本司一以見本官盡心獄事一以見本官才識精明果可平反即當轉呈或另行駁問或

題請疎枷此有司第一急務也若厭其繁擬止據成案註一審語其誰不能倘本司細閱情由與州縣相反而

得其實者即將本官指事註之下考兩起以上者定行參降

一近日有等奸民買屍做傷妄告人命訪得人家新差問其是女是男多者數十金少者十數金貪財奸民不顧血屬情願賣與檢驗自己投作証人又買伴作以白蔴蘇木黑礬五倍製造淺沒青紅等傷任口喝報檢官既不經目即看亦不細察曾有証成大獄此係法外之奸故無擬罪之律以後問官審出真情買屍賣屍俱引開棺見屍律問以死罪其賣者仍分有服無服卑幼尊長依律定擬決不可止擬誣告徒罪

既不得律意且無以懲大奸也
盜情十一款

一地方失盜保甲人等負疎虞之罪快壯人等懼比較之嚴彼此扶同胡疑妄指即將平人及會為竊盜及乞食貧民巧拏恠綁異拷嚴鞫手執失單逼之招認不合則捶楚亂加偶合則令招夥盜既招則押使同拏仍照前法撈掠致令展轉相誣甚者授之口詞使之攀咬夫真賊不苦審固不招承良民受非刑何所不謀然則壯快之言何可據哉以後快壯拏賊除真盜拒捕曾毆公差許其打傷不罪外其餘止許綁縛

鎖銬到官掌印官先驗傷痕如拷打骨肉有傷者快壯重懲革後有致命重傷者不分盜之真假限內身死者許家屬告發定擬償命

一真盜所招夥盜須差快壯訪拏此輩一執紅票問所至驚憂賊未獲則攀其旁親遠族同緝或誣其妻父母舅窩藏索足財貨酒食仍令遠近跟捉拖家廢業騷擾多端賊既獲則逼令攀咬富家寄賊盈其賂暨之求或指授學人同盜使受馭朴之苦株連並引人人自危及事定告官而昏庸有司私其快壯仍罪告人深可痛恨以後快壯訪知真賊所在即稟所在

正官同所在地方保甲同行捕捉所在官不從致令賊逃者申究但不許牽累以上無干平民官不嚴禁致令被害之家赴告本司得實者掌印官以才力不及象降

一鄉約保甲法行家盡在稽掩之中雖備作乞丐之人動靜出入不能欺同約及一甲四鄰耳目假使平日為盜即當聞約報官平日善良而被賊攀誣者即當聞約保救要見某人平日本分生理全無非為某家某日失盜本人某日在家如虛同罪甘結到官問官即當存結聽保如後訪得實而本犯脫逃者保人

一例重究仍責緝捕惟是同約之人皆是盜賊便無可柰何倘一鄉一不為盜豈容一人為盜而百口保之哉即不敢公許為賊亦不肯公保真賊矣

一賊犯到官便須親審近見幾處掌印官憚於任事懶於推鞠輒批佐貳首領等官令之摘詞具獄彼官小而不敢當識庸而不精細惟快壯為指揮以夾打為上策况審賊而原捕在旁但聞一語稱冤快壯且喝且罵甚者恨其反覆討出外面從新拷掠具招上堂彼數經殘創已自消冤非係潑耐之人誰敢堅執辯訴掌印官十九抄其原供通詳院道如近日祁縣黃

典史情未問真服已夾折深可痛恨以後掌印官首不親問只批佐貳者即保極不肯官員無論有冤無冤以才力不及參降三次不改者參究拏問

一掌印官審盜惟在隔別細心查其情狀蓋真偽之情辭色自別虛捏之語辯問則窮我多方以辯之則掩護之術不及卒備無備之言不及會同往復參錯真情自見至於隔別之報盜數同賊數同期會同事跡同即無賊而盜可知矣或言人人殊不可驟加嚴刑亦當耐心細鞠或設法密訪人命之疑獄亦然仁人心苦智者識精當必自有妙法但問刑謂之審具

招謂之詳詳審二字此聖王治獄之精意也今之訊獄者幸於此兩字留心焉無以夾棍等酷刑為第一審法則冤獄必少矣

一失主遞失狀未必一一皆真講張者甚多而貪冒者居半起賊之時快壯通同有將本人之物動指為賊者有此照失狀取一二於典當鋪以作贓者有獲真贓而快壯先搜其細數入己者有疑似之物失主記不真而錯認者有明見可愛之物而妄認者有厭連累之久而妄認二二贓物殺賊以完己事者有為快壯所逼不得不認者蒼南呂公云余巡海右時有一

寡婦被劫獲盜十人搜贓俱在內有女鞋一對快壯過寡婦家謂之曰鞋當有樣從之及縣官審賊寡婦一一俱認問鞋曰我女之鞋也問大小幾何曰有樣索家中樣比之不莩毫髮十人者無一語辯臨刑不數日矣而真盜悉獲真贓悉出十人者乃得釋前贓蓋十人家物也近日有將良民為盜搜其家黃裙指為失主物者失主認之太原毛通判取當舖黃裙數腰雜置堂上失主莫知所認妄取不一呼良民至則應手而得曰此吾裙也失主無辭而良民遂釋以後有司審贓不可草率但失主贓物無記驗者不可輒

坐真贓蓋指一物殺一人可不慎與

一近日盜賊招冊有贓無分毫供稱花費無存者要見賣與何人須拘何人辯認花費無存四字豈宜殺人哉至於銀錢雖難辯識若本極貧之家忽然使用方便要見財物何處得來情自難掩諺云指贓殺賊如無贓而稱屈寧舍賊可也

一近日治盜有情未真贓未獲而死於杖下者有供招未具而死於獄中者招中泛稱陸續監放天道有知人之子不可獨殺今後除情真贓真詳允奉決者不拘刑死病死聽其領埋外其贓狀無指及情節可疑

而死於獄者許屍親告發問官即係昏庸酷暴輕者
衆呈降黜重則定擬故勘平人之律決不輕縱

一 首盜之人不可盡信有首夥盜而誣一二讐人稱爲
同盜者有本身非盜而受奸人買囑假稱首盜妄攀
平人者問官傾信其言盡拘苦審往往搜賊不獲死
於嚴刑今後首賊但有一人不真者審有誣陷別情
不准出首之律仍問死罪

一 真盜脫逃拏家屬送監蓋其妻子平日享為盜之利
忘勸救之言無首報之舉即使監追亦不為過至於
真盜所報夥賊縱使脫逃原無贓物亦將家屬送監

已久分曉甚有將父母兄長送監者古者罪人不拏
况尊長乎有將翁塔姑舅送監者彼且忘其骨肉况
疎薄乎此皆殃及無辜治獄之惡政也以後稟報在
官而贓物無指者但許案候從容訪拏不許將家屬
送監即係真盜脫逃不許拏尊屬連屬送監倘真盜
妻子監死獄中即准抵罪不許更監別屬逼要真賊
違者以酷論

一 世無窩主則盜無潛踪盜無定在而窩主有定在盜
難知而窩主不難知有司肯嚴保甲鄉約之法或行
審訪首許之令但拏真正窩主一名者即於本犯名下

追銀五十兩充賞自首改過者免罪以後本州縣窩
主別州縣事發者即將窩主所在掌印官以昏庸衆
罷

竊情四款

一 姦情原無証見易誣而難明故律稱非姦所捕獲勿
論姦婦有孕罪坐本婦者蓋慎之也以後凡告姦情
即本婦招承亦勿准理安知非本夫逼使騙賴又安
知非本婦有所希圖乎且婦女不至有孕即姦亦勿
問姦亦所以全婦女之名節而免凌逼之性命為人
父母不當如是耶若淫奔在逃及被人捉獲則無詞

矣

一 強姦不分已成未成致逼婦女自盡身死指證若真
法宜坐抵何者強姦已當問絞况因姦致死是二辟
也何可輕縱若婦人及年十三歲以上女子姦雖已
成而婦女無恙又不聲說則強和皆未可知有情雖
和而事發激羞因而變怒者有因他事失好因而拏
姦者有因至其室述不別嫌報讐貪利而誣姦者至
於晦夜不識面目而止據音聲衣帽得於竊取而指
稱奪獲皆不可草率坐姦以後問官凡婦女以和姦
發覺激羞自盡或被父母本夫毆打因而自盡身死

者逼非姦夫又無戚狀難以因姦威逼致死坐姦夫之罪蓋和姦之罪兩杖彼姦婦事發逼於別人姦夫自有應得罪名耳

一上無教化則下無見聞如兄收弟妻弟收兄嫂及雇工人姦家長妻者於法各死愚民皆不知也乃有兄弟亡而收其妻謂之就和父母主婚親戚道喜者世道不明罪豈專在百姓哉凡過此等獄情有司自當審處何人主婚有何證驗仍先將律法徧曉愚民有改正離異者免究勿聽訐告之言輒成大獄也

一貧家男女易雜小民名節多輕非若士夫之家嚴內外以遠別有禮義以養心故愚民貧民不可遽責以聖賢之道凡決此輩姦情不可細拘文法當有法外之精意焉

監禁十款

一囚犯奉有決單自當明正典刑是以未決之先貧者有囚糧病者有醫藥夏則灑掃以防瘟冬常溫煨以禦寒

聖王豈不知其人之當誅哉以為既有臨時之死且延一日之生故曲加體悉如此耳近日有司踈於治獄有獄卒要索不遂凌虐致死者有讞家買求獄卒誅計

致死者有夥盜通同獄卒致死首犯以減口者有獄霸放債逞兇滿監盡其驅使專利坑貧因而致死者有無錢通賄斷其供給有病不報待其垂死而遞病呈或死後而補病呈者倘係真情罪當之囚瘦死猶可中間有抱冤待辯之人株連未結之罪一槩死於獄中所傷天理不細以後獄囚有病先取囚親告治結狀調治不痊後取屍親告領結狀一併粘連申詳本司方准開除無親人者以里長甲首隣佑代之其強盜失迷鄉貫原無親族里長者取刑房吏告治病呈及醫生病案粘申如無以凌虐罪囚論

一有司錢糧原不寬綽若囚糧一槩全給豈能人人均沾年年常盤今擬分為三等除罪大惡極死有餘辜者不准給家不甚貧有人供應者不准給外有情稍輕而家極貧或無家供應者給與全糧情稍輕而家次貧日用不足者給與半糧至於新獲賊盜真假未分果無供給亦當有處若監故未成之囚甚於奉單之罪倘被告發定擬故勘

一一朝之忿斃人於頃刻百年之悔無由而改圖此等死囚情猶可憫有一入獄而父母妻子不復得見者有送飯到而不知誰接誰食者昔人有念囚無嗣不

禁妻之出入而令其有子者此雖不可為常至於應聽家人入視而不聽律有明條今三法司重囚每月令家屬一對面任從談叙家常待其辭畢方許收監婦人臨決將產滿月而後行刑

聖王仁及因國蓋如此有司若懷泣罪之心行哀矜之政使法不踈縱而情不鬱抑豈患無術哉第忍念不及此耳

- 一有司習於故套拘攝人犯動送監倉不知一人在禁一家憂怕或有老親而無妻室者或有少婦而無子姪者或家貧路遠不能供給者或家有病人或身自抱病者或冬寒而身無綿衣者或空手捩腹無錢打點牢獄者即使其人當死亦應曲體其心況於輕小事情豈宜泛繫之獄為民父母亟宜念茲各該府州衛縣衙門除死罪及充軍擺站人犯及入官還官贓物俱應收禁追比外其有力徒罪及杖一百以下贖決等犯止令干証保領聽其軍家轉辦限期完納雖係院司各道紙贖俱不許倉拘正犯及濫將家屬監追違者列之下考致有獄死者以酷刑參究罷斥
- 一監倉二簿只宜掌印官一本其佐貳首領官應送監倉犯人俱要稟白堂上同簿附名掌印官每遇稟司

便將二簿查閱一遍某人某日監倉有無得所應否釋放何以處分徃見一縣令懶於問辭輕於聽信拘到人犯皂快稟收監倉即收監倉佐貳首領各有監倉簿籍要送監倉即送監倉甚者監倉皆滿而送之冷鋪者有燈節醉爭至除日猶繫獄者緣二簿經年不一過目吏卒固循不肯稟白甚者催比錢糧花戶坐倉以數百不知令何人轉辦也吁可恨哉賢有司試一思之

一婦人非犯死罪切無繫獄非犯姦情及不孝應出為舅姑夫男所訟切勿拘喚蓋男女有別廉耻為重皂

快一拘婦人無窮之利婦人一入公門無限之辱拘摸戲押無所不至有因之而喪名節者居官誰無婦女豈應獨忽民情至於死罪婦人徃徃為獄中吏卒所占此最難防須時時密察而重懲之

一七十以上老人十五以下小兒及身有疾病家有新喪者不係勘合及重犯不許輒送監倉

一監中墻屋破壞有司即申呈合干上司估計修理仍須蓋病房一處凡遇一囚瘧疾即送病房調理毋令傳染

一司獄官刑房吏禁子等役不稟白掌印官而擅打監

倉人犯者拏問重治

一反獄越獄惟強盜為然而夜防尤要近日有司常不下監牢頸禁卒日久情熟安常心怠夜間囚犯既不入柵床又不上鎖鍊彼賊無一念生理心懷百計脫逃虎兇出柵非掌印官之過與若使手足不得利便精力不得壯強出不測而夜查監牢過一疎而重懲典守時刻兢兢豈有反獄越獄之變哉以後但有疎虞有司定照條格重究

聽訟十二款

一民間苦事莫甚於株連建訟刁民往往一詞牽告三

二十人報警網利中間緊關犯証十無二三此等奸頑豈宜聽信各掌印官凡遇受詞日期俱要當堂審問無干者即與勾除毋得一舉發房出票累苦小民一勾攝犯人動差皂快此庸吏之套習實小民之大殃也近日革弊愛民之官多用原告自拘夫兩響相見勢必起爭妄稱抗違以激官怒亦有添差地方保伍同拘者此是換名之皂快需求凌虐與皂快同至於原告係是婦人自拘尤為不便若止以原狀或紅票付告人令其遞與干証干証持之呼喚被告約會同來果係冤誣聽從被告訴狀至日同理則干証者事

內之人畢竟不免到官彼若有所需求自是有人買囑亦不恃勾攝之勢矣是閭閻省一皂快之害而公堂餘一差遣之人也賢者試一思之

一上司批詞果係徒罪以上方許差人勾攝凡公差勾攝往反百里者不得限過三日若第五日不投到者計日加責仍問犯人有無需索凌虐或用十數手牌上書公差有無需索凌虐七字其有無二字令犯人自填聽審之時執進庶限近不得久行吞噬防嚴不得大肆貪殘即不能盡革奸弊然省一分一分受賜省一人一人免害矣

一皂快拘人到城引領相識飯店任情破費酒食括包娼婦心滿意足纔喚投到或妄稟人犯下齊或指稱關卷未到有司不察或令各計保人或令原差帶押甚者掛搭輪押經年累月放趙甲而留錢乙責正犯而拘家屬種種擾民皆問官惰慢之罪以後詞訟無論難易拘究但過三月不結者問官以才力不及註考

一吏書騷擾科索全憑牌票有司殊押牌票多不經心彼或乘忙倦之時或當微暖之會便將一二百張口稱未完前件用印判日中間言語輕重任其亂寫事

體緩急任其報票紅單一出打點即來遂意則將票停閣不足則再三寫催有司信實何曾查某事曾催幾次某票有無回銷哉監司騷擾郡邑守令騷擾閭閻此居其半掌印官將一切前件到日分急中緩三等為三袖摺責令該房自限某事何日可完即註摺上難完者許其稟官易完者照限督催分別既明方准出票有司每日看摺勾銷前件一事完即勾一事違限者計日加責是官斧而吏鑿也彼且辦事之不暇而何暇愚我以行私哉

一問事以接到先後為序不許吏書以受財多寡為後先但本日投到者本日即問雖極忙不得過二日其狀內情節罪名未問之先預為料理一問之後即時畫供當堂分付某人應徒幾年某人應杖幾十審力有無填寫印票無力者即時杖釋有力者令其自限何日完納即將發落單票付與干証令其催納如果難完干証至日改限蓋干証住居多與犯人相近押保催納最為便宜不猶愈於皂快乎

一凡審賊審刃先者犯人力量姑果力量不堪干証不肯保押者多係貧難棍徒入官給主之贓不宜多坐仍不宜逼認有力以致追迫太苦前件難完上下俱

不便也

一律有五笞之罪世豈無犯笞之人近日問官全不引用笞律只用不應得為而為又只用事理重者至於下不合二字全不照管律條如關毆傷人則曰不合不行勸阻徒夫在逃則曰不合鎖押乞食格如此類甚多皆是律外生法科索無罪以後律條無罪而妄下不合字樣及有應得罪名輒用不應得為而為事理重者不分批詞自理俱以違

制濫科先擎承行吏書問官另議

一凡問事畢係申詳上司者除擺站以上拘禁候詳發落外其餘即日釋放止令歇家報名聽候詳允之日將發落單票給與歇家轉付干証討限完納不許一舉羈留其事在別州縣者移文別州縣催納實收即令申繳如有違延者許問事衙門呈究

一犯人發驛原為工作如京師炒鐵運炭之類近日恐其逃走止令押鎖乞食甚本意以後徒罪人等有做一切官工者官給飯食一日准一日自備飯食一日准二日有情願驛中奔走効勞者與做工同申准原批司道折限滿日釋放

一發配名輕於充軍而實等於死罪彼憤奸積猾武賈

免驛吏或挾制驛丞或尋情囑托公然在家覓人點站不待言矣其窮苦老疾及家中無供之人乞食不前坐卧濕地或官吏要索橫肆凌虐至於傷命只報相埋情甚可恨近日問官有因誣告人杖罪加三等而入於徒者誣告死罪未決何以加焉此泥於法而不達於理者其官之才識可知驛官如遇病囚即申州縣調理或掌印官驗明姑令保放調養或收入州縣調養病痊照日補役但有不呈州縣而報死者該驛官吏以凌虐致死提問罷斥果係別情者定擬抵罪

一革前應赦罪犯被人告發者或財物當給主或地宅當還人依律處斷重加責治可矣近見各衙門往往以萬曆十年以前事犯擬罪而吏犯赦前過名依舊降格甚悖

明詔問刑衙門不可不知

用刑四款

一衙門刑具載在律條其數有六答杖訊枷桎鑊無論答杖即訊亦號為極重矣大頭止徑四分五釐其用止於重罪不服其法止於髻腿分受至於答杖止加於髻而已不及腿也近日各衙門用重大竹篦不去

稜節聽從惡卒任責腿灣多者三五十或肉潰割肉或筋傷殘廢此惟法司懲創極惡大奸百一月之郡邑職在牧民常刑當如是耶但竹篦通行已久不能遽革以肆奸頑亦當分為輕重三等每板髻腿分受十板以上兩腿分受何處非肌膚何肌膚不痛楚而必欲殘民以逞哉如不係極惡大奸萬民所恨而仍前槩用重大及數多加力又叢於一處撞及於腿灣者無問曾否傷人定以酷刑參罷

一枷有三等死罪重不過二十五斤徒流二十斤杖十五斤夫枷非命負重止書罪名於上號令示眾而已

故曰枷號至於一百斤一百二十斤大枷於例雖有用亦不常令後各府州縣百斤重枷不得輕用應枷號者照律置為三等不許一槩輒用大枷違者以違

制論

一人身之用手居其九若懼有疎虞大鑊嚴鎖牢絆兩足可矣至於木桎非死罪男子始用充軍以下例不械其兩手念人情之便也婦人雖死罪不桎謂飲食便溺不可托之他人重男女之別也以後各有司衙門非犯死罪男子不得一槩用桎以傷

朝廷體悉人情至意

一夾棍杠子腦箍摺指損板原非應有刑具近日問官有心不精細性不耐煩者盜不分強竊人命不分真偽一入衙門只靠夾摺酷烈之狀不可盡述以後眾證明白事情端的而展轉不肯招承者問用此等刑具夾不得過一次杠不得過三十摺指不得對兩頭夾摺不得過二時腦箍定不許用如違不分有無傷人定以酷刑署考情重者察究拏問

狀式 揭曉除脚約保甲外其餘儘不許准行

古者以金矢聽辭皆懸式於象魏不者有誅惡無情也遇刀風日甚狀中叙事僅數語而形容彼罪張大

我冤常居十六冀駭聞一受耳不知波及蔓引則無辜者為殃此多贖之藉而小民之憂也今定為式各衙門一體遵行倘違式濫准官可知矣

凡各府州縣受詞衙門責令代書人等俱照後式填寫如不合式者將代書人重責枷號所告不許准理

人命告辜式 不許多報一處不許妄增一分違者查明重究路遠告辜不得過五日

本縣某里某人為毆傷事有某翁年若干歲本月

某日某時與某人為某事 多不過相爭被某執拳時石

他物或將某 父伯叔姪兄弟妻子 頂心打有斜傷一處 紅色長

若干闊若干耳根打有圓傷一處 青色有無圓若干

橫若干見今 不食 某人某人見証為此獲扶到官伏乞相看案候保辜責令本犯尋醫調治上告人命告檢式

本縣某里某人為人命事某月某日有某 父伯叔姪兄弟妻子 被某人毆打傷重某醫調治不痊至某日某時身死除傷痕已經報官案候外伏乞檢驗施行上告

告盜情狀式 不許多開一物不許多報一盜違者重究仍不准理

某州某縣人某人為盜情事某月日 更時分不知 名 強盜約有幾名各持兇器 刺透房暗偷出或打 札火燎 某物某物若干 伴 有甚花樣 銀錢若干數 有

敬碎或人口俱驚 甲人等 俱來救護 或追趕不前 散或輪吞某婦女保甲 人等 通不救護 或不知去向 伏乞案候嚴拏上告

告辯盜狀式

某府州縣某人為辯冤事某平日作何生理原因某 事 不過 與見獲賊犯某人 有 某某人某人知證某日

某夜某實在某處何幹某人某人見證今被某賊攀誣同盜况某見在某鄉約保甲管教乞批本約查訪

平日果否非為容其保救庶不苦死黑獄上告

告姦情狀式

某府某縣某人為姦情事財娶到 妻某氏或林某名

年若干歲被某人誘毒日久招帶財物若干到某地
處傷或強姦已成見杜破何衣奪下何物氏破身
叫何人聽証或不堪羞忿某日某時自縊列投井
死某人某人証上告

告打詐狀式

某府州縣某人為打詐事某月日某人某人指稱街門指擊
情將某拳住指何情由用何兇器在於某處拷打見
有某傷詐去財物若干某人某人證上告

告地土狀式

田宅同賣過十年者不准
某府某縣人某人為地土事某年月日同中某人某人
買到某人地若干價錢若干已經過割被某人侵

占自量得幾十幾畝幾分幾釐隣佑某人某人證上
告

告婚姻狀式

某府某縣人為婚姻事某年月日同媒某人將弟幾
男某人用財禮或聘禮若干定某人第幾女小名為
妻一向未曾行禮至某月日不行知會用某人某人
為媒改定與某人為妻未曾成婚上告

告賭博狀式

自告者不准
某府某縣某人為賭博事某月日某人某人幫某弟
子陸續贏去錢若干物若干賣房地若干某人開場

見奪攤場某物上告

告凌奪狀式 孤幼被人凌奪同此式

某府某縣某人為凌奪事氏某年月喪夫有子女遺
下房若干地若干頭畜若干無子女遺
打幾次罵幾次奪賣某物又將氏暗許某人強來逼
取某人某人證上告

告保盜狀式 不在鄉約保甲者即保奸民犯盜不准保救

某府某縣鄉約保甲隣佑某人等共百十人
為冤枉事本約幾甲某人平日作何生理本分善良
並無非為等事委因與某有導或係快壯某人詐財

唆咬伏乞審明保在倘有徇情懼惡妄保真賊者事
發某等同罪脫逃某等訪擊結狀情願入粘粘卷所
保是實上告

告貪污狀式

某府州縣某人為貪污事某年月日為何緣故被某
官某人詐索某銀若干某人過付可審上告

告故勒狀式

某府州縣某人為故勒事某年月日被某官吏被擊詐
財故將某人勒擊打身死指某人証上告

告科斂狀式

某府州縣某人為科欵事某年月日被某將官或中
牌千百隊長地方保甲某人某人指稱何項名色科
約正副謀史里老逸年某人某人指稱何項名色科
派某人某人銀若干某人審証上告
告侵欺狀式

某府州縣某人為侵欺事某年月日被庫吏斗級某
人收掌某項銀物某人侵盜或於內侵欺若干指某人
某簿審証上告
告賣軍狀式

某府州縣某人為賣軍事某年月日被兵房誣某人
將某衛逃軍某人受銀若干隱匿不解却將隔里平
人妄拿頂解指某人與軍黃冊證上告
告飛軍狀式

某府州縣某人為飛軍事某年造寫軍冊被某里
某人受某都某衛軍人某人銀若干將軍以同姓
飛入本里見今將某拘拏指某年軍冊證上告
告包攬狀式

某驛馬號某人為包攬軍某年月日被本驛積年把
持驛遞某人包攬某人馬驛故不走差指某人與差
簿證上告
告窩訪狀式

某府州縣某人為窩訪事被某人專一纂捏無影事
蹟交結訪事人從某年月日被騙某人銀若干指憑
某人證上告
告土豪狀式

某府州縣某人為土豪事某年月日有某缺向某
借銀若干兩羔利過本幾倍伊將某私家拷打逼將
妻女子女房地頭畜准折指某人證上告
告財產狀式

某府州縣某人為財產事某祖某故遺下房幾所地
本銀若干兩首應該某與某或兄照枝派均分今某
錦衣服若干件應該某與某或兄照枝派均分今某
某倚恃尊長盡行霸去不分指遺約或親隣某人證
上告

告錢債狀式
某府州縣某人為錢債事某人因缺用於某年月日
向某借去銀若干兩加三出利指中人某人并借約
證今某人至今幾年本利分文不還或止還本利若
干尚欠若干屢討延調不與上告
告欺害狀式

某府州縣某人為欺害事被某與某素有某隙今某
倚恃豪強於某月日將某無故羅毆指某人證又至

某月日暗將某成熟田苗用棍撲倒約有幾畝上告
告唆誣狀式

某府州縣某人為唆誣事某里某人與某或_{地土相}
互以此結譽指某人證今某_{或因盜賊}事犯被某唆

某將某掛告同_改乞准審諭上告

告詭隱狀式

某府州縣某人為詭隱事被某里某人將自己地土
詭寄_或若干_或減_或和_或額_或糧_或某人或_或官_或冊_或證_或上_或告

告抗糧狀式

某府州縣某人為抗糧事某人見種地若干糧石至

今_并合_不納_致某_受比_乞准_拘究_仍將_揭過_銀兩_責

令本犯起利上告

告重收狀式

某府州縣某人為重收事_{庫吏}某人徵收某項錢糧

不遵部司法馬大等高稱每兩加耗若干某人某人

證上告

風憲約卷之二

按察事宜二十款

夫潔己愛民修政立事有司之職也按問不法察舉
失職本司之職也今府州縣衙門繫之承宣布政使
司而按察司下不繫焉者何布政司其統屬而按察
司其監臨也統屬則倡率之任專監臨則糾察之權
重故按察名司按察其所司也今按察司若贅疣其
失職也甚矣已則失職而望守令以盡職也不亦難
乎今欲修吾職未有不笑且駭者不修吾職則吾愧
且懼伏觀

累朝制書所載本司職掌如云有司等官法守奉公庶能
此著隨即舉開若奸貪廢事蠹政害民者即便拏問
其應請

有者具實奏聞若知善不舉見惡不拏杖一百發烟瘴地
而安置吾職之不修安得不懼當紀法陵替之後慮
陰陽屢反噬隱忍煦嫗而從俗以苟此官安得不媿
是居已於贅疣而自失其職非有司之過也吾姑與
之約約之而駭我笑我也即

國有昭憲我罪且無辭矣而何暇恤百執事哉

朝廷設官本以我從民非強民從我故曰從欲以治又曰同民心而出治道惟是糴差不能從其通負奸暴不能從其橫恣本業不能從其惰慢風俗不能從其薄惡如斯而已至於一切舉動須先謀及士夫謀及閭閻必衆謂當為然後修舉必衆謂當革然後改圖又權利害之大小念興廢之始終若意雖愛民而不合人情拂衆以始禍心實為善而不諳事勢妄動以擾民或信堪輿禍福輒興不急土木固恤從事之勞或因一二說隨便欲槩縣清均又滋無窮之弊諸如此類不可殫述雖於品格無虧實於生民有損是曰喜事之吏

朝廷張官置吏凡以安民故擇一守而付之郡則無憂於一郡擇一令而付之邑則無憂於一邑誠謂作養賢才選擇廉幹足以分吾憂而慰民望耳且環郡邑士民無貴賤小大婦人孺子皆稱之曰父母祖父母謂其子孫我也為有司者果能有一腔不忍人真真實實底熱心腸視彼小民知癢知疼如兒如女刑民若加諸身費民如出諸己見饑寒困苦者酸鼻痛心如自家子孫失所見昏愚兇悍者撫膺頓足如自家子

弟頽蒙汲汲皇皇既有此美意盡思夜想何患無良法善云心誠求之不中不遠吾輩才即有短不短於婦人民間事即難知不難於赤子特患無此心耳近日有司愛民者固多有見百姓困窮育爾全不動色聞民間抑鬱衰然了不關心所謂君民一體好惡同情者豈徒泰然尊於民上而已哉是曰木痺之吏一政體主於寬厚政令全要嚴明故君子之德風坐於一堂而四境之內善良氣伸奸暴股慄四境之外盜不入疆民皆復業者風之謂也今吏之貪鄙者姑無論即有存長厚之心鞭朴不事嚴狷介之守苞苴不

通豈不仁廉君子哉然而吏書為奸弊端叢出皂快肆虐詐索公行指賊者考掠徧於閭閻行暴者毆奪橫於市井剽竊滿路雞犬不寧追呼盈庭農桑盡廢彼如木偶在堂既不能為柔良出一冤氣又不敢為奸宄發一惡聲堂下諛謹無復一毫之懼案邊撥置不殊衆楚之咻郡邑安用此人為哉是曰昏庸之吏一近日民窮財盡百姓但存皮骨苟幹饑寒困苦之念自無豪奢愉快之心彼浮夸者酒席欲其豐美又好張筵下程極其整齊又濫餽送金鼓旌旗滿路說兒女之懽聲綵竹劇戲諛筵競俗人之好尚或為身家

之奉百事求精不遂則恣行捶楚民有因坐褥園社而賣兒女者或狗耳目之欲動輒修造不足則橫肆科罰民有因建館修亭而喪性命者古帝王露臺惜金蒸羊念費說非百姓膏脂乃欲悅吾耳目珍張侈大縱欲殃民是曰耗蠹之吏

一廟堂之事備於郡邑故一日常葺百責萬姓賴我一身即日宣上德不無戴盆之民日達下情猶有向隅之泣縱使政簡地僻豈皆事理民安夫怠心一生則無所不已留心一想則何事可輕乃有心不關民社飲酒賦詩口不問農桑飽食高卧斛斗秤尺任民大

小輕重錢穀簿書任吏沉閣耽延上官之牌票屢催常不入目下民之繫遠累月多不寧家憲網呈送所以驗政績也何曾體認憲綱而前件項下不日見今則曰並無須知領來所以示法守也何曾細看須知及大察到時或捏進行或捏完報百事無成四境不治是曰情慢之吏

一官員除授不於本鄉宜不念夫馬勞費道路奔馳曠廢時日哉固以為疎薄隔遠之人無鄉曲故舊之雅得以冷面公心易於奉法耳為有司者上可以對天日下可以信士民然後為正大公平之政今也大戶

等重差火夫等雜役濫免多免盡加派於窮民夫馬等私恩賑貸等實惠私與私求盡便宜夫豪猾催科寬士夫之包占聽斷受貴達之囑託甚者以勢力之大小為曲直以人情之炎涼為出入使柔良抱冤貧賤負屈藉法市恩難俾人心之服徇情報怨益傷天理之公汝願忘以保官民抑鬱而受誣豈容於堯舜之世哉是曰柔邪之吏

一郡縣之政非為國則為民監司於郡縣無非督以為國為民之事其實心實政有司上之所責成正彼之所欲自盡者也見合則意氣相孚共求底績見不合

則反覆呈請務俾宜民彼粉飾彌縫者則不然文移隨故套申呈意念不及簿籍任吏書填造耳目不經操持本有玷也而報十一羨餘以明廉政事本不修也而借三五條陳以塞責謂萬民作頌不足以當一二者之失懼也惟於津要傾心即怨聲載道豈能徹於

九重謂一意忠誠不足以致當事者之見悅也惟於聲華極意即實政不修誰曾綜核一事眉端粒束文采燦然可觀口語安排應對粲然可聽公差人一至庭除無不厚結而生者入其關市戒勿容留甚者偽開政

蹟令父老達之監司嚴守街衢禁諸人不許違白日
夜苦心積慮全與百姓無干下民怒不敢言上官稱
不虛口

朝廷安賴此人為哉是曰狡偽之吏

一士君子生天地間七尺之軀等於二大六合之重任
於兩肩須有正大骨稜勁真骨力禮節所在不亢亦
不足恭謙論所及不濶亦不說隨此非以干名犯分
教物陵人持己之道當如是耳若奔走以為恭奉承
以取悅觀眉睫為應對不顧是非探意指為從違惟
狗喜怒鑽刺勢利門牆開創污辱徑實富貴利達豈

不坐致而品格最早卑矣是曰諂諛之吏

一自教化陵夷頑悍成俗衣食缺乏姦盜滋多此不獨
百姓之罪也故為民父母之道不曰樂只則曰豈弟
不曰慈眾則曰親民蓋雷霆霜雪在法司而雨露陽
春在守令如有異常奸暴回境寒心久慣刁頑萬民
切齒者問用重法以懲首惡甚者中呈遣戍益見法
紀嚴明有何不可至於常犯自有常刑要在以刑罰
為教化於撫字寓威嚴而已彼尚霸政者性既善怒
心不耐煩常事攪攪動輒夾扛一出門外不似人形
一入獄中或登鬼錄其事已詳之提刑事宜矣是曰

酷暴之吏

一一塵不染廉士所難本司不敢以苦節望天下但念
一切公用既有網銀加以額設之餘截長補短無礙
之費送往迎來苟不私諸囊橐尚無玷於篋蓋惟是
犯人本無力也而強問有力賣兒女以完單問罪既
納銀也而分外罰銀變產業以銷票王密之金托腹
心過送貧而理直者吞聲處叔之壁借題目索求富
而身卑者重足條編款款議銀既微銀矣又分外有
里甲之費怨徹閭閻夫馬日日供役既力役矣而雇
募無給領之時誇聞驛遞官價買物

明旨屢禁也既減值而又賒之甚者分文不給無異明詎

貧民賣貨所賺幾文也既應行而又稅之甚者杖帶
亦抽何殊白奪蓋耽耽入目而事事垂涎有不屑道
者是曰貪鄙之吏

茲十吏者上員

朝廷下殃黎庶友邦之賢者莫不共以為非矧曰憲司乃
庇不肖以久民殃則余之罪浮於所庇者矣故列其
狀而不指其人尚冀改圖夫惟使民不告病官不告
難而予不失長厚之道也則幸矣

憲綱十要 須知附

憲綱者法憲之紀綱所以課吏治以安民生者也故
新官到任先遞憲綱文冊報修舉也但郡縣登壇原
不理會監司接受亦不檢繕而

祖宗訓官要典遂為無用虛文矣夫按察以憲為司而憲
網不飭守令無辭責成者奚辭第欲一一核實則
有司一一彌文徒茲繁贅耳今擇其要者十則首相
商確賢有司各陳所見以驗才能如果加意民艱留
心官守自有一種惻怛真誠妥確精識匪獨循良稱
職生民受福將憲吏且進失察之罪矣設猶以文應
與問而不應也按察之謂何豈能覩顏與二三執事

素餐茲土哉

一人才者天下理亂之由學校者人才邪正之地今無
論朔望之視學希聞季月之考課久廢即有植桃李
者拔英俊而厚加作興重著莠者分會約而嚴行督
責不過曰舉業云爾夫

朝廷懸賓興重典諸士爭進取榮階即不令有司提調學
官訓迪寧乏鄉舉解額哉如曰學校惟為舉業舉業
專以詞章則經書委訓貽後人利達之資料目用人
開天下富貴之路於身家誠得矣一不知

朝廷取富貴利達之人安用也堂曰明倫不亦迂腐不情

之甚乎夫特立之英好修之彥世不可謂無人但自
教指一迷學政久亡士終日聚談無一語講求道義
終日誦讀無一字照管身心致知力行學術漫無用
處濟世安民事業了不相干非獨諸生即吾輩何嘗
非昔日諸生耶蓋自吾父師之父師所從來然矣余
以為當慟哭幾絕而聞者乃大笑欲倒也夫教職為
守令屬官而學校則守令提調曰教曰諭所教諭者
何事曰訓曰導所訓導者何人提者提撕調者調習
所提調者何效

朝廷命官之意願名而思之應如是否耶思昔盛時學有

崇禮義之風人有士君子之德修之家則規言矩行
不以狎昵邪肆媿義冠博帶之身命之仕則體國憂
民不以勢利紛華改羔羊素練之節今之人未必皆
出古人下不知當時郡邑長果蹂何道而臻此也茲
欲以三物之教望今日誠恐駭人心目吾始為其卑
近者所願有司於諸生相近所在不拘多寡各立會
約每約給以進德修業印信兩簿擇年長而公直者
為約正以察舉之擇通敏而博洽者為約率以倡導
之進德則先糾十二過如○家庭父兄鄉曲尊長有
無薄情犯禮○淫邪婦女官私娼優有無姦通包占

○鄰里地房親朋財物有無侵奪編賴○鄉黨間事
衙門公事有無干預請託○通負錢糧交結黨與有
無挾制官府○捏貼過惡聚談婦女有無生事造言
○宮室車馬冠履衣裳有無豪奢賤俗○或編貨利
或報讐嫌有無唆詞健訟○或以貪財或緣醉酒有
無譽眾毆人○或包牙店或領秤尺有無把持行市
○或交結棍惡或扛幫愚少有無賭博傾家○或搬
弄是非或起編緋號有無浮薄敗羣○士有免此十
二過者卽紀之進德簿中另加優處倘有希跡古人
留心聖學脫凡陋之識有獨得之真者卽邑以報我
當賓禮之提調教官俱署上考修業則先講十二政
○地土不均糧差多弊何以釐定之○民無禮義俗
不純朴何以化誨之○宗族祿糧不足婚嫁失時何
以存恤之○久弛武備境多盜賊何以消弭之○公
無積儲家無蓋藏何以備兵荒○疲瘵鰥寡凍餒流
離何以使得所○一歲一督士青衿滿學宮矣士習
何以不古○三年一舉賢縉紳滿天下矣民生何以
不安○民疲於徵輸軍匱於芻牧邊餉何以使充○
軍政則清勾日日馬政則俵養年年行伍何以稱之
○三大營九邊天下衛所士卒怯於見敵而敢於犯

上何以使之有勇而知方○虛文日盛糜費日廣何
以使之索簡而尚實士有講明此十二政者卽錄之
修業簿中另加優處倘有存心宇宙注意民物懷憂
舜之憂抱治平之畧者卽邑以報我當賓禮之提調
教官俱署上考夫是權也假之士怠肆者視為文具
而不肯行假之學官貪鄙者藉為利媒而反亂實要
在賢有司有倡率之實心有稽核之成法有激厲之
良術耳今不能一一道也

一國家牧養百姓守令實其專官及考先王養政不出
田里樹畜四字而已自巡行勸課之法廢而貧窮凍

餒之民多山峪溝畔曠土迹墟得無可耕之地乎道
邊牆下隴上岡頭得無宜樹之木乎犬者豚羊小者
雞鶩得無可養之牲乎糠粃可積藜藿可採得無饑
歲之防乎絲綿可織麻藍可用得無未試之法乎耕
種失時耘耔不精得無鹵莽之業乎勤苦不甘游逸
是好得無偷惰之民乎地各有宜民各有能得無未
通之利乎百工技藝皆足自活得無可教之術乎諸
如此類或上下山原或詢謀父老或嚴行稽察或時
其督課或水利可興以備旱或預防蝗蝻以抹災或
立官庄或鑿窰窰以招流或禁殺牛或賞積糞以廣

耕養民之政不盡於此而此其大都也夫為守令者聽民動情任其饑寒生死吾不知而惟繭絲是並恐古循良必不爾矣余於東省得一賢令焉今大梁僉憲許公守恩之令鄆也鄆民不織而資布於鄰粟土宜也民又不樹棗許甚恨之令有地百畝者樹棗百種木綿十一又教以種法至秋而綿成又限以紡期稽其匹丈親下閭閻視勤惰而賞罰之明年鄰不來鬻布又明年有鬻布於鄰者值歲再饑諸郡邑多逃亡鄰民以棗繼賑獨得全活百爾有司自昔誦詩時凡言為政孰外養民試問養民今何道也余甚樂聞之

一積貯繫民間生死當務之急有急於是者乎今預備等倉無郡邑不設矣蓋凶年以備賑貸兵年以佐軍興何者師行無餉則劫城守無食則變故米粟之積府五萬州三萬縣一萬五千歲歲出息而不貸凶歲出貸而不賑可當狄城三月之圍可支三軍十日之穀蓋常變者不可必之事餓殍者難多備之物倉廩之設不獨為歲也今計不能圖目前奚問異日獨念萬曆甲申以來五年饑饉萬姓流亡聽其生死而莫之哀怒其劫掠而繩之法喪亂稍平恬不為計為民

父母當如是否乎忍如是否乎昔人云採荒無奇策責無備也無備之凶雖十堯舜不能生一人何者仁義不能為菽粟空手不能活枵腹勢也孟子云使有菽粟如水火此備荒七字訣也今欲備荒莫如責粟欲責粟莫如一切之政皆以粟然而事權有在守令有不得專者惟是廣豐年之糶酌隨年之散凡官銀除正項起存外其餘新舊貯寄在庫各色銀錢但遇穀賤之年盡數糶買每年春散分為三等極貧平借至秋抵斗還倉次貧息借至秋加二還倉稍貧賒借以春放之直收秋成之穀其三借多寡之數悉令鄉

甲長保催以防通負其倉分立於鄉村遠近之間以便出納不五年而粟倍則以額粟還官倉以倍粟為社本山則當年變三借之征大山則極貧免還寡婦孤兒之貧者免還流移者免還息借賒借者待豐而還名曰兩利倉此兼義倉常平二法○自邪教盛行民間修寺觀崇鑄塑進香建醮無論富貧隨社錢者十九可痛加省論改此錢為救命會錢一月兩會各量其力多者一會錢百或五十以次差減極貧者錢一十立為簿以約中之殷實公平者掌之不許放借以起爭端須穀賤之年盡數糶買露囤一處不必斂散以防

侵冒至大凶之年誓神報官照本分給各救身家好義之人不願分領者官給旌獎其不積者不必督責另造名冊報官凶年公私俱不准賑名曰鄉會倉此即社倉之法但不出息○中人以上之產每歲所入分為四項先計糧差之用幾何次計凶荒之備幾何次計衣食之資幾何次計應酬之費幾何歲有餘則增凶荒之備歲不足則損應酬之費甚者寧減衣食之資而凶荒之備勿減分毫蓋一日一食猶不至死十日無食必不可生此民間第一要務鄉約報其數目鄰佑稽其虛實積多者另加優獎浪費者罰穀入官名曰自救

倉此做周禮耕餘之法○此三倉者一在官二在民督責之則在有司外有隋開皇轉相灌注之法唐戴胄每畝二升之稅宋乾德每石一斗之加熙寧五等出粟之令皆為備凶良策必須奏請方行儻郡邑更有精思不妨條議務期樂歲不饑凶年不逃不死若怠意於平日而束手於臨時此秦越其民之常態也非所望於仁人

一帝王為政首重鰥寡孤獨加意疲瘵殘疾曰無告之民言哀苦之情無一可告訴者也彼其呼爺孃於街市忠凍餒於簷窻為民父母亦知有斯人否乎當冀

裘攤火之時鈇鮮饜釀之際亦念及斯人否乎監司不親民佐貳不當事舍郡邑長斯人無所歸命矣查得大明律內一款凡鰥寡孤獨及篤廢之人貧窮無親屬依倚不能自存所在官司應收養而不收養者杖六十未嘗限以數也今以錢糧不足而限之數矣未嘗不及篤疾也今替目跛足全不收養矣夫收養一人歲給米三石六斗布花銀四錢錢糧原非有餘豈能盡人養濟本司昔在小東分為等差除強壯丁男遊惰不立及男子平日為惡曾犯徒罪以上婦人平日犯姦淫潑惡不孝不賢及家道原豐自己浪費

者雖極孤貧衰老者俱不准養濟雖孤貧衰老而近親遠族尚可依倚責令收存或替目而能算卜絃歌或跛足而尚能織屨編席為繩結網量給工本或凶年倍賑亦不准養濟外○其餘孤老殘疾但係六十以上責令里老鄉甲盡數報官逐一而審某某七十以上血氣衰羸某某雖未七十而老疾憔悴某某六十以上十歲以下替目殘肢不能為生共若干人作為一等盡數收養○某某雖年六七十血氣未衰尚有夫婦相依能為人抱兒守戶者作為二等待養濟院有缺照其年貌壯衰次序相換撥補○某某雖係替

日跛足而年在五十之外六十之內學藝則不能乞食則無衣作為三等擇於闈廂寬大處所蓋房十五或二十間名冬生院作通炕一炕可容四五十人作數廣被一被可容三二十人連枕厚苫分別男女每五人以有目之派老者料理其起居仍委能幹老人三二名火夫五七名主其飲食關其出入如煮粥法自十月初一日起至三月初一日止每早米粥每三人約一升午後炒豆每二人約一升守令仍於有罪犯人罰處人給皮襖皮褲各一件如無皮去處或給木綿厚大襖表裏二丈五尺新絮二斤者一件至罷

粥之日暫令乞食度日待六十以上盡數收養○某某雖保替目而年在五十以下十三以上與夫養濟院之十歲替童今已十三者作為四等願學卜筮擇善卜筮者一人為師願學絃歌擇精於絃歌者一人為師其師月給穀一石其學者如煮粥法每日令人給以粥豆令學古今勸民賢孝段落說書小令使其布散闈閭勸化愚俗有司委人每月考驗慢不學與傳習淫邪詞曲者逐出記名永不許收養大率嚴督一年在殘疾者終身可自存活可省國家歲歲米布之給而勝歌替誦流布民間使婦人女子野史村童

耳滿道義之言心決古昔之事較之鄉約所講不更親切而周編乎昔東省令如萊蕪呂君明倫選集民間善為詞傳者其感發處處真使人涕泣俱下其懇悌處真使人毛髮悚然何處無賢有司但恐不屑云云耳富貴人家能收養此輩還有裨風化詞曲而訓習之是教養兼舉一大陰德事有司申呈扁獎不猶愈費百金教戲子衣錦食肉尊奢靡之俗長淫惰之風乎是舉也十九笑余迂而余自謂不迂也仁人君子午夜深思之

一諺云衙門奸弊八分糧地假令坐派分明催科有法

開倉以時收納無弊而惟正之不供也則雖日事敲朴不謂煩刑今也貴賤不均陞擢未確豪猾通積書而增升減合里老瞞官府而賣富差貧數畝之田差名種種一人之稅亦歷紛紛官不得其要領民不知其精詳甚者暗增千百十說二三此坐派之奸也里老騙收花戶重納花戶通慢大戶包賠差催人眾則錢糧止足供賄賂之資地戶星居則里排目疲於奔走之役比限不分多寡一體鞭朴豪猾竟不到官專責下戶或死丁荒地逼見在攤包或說隱田糧致甲中受累則催科之混也民間輟辦糧賣為多律法微

收定於熟月今有司分四季催科矣雖各項差糧日
用刻期而青黃不接勢必稱貸又有司終年比較里
老終年催徵花戶終年辦納大戶終年坐櫃則開倉
之害也及納銀到官垂涎於大戶之多收者巧名取
派借口於有司之需索者橫肆增添有暗加一明加
二者既重取於小民又輕給於解後甚者無銀而空
文起解或經歲而不問批收此收解之弊也其他編
審頭後或傾人之家耗費里甲或逼人之命累苦者
獨不見知奸巧者公然得志嗟夫非賢守令誰復留
心余舉其大都與二三執事者商之○先將縣地

畝清查詭寄欺隱及除豁王屯匠窰外得實在徵糧
額地上中下各若干頃畝分整縣應徵本折起存
益站拋荒等糧各若干石斗升合縣某項某項銀
力力差明坐若干兩各項差銀共若干兩錢分發縣
縣九則人丁共若干丁每畝上中下地各該糧銀若
干差銀若干每丁上中下門各該丁銀若干門銀若
干以撮合總條分釐析刻一書冊人給一本此舉縣
差糧一定之大較也然後造本折赤曆二部本色赤
曆凡係徵收米麥等項明開某倉道路若干腳價若
干斗頭若干費用若干每石應收一石幾斗幾升幾

合五句以上增為一如民情不便情願收折色於所
合四句以下免派
在倉口糴買者估計稍寬每石徵銀若干即附於折
色赤曆折色赤曆內開某里第一甲一戶戶頭趙子
之內各寫花戶姓名不許混以上地若干該銀若干糧差
戶頭名下總領某地丁地若干該銀若干糧差
者若開原無差中地若干該銀若干下地若干該銀
若干差銀若干門銀若干丁銀若干以上共銀若干
一限納 兩 錢完則註定二限納 兩 錢完三
限納 兩 錢完四限納 兩 錢完五趙寅趙卯並同寄庄戶無丁下下則無糧各照應
出銀數分限並同銀一錢者不必分限俟未限一起

完納其完字大戶手註止分糧差丁門四款並不用
各項差糧名色以亂小民眼目以費造冊工力其有
地有丁花戶各照赤曆填給由帖一張令之存留執
照其各里里長各給完簿一本若行齊約只用約中
便每花戶止占一行如云趙子銀 兩 錢 分
釐一完二完三完四完其完字亦大戶手註比限之
日里長止執完簿聽比○掌印官先查舊曆每年完
糧里分共若干開倉之前出一獎示寬寬兩限再不
差人下鄉再不鎖拏比責以示優禮善良之意其奸
頑里分花戶擇銀數多而戶則高衆人已納二限而

彼尚不納分毫者先點三五人馬上鎖挐枷項令催本里錢糧完日始放○又出一示各里納銀分有定日某里某日但過一日者不收花戶親納里老代納者各責其路遠銀少花戶不願親納者須親伯叔兄弟子姪親甥舅婿岳岳方許代納糧差俱完之日里長遞完簿掌印官於簿尾親註本里俱完四字以印鈐之仍付里長收執○如有荒逃地土查承種何人如無承種者須寬限招開如確簿不堪者寧搭作拖欠決不可令里排戶長包賠升合死丁即與除豁逃丁十年以上邈無踪跡者亦與除豁宗族里甲有丁者報補如無於各里各甲有丁者報補如無寧搭作拖欠決不可令里排戶長包賠分毫其孤老廢疾無家無地之人既不羨濟盡與除丁不然亦不過逼之逃且死耳所除丁地錢糧果在八分之內寧於見在丁地多增毫髮亦不為慮蓋眾藥易舉基於獨累難堪况荒糧地死逃丁未必十分之三也令工部員外郎李公端者昔令鄒平有二三里分地荒丁貧差糧難辦逃者不敢復業公招之來以縣縣之皂快門禁轆扛馬騾等夫盡給本里貧丁令之應役除准本身錢糧又得各里工食三年而逃亡盡復荒蕪盡開隨宜

酌量在有司者盡厥心耳○錢糧十二月皆有緊急使用而徵收須在麥秋兩時以一兩為率夏辦頗難六月初一日開倉七月八月完足令納四分秋辦頗易十月初一日開倉十一月十二月完足令納六分即下下人戶與人鋤穫田未撥拾柴草鞦辦亦有藉手改移於兩時催攢徵收支解於一年消息緩急賢者自有良法其詳不能盡述也○緊急差糧刻期起解支銷者如正月用度預於十一月編發赤曆於上六則人戶計費先徵公私兩便往見慢令致期者止取便於大戶致令負債傾家先期催徵者又藥及於小戶至有逼極鬻子急於前以苦頭役緩於後以惠奸民彼昏不知虐孰甚焉○徵收不須加耗自有贏餘昔余知大同日正行投櫃之法較以戶部法馬為准等約曰多收一釐者董如數有收銀五錢而重三分者余董之三十枷號一月及折封每封型驗有不多者有多三二釐者計數萬封總重六千兩積出羨餘二百三十兩有奇傾銷工食添搭火耗查盤罪名循環使費冊簿赤曆單票紙張工食盡取給焉乃知積少成多物理自然或曰使下今少納一釐者董如數則積羨又何如耶蓋當時亦有行之者矣吁何

異大戶之明暗加收哉民心如鏡民口如川自愛者
思之○富庶之邑宜條鞭法一切工食收銀在官從
公給散貧累之邑宜由帖法各役明坐工食給之花
戶定以下上下中人戶近城一二十里之內者令之
自行計要蓋上六則富留以納銀下下戶零雜為人
役在有司調停之耳○重差自驛遞名募後惟有大
戶庫後館夫買辦里甲猶稱累苦苟勞其身而不帶
其財何苦之有民猶稱累有司可知近奉

明旨里甲不許賒錢買辦不許削帳行戶俱照民值不許
賒欠違者本司訪知徑行參提罷序○近日驛所夫

馬之數裁革夫馬之銀減少支銷走遞站銀日不可
缺比各役工食更為緊急而有司視為緩圖此近日
一大累○祖軍設有三枝第一枝從軍是曰軍籍則
清勾者第一枝之子孫至於兩弟不曾從軍即係民
籍法難混攝犯充永軍止用在戍所生頂役犯前子
孫並不清勾此題

准事例也名募受賞軍人止是終其本身果逃則取當房
兒男補後惡騙賞也果老且死子孫亦不清勾謂無
籍也今州縣不分清白一體追呼騷擾殊甚至其應
解軍丁反被吏書影費觀清軍而有司之政可知矣

一宋儒羅從彥云教化者朝廷之先務風俗者天下之
大事故上有教化則下有風俗俗之美惡其機固不
在民也三晉民俗大都驚悍而少和平嗜利而輕骨
肉健訟而寡忠信推魯而不文雅豈獨風土亦漸靡
致然當唐虞時夫非所謂時雍風動比屋可封者乎
為廢弛者之說曰風會日流人心不古以古道治今
民是障狂瀾而西也嗟夫斯民也亦嘗勞來匡直輔
翼之乎亦嘗使之自得又振德之乎倍臯陶之功而
半其效吾猶曰民可教也況教法既已湮沒教言又
復絕響閭閻則鄙野成習不知孝弟禮義為何物市

井則貪詐是圖不知忠信廉恥為何事為人上者亦
相與沿襲恬然不復動念自昔詩書所誦習若繪衣
塑食不可施之實用果爾則詩書固可焚也念二帝
三王之教未嘗不宜於今日然有司猶謂迂遠若

皇祖教民榜文及

聖諭六條旌善申明二亭非

時王之制乎二三執事必有著實舉行化民成俗者而予
未盡聞本司向巡東省徧訪民間有憫老父孤寒冬
月共榻煖足因妻不悅而遂出其妻者有以二驢起
脚為生忽被隣人盜去後事發召之認乃曰渠借吾

驢久尚不還非盜也而盜遂得免者至於貧家婦女少年守節艱苦終身者往往有之此皆窮鄉遠鎮單族寒丁在彼固不知何者為名有司亦不知此人為善及所稱孝子順孫義夫節婦皆力足以致聞或城中之易知者至於鄉飲所舉不論有德無德惟爵位是尊鄉賢所入不論公是非惟體面是重其舉善好義君子未聞弊嘗一人犯法警迹人戶未見示懲一人嗟夫何處無良民何民無良心上不重德而望民之興行不亦難乎不知二亭之設何用也所刻鄉甲約一書雖近瓊屑郡邑果能以實心行實政責實效免而無耻之風尚庶幾哉若德裡則賢者自能倡之非本司所敢繫望也

一衙門及鎮店鄉邨各色人後皆食民以自饜虛民以自逞者也多一人則民受一人之害減一人未見廢一人之事彼其憑城勢假虎威小民豈敢與角卽有被其害發其奸有司豈肯與直哉一失衙門之心終身之懼但傷一人之體衆人之讐此牢不可破之弊也為民父母果欲子惠丞執則清嚴衙門最為首政信崇左右是曰極昏且如皂隸止為行杖把門執爨清道編審正額不為不多掛搭綽攬可不嚴禁快手

催促急事防護遠行足用而止至於青天提鎮接遞老人聽事陰陽之類各查其事食果否相當勞逸有無均適門庭倉獄守夜巡風應否添撥火夫公軍差發公館修葺曾否類及街民冗者應革則革累者應優則優務令無倫安肆志之人無獨苦重勞之嘆此衙門之清也各里既有老人里長又有地方保伍又有總甲小甲又有邏官堡官又有集頭老人一家而數人管束一事而亂接單票錐末之過張聲勢而詐錢財瓶儲之家指呈報而淋酒食懦夫豈暇望公門如隔九關衙虎里針通氣息如出一鼻豈無抱屈鳴

冤不過賠錢受辱蓋護庇衙門者庸吏常情壘蔽有司者奸黨積習故與其防之也不如省至於約正副保正副往年皆用貧無賴者故屢犯屢應僅同僕隸今選保正副皆殷實自愛者為之選約正副皆老成有德者為之得人誠難是在賢明有司經自留心鄉甲百姓連名公舉耳舊堡官賢卽以堡官為保正舊總甲卽以總甲為甲長惟居之遠近是便惟人之賢能是求公事不必排班聽委朔望不必作揖升堂無事不必回呈遞結此閭閻之清也中外若此肅清而賢守令總理於上時稽其奸弊常振其廢弛又禁

巡邏兵壯一切擾民擺路鎗夫百凡動衆如此而小民得一日息肩則得一日奔走衣食而差糧亦易以辦納矣

一憲綱合屬衙門不有所謂醫學者乎醫官

欽選於銓曹醫印鑄頒於禮部醫士則其教習之人惠民

局則其施藥之所

朝廷仁壽斯民意極懇至矣今醫學署印者既不識岐黃

丹素為何書醫生在官者又皆以接遞聽差為本役

其開鋪標牌挾包賣蕩之人有書者全不理會病情

藥性情然不知無書者止記單方大病危疾悍然下

藥有餘不足同治內傷外感倒施以至巫婦師婆等

衆專治婦人小兒毫髮不知極蒙信任有命者或活

二三誤殺者十居四五夫兇惡折跌人肢體尚發邊

衛充軍充軍未至死刑猶且數經駁問今庸醫以一

劑之藥殺一人之命病家不詳所謂死者莫知其由

如此冥行毫無罪過慨自王政久衰官業多曠談及

此事便謂迂濶不知陰醫二學雖則並建而緩急之

務奚啻霄壤所望二三執事以民命為至重以舊政

為當修醫道雖不素習醫書豈不認識先修醫學一

所次置本草一部或湯液或發揮醫書一部或醫學或發明或藥筌正傳或

心法附餘或古今醫鑑或明醫指掌式次下令城市醫學入門或玉機微意或仁壽直指

鄉村不分土居流寓但有精通醫道者考選一人申呈上司給與冠帶使掌印信次下令四境行醫人等

不分男婦俱委佐貳會同醫官考試各認方科分為三等上等堪以教習授讀醫書中等不通文理令記

單方下等止許熬膏賣生不許行醫其醫各自教其妻以胎產調經痘疹驚風等方藥師婆人等又受學

於醫人之妻但有疑難病症必須請問醫學如婦人不學不問擅自行醫者將夫男重究婦人杖革三等

之外不堪行醫者盡數帖名編示遠近不許招呼凡

在醫學者置叢堂上掌印官或醫委佐各限以書隨

所每月拘背一次驗其生熟問其義理精熟者本生

量賞醫官同賞生疎者量責醫官紀過一年之外驗

其稍通者病家迎醫許醫官量能撥發仍置功罪簿

二扇許病家親報治效者登功簿不效者登罪簿以

憑有司賞罰三年學成方許給帖陸續發散各鄉村

集鎮聽其行醫仍各給官簿一扇治效者病家親手

登記滿百人者驗實送扁旌獎仍聽四季考試每州

縣於編審均徭之年大郡邑四十八兩次三十六兩

次二十四兩除醫官照雜職吏典月給倉米一石外

其銀置買藥材雇覓炮火以救貧民無藥及天行瘟疫施舍及賞賚醫生勤敏之用不許有司扣減藥銀不許醫官私用藥材其醫生量供醫官束脩及醫官出治本縣士民者聽從其便但不許妨悞教習其續收新進者仍照前規教習庶病家不至夭其天年醫人亦得裕其生計亦有司仁政之大者也

一盜賊源委不可不知酒肆娼門賭室其招聚之由窰場寺廟孤庄其隱窩之處壯年僧道乞兒其窺探之人各處閒懶游民其合夥之輩夫盜也設從天降地出真無奈彼何矣彼其能不與人同里而居朝夕相見乎彼其生理經營里人寧不聞乎所與交遊姓名面貌里人寧不識乎縱令孤庄彼豈無親戚宗族朋友之往來其行藏能盡塗人之耳目乎乍貧乍富潛出潛歸或消沮閑藏或豪雄自詭言動不同狀貌自別蓋誰為盜誰不為盜里人辨若白黑日躡足附耳談之矣然而不以聞官者何彼為盜與我分毫無干我發盜其禍旦夕立至者也故上之責成也嚴則里人畏吾法而不畏盜盜雖讐里人而不敢讎法里人不畏盜則盜無所容盜雖讐里人豈能盡讐一里之人哉以是知舍鄉甲法雖聖人無弭盜之術矣今陳

其畧如左○一曰禁游惰之民夫各安生理此聖諭也不農不商不工不傭而游手絳身亂混閒談捕鳥

關鷄彈線蹴踘此何物也世未有身惡勤勞口恣甘脆不遂所欲而不為盜者以後不分貧富人家但有此等子弟鄉甲盡數報官另籍一冊號曰棄民簿言天地間之棄物也編諸鄉甲察其動止朔望點卯問何營生地方但有失事即如此輩根求不但防奸亦驅民着業之一法也○二曰嚴流寓之民夫流來寄住皆貧無賴之人未有不餓人房屋佃人土田依人窰場者房主地主先查來應更擇保人編入庄頭自行管理仍各造冊送官但有防範不嚴地方失事獲盜之日審係誰家居住者不分強盜竊盜曾否知情分贓俱以窩主坐罪有能早知而逐出本家者犯後免其併究早知而捕送到官者俱照獲盜重賞見約○三曰逐強壯之乞人除替目跛足及七十以上男婦十三以下小兒不禁外其遊食僧道乞食壯丁或強宿寺觀住持須得容留或暫寄窰場主人不敢訶逐或三五圍坐門前動求斗米足布或瞋目索索飯食不遂便出惡聲官吏情不詰奸閭閻誰不懼禍為過計者之說曰此輩不宜驅逐聚結反為大患嗟

夫彼不生於空桑寧無原來籍址除傭佃經營習土安業及失迷鄉貫者聽其寄住外其餘一一清還原籍僧道則令本土住持收管焚修壯男則令本土里族收管着業或有司別立計處開民之法詳在凶年離散一番豐年查歸一番律不有發還元籍之條乎強壯乞人每郡邑率不過百人耳即隣境未肯通行而嚴督保甲不令容留但保境內失事者先坐容留之主則此輩無潛踪之所矣○四曰重捕獲之賞諸邑人等但有於劫所殺賊一名或生捕一名係竊者審實賞銀五兩係強者審實賞銀十兩獲久盜大盜

一名者賞銀二十兩獲強盜三名以上者除賞外仍鼓樂花紅送扁五名者申給義勇冠帶專管巡捕永免本身差役其銀即懸於州縣門前朝發暮收獲盜得實者准其徑取○五曰禁煙賭之徒四民之業三五為羣良善之人數十結社有何不可凡係棍徒但有成群合夥寺廟賭博或開張之家收打頭錢者鄉甲指實密報除問罪外枷號遊迎拘當苦役仍重賞告人娼優之家但有不識姓名男子使錢寬綽色狀張皇即密報有司審實者一體重賞貪財容隱者事發一體重究○六曰緝窩盜之主見在夫盜之去住

無常而窩之居處有定盜之踪跡猶秘而窩之舉動其彰盜之勢大而窩之勢孤語曰除蜂摘窠故窩禁不可以不嚴也或曰雲集鳥散亦有無窩者曰固也無窩之家其盜必近豈能除劫掠良久之時分賊擾攘之後一更五更之間自三十里外而來出三十里外而止乎故窩能首盜者免罪獲盜者除免罪外一盜准一盜之賞諸人能獲窩得實者一窩准十盜之賞○七曰寬首盜之令州縣平日下令凡保三族之親不分有服無服但肯首盜者與盜自首同不犯姦殺俱准免罪保甲隣里密揭報盜者半獲盜之賞隱

忍不首者盜犯之日即責三族及本甲鄰佑跟捉比較盜獲方准釋放○八曰密遠僻之防郊關村落人煙轉集保甲一嚴盜自衰止惟深山窮谷人迹罕至雖無可劫之家多棊行劫之輩除有庄田勢難遷移者聽其孤庄仍於隣近十里之內立一團長令其挨家三三相保團長統之一家為盜兩家同首不首者別三發覺團長申呈兩家與盜同罪其結山為寨者就立寨長以保甲法統之仍以禮義化之負固為盜者或招撫而散處之或墮其山谷不與民通或夷井伐木不使安居甚者以兵勦擒之○九曰清邊鄰之

民三界首間民同里而分屬彼詰則竄名於異郡此拘則逃身於彼邑三處之法不得加焉而守令互私其奸究以讐鄰此盜藪也凡係邊境兩下共立鄉甲彼此會行法令倍設保正凡有盜發即許所在鄉紳徑送所在有司但有回護留難者申呈合于上司官吏提究泰治○十日練鄉甲之兵十家為甲家有兵十甲為保保有警各備防守器械等物

豈欲空有此具而不許其練習哉今處處有武備而人人不知兵徒資盜耳若於各保之中不分主客戶但係久住者二十以上五十以下除傭作者貧

無衣食者有占役者不用外其餘盡屬保正副統之十月納禾之後三月未農之前將各壯丁在城分為四面在鄉分為八聚官募各藝教師十二人各給工食使習之兩保三保共更一人更便一二處教習弓矢一二處教習刀鎗一二處教習鞭棍一二處教習擊擲一二處教習火器每處分為兩隊隔日分番朝食而來夕食而散連近酌量務在十日之內一年之後不用教師調藝互習彼此相傳有司分日親臨觀其技藝或東面與西面角短長或南聚與北聚比生熟一年賞次能者二年賞上能罰不能者三年罰寡能者四年而人皆知兵矣

然後各歸保甲自行練習如是而人懷技藝之心惟恐無盜可擒盜懷技死之懼安敢公然行劫耶是舉也可以攻戰可以城守兵年保聚以防家墓時倡率以勤王乃彌盜特餘事耳其法詳在練鄉兵議○十一曰嚴盤詰之法今制凡人士出外皆於本州衙縣告給文符回日銷引此法久廢今擬以牌代之猶有存羊之意凡在保甲之人不分主客貧富各給一護身牌如公差年貌一圓牌一牌一面寫身長若干年歲若干而長圓方有無麻疤癩瘡鬚屬某縣某保甲軍民匠籍籍一面寫住居城南北東西某地方父母妻子何名姓各保甲造送州縣官刻畫押字點硃用油而給之凡保甲

中出外之人除所至不踰五十里往返不過一日者免其隨身外其過一日及出境者俱於保甲給假借戶給假於房主地主備牌隨身行出關入店過有人朝出暮歸不許過二日盤詰者以牌為驗所居地方抄牌備照無牌及人牌不對者拘審行查其在家者交接面生之人保甲隣佑嚴問姓名所得可疑之物保甲隣佑嚴問來歷每出不歸之夜保甲鄰佑記其月日以上盤詰皆其人素不端良其跡素難憑信者若忠厚謹飭之人及有身家體面人所共信者不許一舉瑣屑○十二曰重保正之選見鄉約○十三曰明夜巡之法夜禁之令以一

更三點禁人行五更三點放人行禁後放前凡有行人除公務急速疾病生產死蓋不禁外其餘不分士夫嚴禁夜行凡夜行者不分面目生熟但要拘留送問諸人不夜行則夜行者必盜矣盜見無人夜行難以影射亦不敢夜行矣至於夜巡門前最緩而宅後為急蓋門前多空房無可盜之物門前係通衢無隱身之處盜所從入宅後常十九也柰何專擊折於通衢哉巡城巡夜法見別議至於集鎮鄉村亦當輪流巡夜即不出戶要須徹夜有聲使知人犬非睡熟也○十四曰青救護之疎見中約

一國之大事在祀而須知三十一款首曰祀神且學古入官惟有两重夫非人民社稷乎若今之祀事不若不祀猶免禍於神明耳壇遺廟宇宿莽積塵神主龕籠傾敝破毀几案皆烏鼠之踪庭除有人畜之糞及祭祀屆期齋戒視為虛文執事何嘗告戒拂拭者垢膩重重滌濯者污濁繁縟醜不問熟生儀潔未知精潔帶泥連草之菁芹舍蛙蒙塵之棗栗凡百供陳盡托僕隸師生且不躬親有司安肯省視不過五鼓排班勉強一拜而已夫頒賞下人猶必有禮乃恭承大祭全不經心鬼神無知祭可已也鬼神有知寧不吐

乎此與放而不祀謂祭無益者相去無幾矣夫尊崇功德以勸蒸黎祈報春秋以福境土是有司一身神民所依也况修葺整飭為費幾何歷覽嚴督為勞幾何是可苟也寧有不苟者乎外如先朝陵寢或踐踏於芻牧牛羊前楹子孫或流落為傭乞廝卒者亦當表識優恤以示重道之意其餘庵觀寺院見在者改為鄉約未修者嚴行禁止仍查照教民榜文使庶民之家所在鄉約導出會分或豕或羊果酒香燭於春秋二社報賽土穀之神止用鼓樂不許娼婦誼雜淫言嫚語褻侮神明招生禍變其家庭靜舍或寢室中

間各於應祀祖先有主設主無主為位家長每日早起一揖遠行出入焚香再拜婚姻生子生辰隨便陳設告慶新物初熟伴以酒食告薦四時哀節忌日牲果酒食告祭物不在多惟其誠禮不在文惟致愛不獨報本追遠見民德之厚而習禮存心之人自無凶器奸盜之事矣

報政實單

山西等處提刑按察司為嚴畧考之法以驗長吏淑隱事照得本司職專廉訪事實核真近據各州縣季報賢否文冊虛文濫套避怨市恩註來句向褒嘉安

得人人賢聖夫近莫近於同事之官察真莫真於經年之聞見以為不知耶則察屬善惡漠然不動心思士民怨德惛然不入耳目長吏之才識可知矣以為知而不敢報耶非政無紀綱我無以服彼之心則身有指摘彼得以籍我之口長吏之品格可知矣柰之何操守卑污者尚曰一毫不染才能踈短者猶云眾善兼長以哀頹為精壯止騰脚色云云以情慢為勤勞漫不知何事但取同官感德不恤百姓為警此皆近日所謂感德長厚惡

朝廷建官之心長吏率屬之道應不如是夫為長吏者誠

能正己無私勤民有素或得於觀感者同心佐政或束於嚴憚者砥行持身彼不幸受誣吾即去就保之有何不可如果卑鄙不才昏庸難策我節愛而被貪殘我振作而彼廢格或奉承以取悅或壅蔽以行私苟有公平正大之心寧無督率鈐制之法况可庇不肖以玷己之聲名哉為此定為新格務要備細實填倘故習牢不肯破而所報不與聞同本官即以同惡相容並置下考至於守令居官事實往皆漫然無據士君子懷為國為民之心居得行得止之位豈無良法善政加於庶民者乎即至到任以來或保便宜

施行或曾申呈詳允者逐一細開以觀實政文到即同察屬實單審封速報須至冊者

計開實單填式

本職自到任以來行過宜民事蹟

一件 一件

同知某人某處人由出身年約有十歲正壯頗蒙高壯已矣

貌中村 昏時 淵大 清考明白 平常 頗淨 壯保心真欲才 利便 不貪 不揚 誣詐 精細 殊壯 大壞要事皆 政勤敏到要事皆 實獲明分 實大善德

判官縣丞主簿以下俱照此格填造

備善政亦令本官自開不拘多寡但要指事掌印官仍須訪真實造入實單果非實事不許扶同

考語只用詞不係先賢而後改節先不肖而後改圖者

不必再報倘前後不同許不時更換考語馬上差人

馳報若朦朧隱忍致賢否矛盾者責在長吏

府填本堂佐貳首領合屬及州縣掌印正官俱照此式

其州縣佐貳首領合屬不係賢不肖之尤當薦賢戒

斥者該府不必造報

山西等處提刑按察司按察使呂 為慎刑獄以廣德意事照得居官所慎民命為先民命所關獄情為重惟是囹圄非消吉之地罪囚皆凶穢之人有司或意有憎嫌或念不暇及以致桎中虓虎不關守者之心釜底遊魚盡付庖人之手生死莫能必命苦樂邈不相問固知良吏當必不然但事體未盡講明而事權或難專輒假寐既未見羊填寡甯無宜犴為此據所宿聞條為獄政嗚呼自古聖帝明王未嘗縱不逞以為良民憂然曰致刑曰明慎曰明罰曰無敢折獄皆慎也曰幾死曰赦過曰不留獄曰欽恤曰甯失皆仁也有司者司民之命假令不得正命而死民奈爾何祇恐

天道有知怨魂不滅勢既在我則死於識見之誤死於失察死於漫不經心與故殺者一間耳世稱提刑為人代閻羅而我未嘗不兢兢焉況守令為蒼生父母可弗慎乎諸條列事宜關防則欲其嚴密存恤則欲其周至蓋法不可廢而情不可斷所望郡邑長相與訂之中有未安不妨明白商榷以便改正總之明慎於恤皆

聖主德意而我輩推廣之耳書冊到日酌議可否呈來

監犯

優恤八條

一強盜人命各有柩床軍徒罪人往往地臥須與並打炕竈上設苦席塊枕令與重囚同牢一則令見嚴刑一則借以防範其在監囚犯除久囚有穀及家屬有供者聽從其便外其軍徒及寄監未解未發人犯無人供給者每人每日計米一升鹽菜煤薪錢五文直日刑吏記簿出監之日照數納穀上倉其家貧者徑准開除如有牢頭監霸輪作火頭或以照面稀湯薰鼻壞飯不得半飽多科飯錢每日刑吏回風務要指實稟治如刑吏受贓朦朧者獄院置大鼓一面許被害擊鼓十二聲以憑孛問重究刑吏坐贓革役一監霸多係豪強之人買通吏書役使禁卒凡犯人入監無錢打點伊即替多出務滿需索之意未出監門利已加倍或家中典賣田園或臨時剝脫衣帽伊且自待甚尊奉身甚侈獄中大小皆其頭指氣使之人凡欲短長皆得趁意遂心之便甚者市恩報怨捶楚詭呼每稱再殺一人只是添一又字教唆新犯變亂是非就中取利而豪無賴者又為之羽翼焉又有獄吏禁卒相與朋黨為奸為害不可勝數獄中之事守

令有意念不及足跡不到者其中苦樂不平生死飲恨誰則知之有司數日一下蓋或忽召數因而細審之必有得其情者

一盜情初係招攀人命未分定執及監追家屬等項情罪未明之前內有供明者有辨豁者有止於徒杖者名重故不得不送監情疑故不可不分別凡此等犯與轉詳未示已奉決單者不同其飲食疾病須要萬分加意若聽從禁卒刁難衣食非理凌辱及致身死但稱偶得某病撥醫調治不痊某日身死已經相驗等申文俱不准理應管官吏以凌虐罪因從重究

治如近日楊勉平白誣執萬天純為彥乾為盜僅踰七日父子俱死於獄及眾証知是良民而楊勉亦擬重罪何益於無辜者之含冤哉凡獄中罪犯聽其死生畧不經意及死而曰非我殺之冥冥有知當以孰為罪魁耶居官作子孫之孽此為第一

一獄房大抵多狹故威著牢廬可慮除另造病房兩間添設炕竈以便病者必以發熱不食氣色異常醫生稱病者方准出柵移房調理外自四月以後九月以前每三日一掃除房中但有腥羶蕪穢之氣查係何人所作便加懲治房牆近簷之處多加小孔數十以引清風以泄濁氣單徒

等罪足脛亦繫短錄活鑄夏月與禁子聽其露寢直宿禁子不至於溷廁亦須五日放門一次令囚丁打掃或時燕蒼木以避邪惡多備天水散等藥以防暑

一監門當改於二門之內以便關防獄囚以到監先後為序立簿籍二扇監中一扇堂上一扇仍照犯人數目各置短籤大書名姓因家飯到由一角門入當堂唱名掣吏搜檢畢將籤名插之飯上按次到監門監外置雲板一面一吏引囚飯至監門擊板三聲內吏執簿點名強盜令禁卒挨次代領入監竊盜及人命

重囚禁于接置地下各囚按次親領隨隨拔籤內吏交於送飯之人犯人與家人許見面不許交手許通言不許通字其籤送飯人當堂親繳如領飯不明或有搶奪送飯人口稟印時放飯牌出辰時放飯牌入一日一次務不失時以便違蚤常飯不禁肉果惟大節及本犯家慶許送黃酒一斤病人用酒日半斤餘日餘人俱不許用酒至於燒酒禁不許送在官人等但有搶奪監倉犯入杯酒片肉口湯塊餅者重責枷號革役

一囚糧載於律令大辟亦給蓋有二義為絞斬重刑凡

以警惕黎庶典刑明正庶足儆孤幽魂不欲病死獄中致逃法網一也應死罪囚臨時首領既不得保全平日肚腸又令之饑餓憔悴當刑情所不忍二也天下大辟計囚糧每歲當不減數萬饑饉連年有死民而無死囚患無乃溢乎曰此後世失立法者之意也國初法嚴而犯死者甚少法信而刑成者不停情罪既真違者止於杖後違者決不待時一歲之囚不出秋決待秋囚犯食糧幾何是以囚應給糧而不給者律管審錄無寬而故延不決者律杖萬歷庚寅余錄山西囚案已未奉決及情真未詳者十三百有奇有五

十五年不決者矣三二十年無論也有強盜三五年不決者矣各犯絞斬無論也如是而月月有糧歲歲不死袖手於不質之房役身於無差之地悠悠日月待盡天年視祁寒暑雨早作夜勤之人安閑不啻千百矣何以懲奸戢暴正三尺法紀伸九地沉寃乎然則囚糧可違革乎不敢也囚犯可勝誅乎不能也是在司獄者處之耳今監中惟有強盜尚在嚴防其凌遲斬絞等犯與半禁人等日久天長情通事熟不帶枷扭半作營生雖於法未宜然獄獄有之人人知之矣似當斟酌情法畧與通融但令大錄嚴錮牢絆兩

足除打繩紡線木作等藝不令習學外其餘挑網中結草履作布鞋一切不礙闔防生藝初給半年囚糧令作工本待藝習頗通之日令自為生其有應賣之物待放飯之時各付所親辦買以資衣食門禁驗明照出不許刁難如有公家之役獄中効勤及年七十以上百藝難習又六親無人法重情輕者照常給與囚糧外若能藝而不學能勤而不劬者雖有飢寒似難准給如是則重囚不為徒食民膏不至濫賜桂棹既無困苦防範亦不疎虞果否可行有司議報當俟轉

聞不然徒犯無食拘役死罪坐享衣糧可乎

一獄囚請給衣糧醫藥原無已成獄未成獄之別近來有司不知何據惟奉決及曾上長枷者照月給糧而見審未成刑之人牽連淹禁經三五年少衣缺食有病全不照管分毫但報陸續病故是仁於情真應死之重犯而不仁於情罪未明之生人也是不曾看應請一應字及因該死流徒杖一該字也日應者有無人供衣食看視之類日該者情罪重輕未定之詞日流日徒日杖則請給衣糧醫藥者又不但當死之人矣凡在獄重輕囚犯果資身有策供給有人自不當

妄行申請果飢寒迫身疾病有指自不當坐視艱危
仰體

天地好生之心

聖王恤刑之意者誠於律文一細讀之如苦錢糧無處則

少禁幾人權亦在我何可草菅人命哉

一女監有犯姦及應該死罪婦人此皆刑吏禁卒之妻
妾也死生自有常刑男女豈得無別但監守從來無
人致闕防不能無弊今擬養濟院中老婦擇其稍精
壯者二人作為伴娼其犯婦接送飲食及門前呼喚
應答皆以伴娼代之女監中水火鍋竈及宿止之處
亦須事事處分約花作履聽從其便伴娼除月糧布
花照院支給外每人每季再加鹽菜銀五錢其門戶
闕關仍以刑吏夜巡仍屬大監豈能必無邪行要以
成男女之體而已

闕防八條

一 柵床之制極為嚴密頭上有揪頭鑲項間有夾項鎖
胸前有擱胸鐵索腹上有壓腹木梁兩手有雙鑲鐵
紐兩脛有短索鐵鐐兩足開於柵欄仍有號天板一
葉釘長三寸密如蝟刺利如狼牙其板蓋於囚身去
面不及二寸仍以臬木闕關而禁卒臥於其上以聽

囚犯動靜復有四面標欄狀如鳥籠八縛在檻四體
如矧手足不得屈伸肩背不得輟轉莫道蚤虱交攻
蚊蠅爭嗜縱使毒蛇蟄身鐵鼠噬足蜘蛛入腦大蛇
纏頭只須忍受孰能寬之此法司定式天下所同凡
係重刑皆當就柵立法者豈如是以苦人哉強盜姦
殺截路罪惡滔天甚者難違劫囚盡令解脫須如此
嚴始無他慮但吏卒不耐煩勞或聽受買央或忽為
無事往往全不上切率以為常假令止禁手足腹項
四處即強有力者未便能鬆何至有越獄之患哉廢
法之罪與賣放均及至大盜奔逸每以不覺滅等殊
為過寬至於土豪積棍大奸巨凶不孝不仁屢懲屢
犯謂發配如赴席以充軍為看景蔑視紀法凌奪善
良此等之人不死不止夫背痒不搔心急無奈彼身
不入牢門豈知世間有此不受用之臥處哉當以監
柵嚴禁困頓消磨艱苦備當但令不死蓋與其永錮
於當死之後悔改無從不若警懼於屢犯之時死亡
或免各州縣宜作柵床一具置於大門之外令其聚
觀但有頑縱不悛者不必枷號盡則鎖於柵外夜則
切於柵床待十分悔悟多人保改者始放是亦不肖
之教也書云象以典刑尚書大傳曰古之用刑者畫

象而民不犯今之世古遠矣而又不懲象以示民
惟其陷也而刑之仁人忍如是乎

一監犯以踈虞為第一然長枷輕簿不足防跳梁之奸
粗繫則手腫鬆則手脫且飲食便溺疾痛癢疥手為
日用之資粗豈常帶之物不知用籠大錄獨嚴密
鎖絆除強盜枷粗兼用外其餘重犯只宜牢錮四時
更換鞋襪之時當堂先定手粗然後開錮其錮須置
於脛骨之上貼著皮骨甯令襪膝穿破決不可施於
鞵上致令寬鬆易於脫足且錮餘動則聲聞舉足不
便但不開鬆自難逃走闕防囚犯此為最良每夜但
鎖柅床亦可必其無事手便於動作而足苦於羈縻
亦情法兩得之術也

一每歲法囚大者不及十人即決先及強盜強盜歲法
尚不能盡是以重囚自信老死獄中越獄反逮其斃
故脫監之念不萌強盜自知必難久活唯逃萬一得
生故反獄之心甚切彼強盜者情罪既真雖三木囊
頭八縛羈體死於囹圄首領猶全為幸已多惟是羈
盜未經捕獲賊物未見分明一有寬抑是殺無罪白
日止宜帶錄夜間散上柅床但免踈虞足矣不可與
真盜一體嚴行禁錮

一獄中常置火砲數杆以防囚盜出獄先與守城人約
放砲四聲先關四門更夫登樓撞鐘無數快壯人等
護監牆保甲街民攔巷道各家開門防盜入舍壯男
子執兵防盜跳牆盜不拒捕格鬪者只令投兵就縛
不可遽行打死其獄中死罪軍徒原未從賊出監者
不許玉石不分一切捶斃恐上司不信捕獲死人何
以驗辨至於就捕還獄之後不得遽加拷掠待事定
詳先即令斃獄不謂不仁凡罪人越獄便當擬死况
重囚再犯死罪乎

一夜巡之法一更五更最緩二三四更為急三更為尤
急每更監中用禁子一人鳴鑼走獄監外一人鳴
柅內一人提鈴相約各十步一聲先一聲鑼次一聲
鈴次一聲柅迤而後始不許斷續亦不許鈴柅亂響
致令獄中動作不聞其照監燈火務須徹夜常明庶
奸謀不得乘便大抵走更之法唯陽明公所行為妙
府州縣監原不大似不必然其夜巡之人如初一日
巡一更者初二日巡二更初三日巡三更迤而復始
以均勞逸

一監中須要有井及水桶三四隻一防偶火二便飲食
但汲水繩索晚間須要收藏及一切杖履等器梯凳

梁標杆椽等木切不可留在獄中即有修造朝帶而入幕帶而出其鎮塔練須用棗薪仍二年一換塔中仍用襯木縱橫下地三尺以防穿穴

一監房門監院門各鎖鑰俱掌印官收掌內面不許上拴蓋監禁防外不防內其巡夜道路俱要流通不得阻隔凡查監時正官親到監門開鎖徑進出其不意但防範不如法者即加重責或半月一次或五日一次或一連三四次莫有定時獄吏不入監直宿者重究三犯者申革

一重犯通賈禁卒醫生詐稱病故掌印官相驗不親委官亦惡山穢輒報真死及屍出而脫逃者如臨縣武倖至於異端邪教停息定脉尤不可憑凡驗屍屍須要件作仍須通鼻無變勒指不紅兩目下陷偏身如冰者方准搭結報死如有扶同隱匿者禁子作伴即與抵罪乃有獄囚脫逃妄以他屍充數謬作捕獲不數日而報監故如某縣者則有司之疎也此雖希事不可不知

倉犯

一古者罪人無閒坐之理城垣則令之修築鬼新則令之劈柴倉廩則令之舂米今以罪人拘繫在倉猶有古之遺意但倉犯原非重罪充軍發站人犯雖送監不妨笞杖及贖徒令里族之長鄉甲之人保領在外至聽訟之日不悞聽問申詳之後不悞贖決可也惟是隔縣關礙又當解審無人保領及監追還官錢糧家屬不當保領者然後送倉能幾何人哉近查幾處州縣專聽皂快稟說有錢者討保在外無錢者不論罪情輕重一禁送倉至於婦人收禁唯有犯姦死罪兩條餘俱責付本夫收管無夫者責付有服親屬隣里保管隨衙聽候並無雜犯送監倉之文其監連錢糧家屬併無婦女雖盜賊捕限亦無監禁家屬之文果其夫其父盜情已真倉禁妻子猶可如招禁在逃無賊無証之人而濫禁妻子已屬糊塗甚者監其父母兄長不亦孟浪之甚乎余於風憲約禁言之矣再引律條試自檢查

一倉中亦須穿井多備水桶幾隻一則便於犯人自汲一則可防不測火燭近查得一倉久犯輪當火頭刁索後來貪犯已經重究外各州縣掌印官即處土作

模令犯人多托坏墊擇於空便倉中作炕五六處計可容百人者厚織草苫五寸大作蘆席一重又作火竈三五處各從便攪食再置瓷碗碟百十个箸百十雙或照監中法官出薪米並菜待出倉之日貧者准開因糧不貧者照數補救其家火等項新舊斗級交代損失者本人賠補但有火頭斗級人等多開飯錢強當衣帽及刁難犯人臥無葺之地忍有米之飢者重行究治仍枷號於水倉門首示衆

一監倉兩簿掌印官每日點判要見某人某日送倉緣何又禁某人某佐貳送倉因何事情仍令斗級每辰口報倉犯有無飢寒病疾其送飯之規務同監飯齋進亦照監犯立為簿籍照序點名親接倉犯家人許徑進倉中事畢放出不許斗級攔阻倉門之下亦置鼓一面以備倉犯擊冤即時喚審

一七十以上老人及十五以下兒男及大小女子及身有疾病新遺重喪不係謀反大逆同居親屬俱不許擅拘倉禁其隨街婦人上堂先問皂隸拘喚有無拘搜衙門人等會否調戲如有指名票出者加倍重責革後風憲約中言之茲茲再申明

一拖欠錢糧止令限辦入官財物止令限納給主財物

止令限還紙數罪贖止令限完各令保人領催不則稟拘責治如家貧無辦討保無人即令倉死何益如可以經營有人保領倉之反妨措處至於審罪之時便問干証人等本犯果否有力能否完納方擬罪名若果身家真無虧兌自當減職銀註無力既省比銷未完亦免累年倉比其罪惡深重之人甯陸續多責及枷號示衆亦足示懲近見申詳徒杖奸問有稱等力甚至賊應給主輒捏主無全在及非本主自告名色俱改入官不知此出何律及先詳之後却乃倉追嚴比淹禁歲月甚者著落親族代納如此作官民生

何以洎存耶

驛犯

一驛逃之官雖卑生死之權實重諺云活軍死徒蓋發站之徒率有五等一等頗有身家納贖既惜多費擺站又怕辱名到驛之日官吏先行賄賂保人圍得貨財收管出門犯人離驛一等奸頑積棍無刀贖徒到驛之日私查徒數時記官職挾制官吏假取衣糧驛逸不敢不赦此兩等人查盤官到或保人代覓點站或本人探聽親來查盤既過依舊回家一等供給無人乞食不足或不耐鎖押買通押解之人脫逃回家驛官自歎多弊明知不敢聲言或差人需索此類或真是無處跟捉點站之時反為覓替此三等入全不在驛皆徒夫之奸頑者也一等才能可用或團衣食私役於積年保歇之家或求親幸聽差於衙門奔走之事甚有役滿之後依戀不歸者一等百事無長一貧如洗官吏要索不遂捶楚常加牢頭買免無錢凌虐備至飢寒無策疾病不恤及至死亡只費報故紙一張耳此等之人常居其半守令首當注意者也

一驛逸有衝有次街有居民多至數百家者有不及百家者院道批發徒犯率從就近地方且如永甯一州三驛玉亭附在州城徒夫乞食為便青龍不及玉亭

然人烟頗稱輳集惟是吳城一驛在荒山人家既少且貧徒犯批發頗眾解到之日不脫逃則餓死上司何由知之除驛遞簡繁人家多少另行查報以便批發外其在各驛逸囚犯要見本驛居民若干家見充徒犯若干人以便量情改調如官吏厭惟囚多故捏監牆傾圮店舍稀疎者覈實提問

一因房狼狽傾頽驛遞尤甚何者丞使痛痒不關亦令耳目不及錢糧無所措處興作誰肯申呈是以淺隘之房卑溼之地漏雨宵風浸泥濡水盛夏蒸溽大寒凜冽人非木石安能二三年不病且死哉查盤官點因多不下驛入驛亦不看房以後掌印官每年終一報監倉驛遞養濟等房有無漏塌應否修葺果當興工即於官路取木徒夫托坯或破壞寺廟或人家廢房舊磚瓦門牕皆堪拆買地基要高門牕要厚多作連炕厚鋪苫席再置鍋竈碗碟杓瓢盆箸銅桶等器血令館夫收掌交代每徒夫十人立火頭二人專管汲水造飯早開各喫粥一盞飯後押令乞食大率粥米三人一升三十人纔用一斗即令各夫攢造如果不齊亦聽情願此輩罪人非因做工缺食尋常生計不必官為設處也

一病疾徒犯法當保放回家調理痊可照日貼役近來
驛官放者竟不追呼不放者不恤疾病甚為壞法其
家遠身孤之囚即日報知州縣撥醫調理但有延慢
失調致令身死者該驛官吏徑以凌虐罪因提問再
擬其孤子親在篤疾或親死無人殯葬者報知州縣
正官准假事畢照日補役

一發驛之後或有黃腫痞塊癆瘵羸癯瘕瘋痺脚子
殘疾兩眼雙替及役雖未滿年已七十者驛遞官吏
即呈州縣掌印官當堂驗實詳具年齒病狀申報原
批衙門所有未滿日期不許拘役並如律收贖釋放

但有需索刁難不與申報者驛遞官提問

一州縣監倉切近掌印正官下情既易通關羣小猶知
忌憚驛遞之設半不同城官與吏卒情同貓鼠不惟
禁約為難亦且貪虐同衙顧天之聲何由上達又朝
夕在其掌握有冤亦不敢聞以復發驛使夫除驛夫
牢頭不許擅自毆打外其驛官以法給束應得責治
者不得過十板如有需索見面節儀賣歇等錢及私
下非禮凌虐奉承不到將徒夫擅行敲朴者許被害
之人指實陳告以憑重究革職

一徒犯本為工作律有拘役入役貼役之文如煎鹽炒

鐵運炭之類近來有力買官者盡行賣放無錢覓保

者又懼私逃盡則鎖押乞食夜則禁錮囚房甚非立

法本意律云犯徒罪者帶鎖做工帶鎖正防其逃做

工正役其力本司向以積充大惡到驛即逃常發之

逃驛細思驛遞則供給為難無親則借助不便不若

改之本州縣驛遞一則繫刑具以見鄉曲激其愧悔

之心一則有同室為之供給不患饕餮之缺責令托

打坵整挑浚城壕修理衙門推水撤柴守門巡夜

雖於辦一切事務可省一夫工食其無父母兄弟妻

子又無親族供給者比照日糧事例量給米食資其

力量如此則既得以功贖罪之法又無飢寒致死之

虞州縣去驛遞差遠者有役不妨調用畫則同夫押

管夜則收禁倉中如有保人聽從其便

一查得律例徒夫做工與擺站原是兩事擺站者發驛

逃撞損重勞之也今徒犯既無供給又懼辛苦且奔

走又難帶鎖何以防其逃逸及查撞夫一站雇人每

日銀七八分多者一錢若以囚徒搭配額夫夫八囚

二令之相羈囚日得銀三分飽食可以自存而以八

人防三人亦可以免逃逸庶幾稱得其用至於初犯

再犯刺字竊盜一無所用又費關防自有繁勞之役

令之帶錄工作勤苦三年既消磨其驕逸之性如果無人供給亦量貼與米食惟良有司調停之

一徒犯原非良民奸暴固其常性但驛官有過遂被委挾任其縱橫不敢制伏有凌奪同犯把持欺情者有指稱打點科斂重囚者有搶騙衣食擾害居民者有做侮官吏不遵約束者有徇自逃回拘喚毆打公差者諸惡不可盡指俱許驛遞官指實申呈本管州縣究明除重責枷號外仍加役調驛其因申而訴告驛官雖實亦不准理

一公差人等拷嚇錢財土豪棍徒奪騙良弱及誣告重情分毫無實等犯非徒罪不足示懲其餘需索科斂須審十分端的如實分已滿未滿便有應杖應徒所爭不過一錢半錢身原告之言豈得分毫不爽告稱全証輕証便有加罪免罪豈無一實半實乎干証之語安知一字無欺低昂伸縮間是在取供時斟酌之耳至於一事告實或重事告實或輕事告實或反坐所刺或未決收贖或律該罪止自有應得正條豈容一舉重擬近有因指稱告助坐贓問徒者不知婚喪等事原有相助之文案會設席豈無一錢之費又有誣告人杖一百而加三等徒二年者不省事情輕重

禁與証死同科驛中徒犯甚多皆緣問擬太易不知納贖每傾人家發驛或傷人命今驛遞徒犯所在充溢無容身處矣如果情有可恨法所當懲甯多責和疏可也

辨盜附盜欺情之人者也故附於欺

欺情之難察惟盜為最人情所深恨亦惟盜為最故人命據証佐其事易明驗屍傷其跡易見即有買証相証未必嚴刑暴加情可緩推寃終見白盜賊則不然昏夜不知誰何快壯無由緝捕然其訪之之術大禁有三或平日刺字偷兒或流來乞食貧子或寺觀遊食僧道或賭博迷子拳徒或寄住傭工窮漢則疑其人或察其色貌或見有裝携則疑其人或經商自外或居住孤庄或牙立無與或不屬保甲則疑其人要之盜不出於此人而此人未必皆盜也緝捕者既以跡証宿怨者又以警証有衣食者又以富証此人實不為盜而盜與快壯則執稱此人也問官以盜不嚴刑必不肯認乃摧殘肢體傷折肌膚苟緩一時違恤後日真盜固不輕招而招者未必真盜也買賊寄賊雖不知情而問罪入官且苦連累是寄買之家固不肯招賊而所稱寄買亦未必真賊也一被招攀身家無主財物濫索拷掠雜加事緩者猶得辦脫傷重者死於牢獄不若暫避以待事甯是真盜聞犯因逃而逃者未必皆盜也諺云指賊殺賊今招稱某所分賊賣與不知名人矣稱花費無存矣真賊固有賣與

不知名人及花費無存者而無賊坐盜其誰不曰賣與不知名人及花費無存耶至於有賊亦難信盜何也快壯欲獲盜以要功善於偽賊守令欲成獄以彌罪喜於得賊失主貪見在之財厭日久之累利於認賊有此三念何贖不真余每見招中盜數多者十五二十人甚者三十人某人分某物若干某人分某物若干一一分明種種招復未嘗不再三太息而恨捕盜者之愚於殺人也今有雜物數十以二十人分之數日間所分物此二十人者各自道其所分能不失矣以一人而道十九人之所分能一一不爽非筆劃

備記則聰明過人者也盜也烏合之眾皆愚蠢之人當昏夜之際懷恐懼之心作倉皇之事能以一人偏記某人分某衣某色樣某布帛若干丈疋某人分銀幾兩幾錢幾十幾百乎恐聰明不至此也某人各給一單備載某人分某物以為犯後招承之據乎恐從容不至此也奈之何偶獲一盜令招十九人之賊一一皆失主之物又於某人家起某物某人家起某物悉與初招合又某月獲某盜某日獲某盜各招所分賊物亦悉與初招合乎此其故可知矣蓋失主報盜原有粘單快壯執此以審賊曰某物某人分去盜

曰某人某物某人分去盜曰某人口詞具矣而解之捕官捕官不過指名問賊稱說一番令之招服而已之招服而已且初獲之盜不論果否是真而所招人賊惟恐當堂忘記忘記則筆從即加扶同則頃刻幾死彼何暇顧所招之非盜指賊之非真哉萬曆十四年八賊嶺有盜殺商劫財夥計報所失於官矣監司督捕急巡檢嚴逼弓兵更急計無所出偶見乞兒數人弓兵執之巡檢忘失單矣信口問賊乞兒亦信口認之起無一獲皆稱花費州縣解審拷殺及斃於獄

者多人乃查巡道失單大半不合而真盜乃獲之也省一一招前事焉嗟夫捕盜者快壯為盜者亦快壯真盜非快壯不能審平人非快壯不能証真賊非快壯不能得假賊非快壯不能為真賊失主固認假賊失主亦認失主即不願認快壯亦逼使認故盜賊之獄十九成於嚴刑嚴刑之獄十五類非真盜然則招賊者尚未可信有賊者尚未必真况所稱賣與不知名及花費無存者乎不過為應捕免比較為有司了前件而已殺一人而使我不心信彼不心服豈無一宗招案不識冥冥有知肯諒我無心之失否也或

曰世果無盜與盜果無真與曰盜何嘗無真可恨守令抵死不嚴鄉約保甲耳鄉約保甲嚴則朝稽其生理暮考其出入萬一被証但審本保本甲某人以何為生與誰往來某夜果否在家某家失盜以來此人一向何往索日有無非為近日如何度日是否與某有學家中器用及男女衣服首飾曾否見伊常穿會係某鋪買來何人所做家有銀錢保何物所費何人所與如來非盜仍取保甲里隣宗族保結其平日交游賭博棍徒者四肢惰慢而自奉豐者夜去明來者招搶殺奪者往來面生可疑者神色恍惚踪跡詭秘

言語支吾者所得非其所有而不知所從來者聞盜犯而携家以逃者良民無意巧弊故不思速避真盜思逃者十一真盜留心賊害故聞信豫逃良民盜語聞犯而逃者十九來路不明而潛寄寺觀窰裏者朝傭工於此而暮寓身於彼者鄉甲里隣定不保結世豈有絕人逃世之人乎不得不接屋而居比肩而行世豈有昧日塞耳之人乎誰之是非不見誰之動靜不聞惟鄉甲廢而盜賊敢公行惟鄉甲廢而盜賊有淵藪唯鄉甲廢而被劫無聲援唯鄉甲廢而真盜不敢舉惟鄉甲廢而証盜不敢救言及於此則辱庸荒怠不肖官員真難容於堯舜之世矣鄉甲果嚴豈有

為盜之人豈有被劫之家乎問有之必非嚴鄉約保甲者也或曰嚮馬斷路之賊非鄉甲所能禁矣曰嚮馬斷路係何處人彼處之鄉甲行安得為盜於此處哉書曰甯失不經今息盜無術養化盜無術教弭盜無術防審盜無術明但聽虎狼之羣小恃峻急之嚴刑玉石不分影響是執而深文以成火辟天理人情未知當否與其誣良民甯失真盜真盜失猶有死時良民誣竟無生日余既詳之風憲約而於此又申明云

審失單式 此條當入風憲約

一失主被盜先要點檢所失何物如衣服首飾銀錢具寫來歷以便備照搜贓記不真者許向婦女經收者體之人一一備細抄來如不依格式潦草泛濶及審問之時口語含糊者必有騙賴情由掌印官當堂重責嚴審明白親筆註於單上假如

金環一雙要審是何模樣如葫蘆二珠青金赤金原重幾錢何人還與何人打造有無記號

凡金銀首飾器皿之類俱照此審

緣段男衣一領要審 麥綠柳綠大雲小雲或係某花大摺細摺或係直身是舊是新整袖半袖何物作裏裏

何顏色某鋪買來某裁縫作有無記號如油庚某照酒漬火燒件

黃粧花女衣一件 要審全黃柳黃鶯黃柳黃有花無花

係是何花大領小領大袖小袖補係何鳥何花或圓

或方何物作裏何物作帶有無滾邊貼邊某裁縫作

紅粧花裙一條要審花紅木紅共是幾幅甚麼腰帶幾

重藤欄或瓔珞或海馬或美人或雜花何鋪所買甚

麼貼邊某裁縫作

凡各色布帛衣服帕巾綢帽藤衣鞋襪之類俱照

此審

銀錢若干要審係實何物係與何地何人所還何年所

積整銀半銀新錢舊錢

牛馬驢騾甚麼毛色多少年齒原同某牙買自何人是

牝是牝是驢

以上各審畢掌印官封之收諸私衙凡快壯搜贓與

失主相見相通者百倍重處搜贓之日先將失主拘

禁一處止令快壯與四鄰起送到官取出失單如首

飾先稱分兩如衣服先雜他衣然後提出失主聽其

揀認如物有相似爭持不決者便問本盜及寄贓之

家此物從何買來何人所做何人所與有無原主見

存何人見你穿帶亦召其人而問之即失主之物不能自認認得一半確然可憑者即是真賊